

مَعَالِيقُ مَبَارَاتِ مُلْكِ شِيرَازِ

ایکینجی قسم

مکاتیب رشیدیہ مخصوص اولوب اصول اداره و حیا
اجتماعیہ منزہ دائر مباحث مفیدہ پی حاویدر .

محوری

دو قطور : حاذق

یکی پروغرامہ توفیقاً عموم مکاتیب رشیدیہ لرینک اوچنچی
سنہ سنہ تدریس ایدملک اوزره قبول ایدلمشدر .

اوچنچی طبعی

محوری طرفیندن یکیدن تصحیح و تعدیل اولنمشدر .

صاحب و ناشری : کتابچی الیاس

درسمادت

قناعت کتبخانه و مطبعہ سی

۱۳۲۸

T- 110

قَنَا لَعَنَ كُنَّا لِنُخَابِئِ
بَابِ عَالِي جَاهِدِ سَدِ



تفقیه
۱۹۵۹

برنجی بحث ۹۹

۹۹

۳ جمعیت بشریه نك صورت تشكلى

اسان ويازينك منشائى

انسانلر جمعيت تشكىل ايتمزدن اول برلرندن آيرى اوله رق
اورمانلرده ، طاغلرده ، مغاره لرده يشارلردى . بواندقلرى
محللارده كى حيوانلرى اولامق ، كندى كندينه يتيشن آغاچلارك
ميوه لرني بلك صورتيه كچيرلردى . اللرنده آلت مدافعه
اوله رق بسيط بر ذكالرندن باشقه هيچ بر شى يوقدى . فقط
بوسايه ده انسانلر اك مدهش اك قورقنچ حيوانلرى بيله هلاك
دوزاغنه دوشورلردى . قارنلرى آجيقدينى زمان او آرامغه
كيدرلر ويك درلوقورنازلقه اولرني الده ايدرلردى . ياقالادقلرى
حيوانلرك اتلرني ير ، دريلرني دخى كييرلردى .

صغوغك شدنه مانع اولمق ايچون آتاج دالارندن قيسالر
آرسته نهرلر ، كوللر كنارينه ، قباتا صلاق برر قوبه ياپارلردى .
ايسته شوصورتله حيات سورن ايلك اجداد مزده اتحاد
واجتماعه بر ميل طيبي كوريلوردى . حيوانلرده دخى اجراى
حكمايدن بو آرزوى جمعيت بوون حيواناتك اك مكمللى اولان
انسانلرده بالطبع ده ازياده ايدى . چونكه انسانلر اتحاد واجتماع

ایتمه‌مش اواسه‌لرایدی شو و اراق غوغا-نك دها ایلک هجو منده
 مغلوب اولملری ، دیگر حیوانلرک پنجه‌ملری آلتینده از یلوب
 کیتملری شبهه‌سز ایدی ... اوت ! اتحاد واجتماع ایتیوبده‌حال
 انفرادده‌قالانلر غدای یومیلرینی بیله تدارک ایدمه‌یه‌رک آچلقدن
 صوسزلقدن اولوب کیدرلر ؛ دیگر وحشی حیواناته شکار
 اولورلردی . ایتمه ایلک اجداد من کندی موجودیتلرینی تأمین
 ایتک و مجادله حیات صفحه‌سنده غالب کله بیامک ایچون تا
 اوزماندن اتحادک قوت یایدیغنی اییدن ائی یه درک ایتملر ، بتون
 ترقیات و کمالنک اساس و منبئی اولان قوتک دخی آنجق اتحادله
 الله ایدیه بیله جکفی دوشونمشلر و او یله جه حرکت ایتملر
 ایدی . ایتمه تا اوزماندن - تخمیناً یوزبیک سنه اول - باشلایان
 ایلک اتحاد واجتماع بویه جه طاغلرده کوچیه‌حالنده بده ایتشدی .
 ایتمه بوا یلک اتحاد سایه‌سنده ایلک اجداد من کندی دشمه‌لرینه
 غایه چالیدیلر . و بوسایه‌ده اداره حیاتلرینی تأمین ایتدیلر .

او ایلک اجداد منک باشایجه دوش-ونجه‌ملری شو ابتدائی
 جمعیتلرینی ترقی ایتدیرمکدی . بونک اوزرینه جمعیتلرینی چوغالتمه
 و نقصانلرینی اکماله چالشدیلر . ابتدائی اوتوز قرق قولبه‌لی
 برکوی و یا قبا حصارلردن طوقونمش چادرلرده ساکن برر
 کوچیه‌حاله کلدیلر . فقط اوج درت‌کش-یدن عبارت اولان
 بر عائلده بیله اداره و انتظام طبیعی اولدیغندن بوزلرده کندی
 اداره‌لرینی تنظیمه باشلادیلر . ایچلرنده هپسنگ اعتمادی اولانلر-

جمعیت بشریه مک تشکی

دن بریسنی کندیلرینه رئیس انتخاب ایتدیلر و یکدیگرلریله اولان حسن امتزاجلرینی تأمین ایچونده آره لرنده بر طاقم بسیط قانونلر قویدیلر .

اوزمانک عالم ، فیلسوف و بوتون خلقتک ذهنی اشغال ایدن مهم بر مسئله وار ایدی که اوده آره لرنده تعاطی افکار ایچون برلسانک وجودی ایدی . کرچه ابتدالی بر طاقم اشارتلی ، حایقمرله مختلف اوضاع و اطوار ایله یکدیگرینه افاده مرامه مقتدر اولیور ایدیه لرده بو اولرک افکار وحشیاتی ترجانه کافی گلزدی .

ایشته فلسفه بشریت قدر قدیمدر . فقط فلسفه دائماً هبرم اولان مجهولاتی حل ایتمکه اوزراشدیفندن اوزمانک فلسفه سیده برلسان یایه بیلمک ایچون لازم کلن کله لری بولمقدن عبارت ایدی . ایلک اجدادمن بونی دخی بک قولای وطیبی بر صورتده بولدیلر . ایلک اول کوزه جاربای هر جسمه ، هر شیئه بر اسم ویرمک لازم ایدی . بواسمی ایه او جسمک ویا او شیئک طبیعی اوله رق حاصل ایتدیکی صدا ایله توسیم ایتدیلر که بوکا توسیم بالقیده الصوت « onomatopée » دینور . مثلاً برنهره اسم ویرمک ایچون اونهرک آقارکن حاصل ایتدیکی حشیرتی بی ، بر آغاجه اسم ویرمک ایچون روزکار اسرکن حاصل ایتدیکی اهتزازی ، الحاصل بر قوشه ، بر حیوانه بویله جه حاصل ایتدکری صدای طبیعی بی عیناً تقلید ایدرک اونلره اسم ویردیلر ؛

ايسته بو صورتله لسان ابتدائينك ايلك كلمه لري بولمدي . فقط بر طاقم جسملر وار ايدى كه اونلر طبيعي اوله رق هيج بر صدا چيقارمزلايدى . حالبوكه بونلرده برر اسم ويرمك لازم ايدى . بزم قوجه داهيلر بونك ده چاره سنى بولديلر . اولجه صدابي تقايد ايدمك بولدقلىر كملرك بر ايكي سنى بر بريله برلشديرمك صدا چيتارميان جسملره اسم ويرديلر . برزمان صوكره كوزه چارميان فقط فكرآ موجد اولان بر طاقم شيلرمده اسم ويرمك واونلر ايجونده برر كمل بولمق لازم كلدى . او ايلك فيلوسوفلر بوكاده موفق اولديلر . كرك صدابي تقايد ايله و كرك اونلرك امتزاجيله بولدقلىر كملرك اول و آخر لرينه كايشى كوزل برر حرف ويا كمل علاوه ايدرك بو صورتله فكرآ موجود اولان شيلرمده اسم ويره بيلديلر . الحاصل بوسايه ده ايلك لسان يواش يواش تكمل ايتدى . علم السنه نك فلسفه سنه كوره بوايلك اجداد منرك توسيم بانه ايد الصدا ايله بولدقلىر ايلك كملرك عددي بشيوز صدای طبيعيدن عبارتدر . حال حاضر ده هر هانكي برلساندن اولورسه اولسون بر كمل آتوبده علم السنه اشتقاقده اصلى واساسى آرائيلورسه اك نهايت او بشيوز صدای طبيعيدن بريسنه منجر اوليور [*] فقط اسانيونك بولدينى بوايلك بشيوز صدای طبيه ينك

[*] مثلا: فرانسجه تاريخ معناسنه اولان histoire كلمه سنى الهجق اولورسه ق بونك اصلى لاتينجه histor كلمه سندن عبارتدر . بوايسه his ايله tor دن مركبدر . his اصل اولوب tor ايسه صوكره دن

اوزمانلر هانكى جسمه اسم و يرلدىكى بوكون مجهول اولوب اساساً معلوم اولسه بيله بوكا لزوم يوقدر .

بربرينك ديلندن آكلاميان ايكي كيمسه بربرينه مرام اكلامق ايجون ابتدائى اولان بواصوله رعايته مجبور قاليرلر . اولاً اشارتله صـ و كره بيان ايتك ايتدكلرى اشيائي تقليد ايله مرام آكلا تيرلر . انسان بوقدر تكمل ايتدىكى حالده قوللانديغمنز كلمه لرك ايجنده بك چوق تقايدلر واردر . مثلاً جوجيو ، هود هود ، غوغو ، هپ او حيوانلرك صدالرينى عيناً تقايد ايله ويرلش برر اسمدر .

بوندن سوكره ايلك جمعيتك داهيلرينك ذهني بر مسئله مهمه دها اشغال ايدر كه اوده كرك بولدقلىرى بوكله لرى و كرك بوكله لرله افاده ايتدكلرى فكلرلى بربره يازارق اونلرى ابدىاً حفظ ايتك مسئله سى ايدى . بونى دخى بك قولايلاقه بولديلر . اسم بولمق ايجون اجسامك صدالرينى تقايد ايدىورلر ايدى . كلمه بولمق ايجون ده اجسامك شكللرينى تقايد ايتمكه باشلاديلر . بر آغاجك ، بر قوشك ، بر نهرك رسمنى چيزمكله اونلرى افاده ايدن كلمه لرى بولديلر . يازى يى ابتدالرى قوملر اوزرينه ؛ سيام كور و تباشيرلرله ديوارلر ، ياپراقلر و تحتلر اوزرينه يازمغه باشلاديلر . لسان تكمل ايتدكجه يازى ده تكمل ايتدى . نصل كه بوكون قوللانديغمنز

علاوه ايدلش برادات انتهاي اولديغندن كبرى به اصل اوله رق his قاليركه ايشته بو his اوبشيو ز صدای طبعیدن بر يسيدر .

لسانك هر بركله سی ال ابتداکی صدایی تقایدا یله قونیلان کلمه لرك
 ترکیب و تخایط یله حاصل اولمش ایسه شمیدیکی حروفقا تمزده ال
 ابتداکی اشکالی توسیم ایله بولنان حروفقا تک تخریف و تبدیندن
 حاصل اولمشدر. بوکون هر هانکی لساندن بر حرف آتوبده
 اصول مخصوصه یینه حال ابتدائیسی آراناسه بر قوش، بر حیوان و یا
 بر جسمك رسنه منجر اوله جنی شبهه سزدر. خلاصه، جمعیتك
 ایکی رکن اعظمی اولان لسان ایله یازی بولندقدن صوکره آرتق
 جمعیت بشریه ساحه ترقیده سربع آدملر آتغه باشلادی. جمعیت
 بشریه تکمل و ترقی ایتدکجه اوجمعی اداره ایتمک ایچون قونیلان
 قانون و نظاملرده زمانه کوره تعدیل ایدایر و هر زمانه موافق،
 سعادت و رفاه عمومی یه مطابق یکی یکی قانون و نظاملر قونولورایدی.
 بشریت ابتدا کندینه بویله پک طبیعی و حقیقی بر یول بولدینی،
 تکمل و ترقیسنه آنکدار بر صورتده دوام ایتدیکی حالده ینه کندی
 غفلتی نتیجه سی اوله رق اوکنه بر طاقم مانه لر چیقیدی که بشریتی
 بیکلر جه سنه دنبری ساحه ترقیده بر خطوه بیله آتدیرمدینی کبی
 نیجه عصرلردن بری طیرمانه دیدینه الده ایدیلن بوقدر محصول
 مساعی بی، آثار عمومی بی دخی محو و نابود ایتدی. بشریت
 قورتلسی مشکل و بلکه ده غیر قابل بر کیرداب هوانا که دوشدی.
 بومانعلر، بو کیرداب لر ادیان و مذاهب باطله نك ظهوریدر.
 انسانلر کندیلرنده تجلی ایدن بونور عقل سایه سنده نظرلرینه
 چاربان بر طاقم علائم و حادثات طبیعیه قارشى مفتون و حیران

قاليرلردى . ابي دوشونلرى حيرت و تقديرلرني جلب ايدن بو
 علائمي تماشاليتدكجه اولورك بر صانع حقيقيك وجود و موجوديتنه
 دلالت ايتديكنه قائل اولورلر و او علائمه دكل ، او صانع
 حقيقيه قارشى تعبد ايدرلردى . فنا دوشونلرى ايسه اوقدر
 درينه و ارميوب كوزلرينه چاربان هر علائمي برر معبود مطلق
 گي طائيرلر ايدى .

فقط مع اتئاسف ابتدائي بر ذكاده آنجق شق ثاني كثير
 اتقوع و غالب ايدى . شق اولدن بولنسه بيله پك ايلرى
 واره مزلر و نهايت طوفان بطلان ايچنده بوغيولورلر ايدى .
 بشريت اديان و مذهب باطله دن مشكل سورلر ايچنده اسير
 اولدى . او دهشتلى مانع ترقى سورلرى ييقمق غير قابل
 ايدى . چونكه زمان ايله بشريتك تكملى يرينه او اسرار
 و استبداد سورلرى تحكيم اولتوردى .

بر زمانلر بشريت پترلر اسير اولدى . طاشدن طوپراقدن
 ياييلان صنملره طابدى . بر زمانلر كونشه ، قره ييلديزلره
 خلاصه آتسه پرستش ايتدى . بر زمانلر حكمدارلره اسير
 اولدى . يونلرك هر بريسي بيكلرجه سنه دوام ايتدى . بو
 زمانلر هپ « ماضيلرى آتيلره قلب ايتمكه مأمور » ايدى .
 اك نهايت پك يقين زمانلرده ، تخميناً ايكيوز سنه اول انسانلر
 راه حقيقي كورمكه باشلاديلر ، كنديلرني محو ايدن موجو -
 ديتلرني كيرن اسباب و موانعك كافه سنى سو كوب آتمه

جسارت ايتديلر چونكه حقيقت بي تيرسه مدافعه ايديلر .
 نور معارف بك يقين زمانلرده حقيقتى انسانلره اظهار
 ايديه بياش ايدك . بك يقين زمانلرده انسانلر مشروطيتلر
 تأسيس ايتديلر ، جمهوريتلر ك اساسى قورديلر . حريتى دائما
 اوكلارنده حقيقتك بررهبرى اتخاذايدنديلر . فقط مع الناسف
 بونلر بك محدود فرقهلرايچنده وقوعه كلدى . صحنه بشريتك بر
 كوشه سندن چيقان بو صداى حقيقت هر طرفه عكس ايتدى .
 هند ، چين كى بر طاقم اديان ومذاهب باطله نك اسيرى اولان
 ويىكلرجه سسه لردنبرى ساحه ترقيده بر آديم بيله آتيمان ايكي
 قوم ضاللين بشريتك كوز ياشلريله ، قانلريله ، غيرتلريله الحاصل
 بوتون موجوديتلريله ديدينيوب طيرمانه ميدانه كتيرديكى اومجوع
 كالاتى محوايتك ايچون حاضر در . اونك ايچون كندمزي دكل هم
 جنسلرمزى ده ايفاظ وتشويق ايتملى يز . اكر بز يالكلزباشمزه
 تكمل ايدرده محيطمزي جاهل براقيرسه قبز اولنره اولنلرده بزه
 قارشى امانسز بر دشمن ، دواسز بر درد اولور . سعادت
 عموميه حصـوله كله بيايمك ايچون عموم انسانلر ك متحد اتكمل
 وترقيه لرى شرط اعظمدر . عكس حالده برينك فضائلى
 ديكرينك رذائيله ستر وافدا اولنور .

خلاصه

۱ — انسانلر جمعيت تشكيل ايتزدن اول ناصل يشارلرايدى؟

انسانلر جمعیت تشکیل ایتزدن اول بربرلرندن آیری اوله رقی داغلرده ، اورمانلرده ، مفاره لرده یشارلر ایدی .

۲ — انسانلر جمعیت تشکیل ایتکه نهدن لزوم کوردیلر؟

انسانلر احتیاج اوژرینه جمعیت تشکیل ایتکه لزوم کوردیلر .

۳ — انسانلرده کی بو احتیاج نه ایدی ؟

انسانلرده کی بو احتیاج حیات شخصی و حیات نوعیه لرینک حفظ و وقایه سندن عبارت ایدی .

۴ — حیات شخصی نه در ؟

حیات شخصی دیمک دیمک ، ایچمک ، کیمک و دیگر بردشمنک شرندن کندینی محافظه ایلمک کی ترکی غیر قابل برطاقم لزوم و احتیاج قطعیدن عبارتدر .

۵ — حیات نوعیه نه در ؟

حیات نوعیه انسانلک بقا و نسلی ایچون جوجقی یتیشدیرمسندن و اونلک دخی کندینی اداره ایده بیله جک بروراده به کلنجه به قدر حیات شخصی سنی محافظه ایلمسندن عبارتدر .

۶ — جمعیتدن نه فائده وار ؟

جمعیت اتحاد ، اتحاد ایسه قوت دیمکدر . بر جمعیت نه قدر قوتلی اولورسه او نسبتده کندی دشمنلرینه مقابله ایدر و اونلرک دندان تعرضنه دوشمکدن قورتلور . بوندن باشقه هرکس بربرینه یاردم ایدرک بربرینک احتیاجنی تسویه ایدر .

۷ — انسانلر ایلمک جمعیتی تشکیل ایدر ایتز اک جوق نه به

احتیاج حس ایتدیلر ؟

انسانلر ایلمک جمعیتی تشکیل ایدر ایتز ، یکدیگر بیه تعاطی افکار ایچون ، اک زیاده لسانه لزوم و احتیاج حس ایتدیلر .

۸ — ایلمک اول ایلمک لسانی ناصل بولدیلر ؟

ایلمک اول ایلمک لسانی هر شیشک سه سنی تقلید ایدرک بولدیلرکه بوکا سه سی تقلید ایله اسم و برمه دینور .

۹ — سه س چیقارمیان شیلره فاصل اسم ویردیلر ؛
سه س چیقارمیان شیلره دخی اسم ویرمک ایچون اولجه سه س
چیقاران جسملره ویردکلری اسملرک بر قاجنی بربرله بولشدیره رک
اسم ویردیلر ؛

۱۰ — ذهنأ موجود اولان شیلره فاصل اسم ویردیلر ؟
ذهنأ موجود اولان شیلره اسم ویرمک ایچون اولجه بولدفلری اسملرک
اول و آخر لرینه برطاقم کلمات علاوه سیله اسم ویردیلر .

۱۱ — لساندن صوکره اک زیاده نه به احتیاج کورلدی ؟

لسان دن صوکره اک زیاده یازی به احتیاج کورلدی .

۱۲ — ایلک اول ایلک یازی بی فاصل بولدیله ؟

ایلک اول ایلک یازی بی اجسامک شکل لرینی تقلید ایدره رک بولدیله که
بوگاده شکلی تقلید ایله یازی دینور .

۱۳ — انسانلرک ترقیسنه مانع اولقی ایچون نه کی اسباب ظهور ایتدی ؟

انسانلرک ترقیسنه مانع اولقی ایچون ادیان و مذاهب باطله ظهور ایتدی .

۱۴ — انسانلرک ترقیسنه مانع اولان بوادیان و مذاهب باطله نه لزدی ؟

انسانلرک ترقیسنه مانع اولان بوادیان و مذاهب باطله پک چوق

ایسه ده باشلیجه لری پت پرست ایله مشرکین و سائره در .

۱۵ — ادیان و مذاهب باطله دن ماعدا انسانلرک ترقیسنه مانع

باشقه بر سبب واری ایدی ؟

ادیان و مذاهب باطله دن باشقه انسانلرک ترقیسنه مانع اولان مستبد

و ظالم حکمدارلرک ظهوری ایدی . دین غوغالریله حکمدارلرک حرص

و طمع لری دنیای آلت اوست ایدردی .

۱۶ — سعادت عمومییه حصوله کله بیلمک ایچون نه لازمدی ؟

سعادت عمومییه حصوله کله بیلمک ایچون عموم انسانلرک متحداً

و متفقاً تکمل و ترقیلری شرط اعظمدر . عکسی حالنده برینک ایلکی

دیگرینک کو تولوکیله افنا اولنور .



ایکنجی بحث

حکومت لک صورت تشکل وانواعی

انسانلر هر درلو احتیاجلرینی آنجق یکدیگرینه معاونت سایه-
سندمه تحت تأمینہ آله بیلیرلر . بومعاونت ایسه تقسیم اعمال و-
مشرکله میدانہ کلیر . تقسیم اعمال وسمی مشترک دخی انسانلری
جمعیته پشامغه مجبور ایدر . شو حالده جمعیت عین بر مقصد
اوزرینه اجتماع واتحاد ایدن و بر برینک مذافع و سعادتی تأمینہ
چالیشان بر چوق انسانلرک هیئت مجموعہ سپدر . فقط بر جمعیته
مقصد تشکلنده غایت مهم بر نقطه واردر که اوده اوجہیتی تشکیل
ایدن افرادک کانه سنک محافظه حقوق و تأمین سعادتلریدر . بر
جمعیت کندی افرادینک حقوقلرینی محافظه و سعادتلرینی تأمین
ایده مزسه اوجہیتک وجودیه عدم وجودی مساویدر . او حالده
هرشیدن اول جمعیت کندی موقعی تحت تأمینہ آلمی که آندن
صوکره افرادینک حقوق و سعادتی دوشونه بیلسون . بوندن
آکلاشیلیور که هر رشیدن اول جمعیته انتظام و دوامی شرطدر .
جمعیته انتظام و دوامی ایچون حکومتک وجودینه احتیاج
واردر . چونکه حکومت اولمازسه بر جمعیت دخالنده انتظام

و آهنگ عمومی پایداری اوله من . افکار بشریه بک مختلفدر ،
 الک مطلق بر نقطهده بیه بر جوق معارضلر بولنور . بعضاً ایکی
 کشینک فکری بیه بر نقطهده جمع ایتک ممکن اوله من . حالبوکه
 مجموعی یایونلره بالغ اولان بوقدر انسانلرک فکر لرینی هر زمان عین
 بر نقطهده جمع ایتک قابل دکلدر . بونک ایچون دائماً اکثریتی
 قازانلره حق ویرمک و دیگر لرینی سکوته دعوت ایتک لازم
 کلیر . بوندن بشقه بر جمعیت داخنده مضر کیمسه لر اکیک
 اولمز . بر جمعیت افرادینک کافه سی عین صورتله تکمل ایدمنز ،
 ایچلرنده جاهلر سفیللرده ، قاتلرده بولنور . بونلر ایسه یادوشونجه سز
 حرکتلریله ویا افکار ظالمانه لر یله جمعیتک دیگر افرادینی ، بالذات
 کندنی قرداشلرینی اصرارده ، ماللرینی جانلرینی یا غمه و تلفه قیام ایدرلر .
 اوجمهیت داخنده کی شیرازه انتظامی بوزارلر . راحت عمومیه یی
 سلب ایدرلر . بناءً عایه اورته لق قارمه قاریشیق اولور .
 میدانده نه جمعیت نه ده افراد قالیر . ایسته حکومت آهنگ
 وانتظام عمومی یی تأمین ایتمکله برابر جمعیتک بقای تحت امنیت آمش
 اولور . بناءً عایه جمعیت انسانلر ایچون فاصل بر امر طبیعی
 و مجبوری ایسه حکومت ده اوجمهیتک بقا و تأمین سعادت ایچون
 اویله جه بر امر طبیعی و ضروریدر . جمعیتلری اداره ایدن بو
 حکومتلر بک مختلفدر . فقط باشایجه بش سیوک صنفه تقسیم ایتک
 ممکندر . بونلردن برنجیسی حکومت مطلقه ، ایکنجیسی حکومت
 مشروطه ، اوچنجیسی حکومت جمهوری ، دردنجیسی حکومت

خواص، و بشنجیدی دخی حکومت عوامدن عبارتدر .

۱- حکومت مطلقه: جمعیتک ادارهسی صرفی حکمدارک اداره کیفیه سنه تابمدر. پک نادر اوله رقی بونلرک ایچنده ارباب کمال کایرسه بو حکومت ترقی ایده بیلیر . فقط بویله براداره ده ظلم و استبداد یوزده یوزدر. چونکه یالکیز رکشی همده کوچکدنبری فقر و سفالت چکمه مش، اها لیک حالته واقف اولماش جاهل برکشی نه قدر عقللی ، درایتلی اولورسه اولسون میا و نلرجه کشیک احتیاجلری نی بیله مز؛ و بیلسه بیله عمومی حسن اداره ایده مز . بونلرک ایچنده حسن نیت صاحب لری بوانوبده ملتک سعادتنه چالیشسه بیله ینه قاش یاپارکن کوز چیتارر . نتیجه سی ظلم و هلاک عظیمدر . حکومت مطلقه بوکون دنیا دن قالد یرلمشدر . فقط مع التأسف اها لیسى نسبتاً جهالت ایچنده قالان بعض یرلرده ینه اجرای ظلم و خبانت ایتمکده در . حکومت مطلقه نك اجرای حکم ایتمدیکی محالرده ذره قدر تکمل و ترقیدن اثر کوزیله مز . چونکه حکومت مطلقه نك حکمدار لری آنحق کندی موقع خود بینانه لرینی تحت تأمین آله بیلیمک ایچون دائماً اها لی بی جاهل براقق و آنحق بو سایه ده کنسیدی او امر و نظامات مستبدانه لرینه منقاد و مطیع ایتمک مسلك سقیمنی تعقیب ایدر لر . نور معارفک کیرمیدیکی بریره ایسه نه تجارت ، نه صنایع ، نه زراعت کیرر . هر کس ظلم ایچنده حقیقی کوره مز . برکور هوغاسیدر کیدر ، آور و پاده بوکون بزه حیرت و یرن ترقیات

استبداد دورنده دكل حریت زماننده وجوده ككشدر. اونلرده ظلم واستبداد آلتنده بولندقلری زمان بزدن دهافنا برحیات سفایه به محكوم اولشلر ایدی . بزم حكومتمز آلتیوز سینه لك بر حكومتدر . عجیابومدت عظیم ظرفنده انسانیتیه نافع آلتی باره لق بر اثر تكمل وترقی كوستره بیلیرمی یز؟ خیر! چونكه بز آلتیوز سنه دنبری انسانیت ایچون دكل آنحق بر حكمدارك كیفی ایچون چالشصدق ، قان دوكدك . كوزلرمن اوزمانلری نور حقیقتدن محروم اولدی ، وطنمز فقر وسفالفتك مدھش برمنبی حالی آلدی . بزم پادشاهلرمنك بر قاچندن ماعدا هپسی مستبد وظالم ایدی ؛ هپسی صرف كندی منفعتی ایچون چالیشیردی . تاریخمز بونك شاهد عدلیدر . كندی قرداشنی ، باباسنی ، اوغلنی اولدور ، این آز بولنور .

مقصده مالكتلری فتح ایتمك دكل اونلری حسن اداره ایتمكدر بزم اسكیدنبری اولان سوء اداره منسائقه سیله دركه وقیله قوشه رق سنجاغمزك آلتنه كیرن صربلر ، بانغارلر ، قره طاغلرلر ، بجارلر ، لهیلر ، رومانیا لیلر ، تانارلر ، كورجیلر ، صوكر بدن قان دوكرك بزدن آیرلرلر . چونكه بز اونلرك سعادتلرینی تأمین ایتمك شویله طررسون حقوق حریتلرینی ده غصب ایتمش ایدك . فقط بوكون بر حكومت مشروطیه مالیکز ، او سایه ده اسکی ضررلرمنی تضمین ایچون بوكوندن اعتباراً متین وسریع آدلر آتملی یز . چونكه اوتوز اوچ سنه دنبری چكده یكیمز

استبدادی دکل آلتیوز سنه دزبری اوغرا دیغمز فلاکتلری ،
دوچار اولدیغمز ضایعاتی تضمینه مجبوروز .

۲ — حکومت مشروطه : بونده حکمدار ایستدیکی کبی
حرکت ایده من حکمدار ایله ملت آره سنده بر طاقم شرائط
وضع اولنور که هرا یکسی ده اوشرائطدن آیریه من . هرنه اوله .
جقسه ماته حکمدارک وکیللری طرفدن مذاکره اولندقدن
صکره قبول واجرا اولنور . حکومت مشروطه بوکون الک ای
بر حکومتدر .

حکومت مشروطه ملت وکیللری طرفدن اداره اولنور
بر حکومت اولدیغدن بالذات ملت حاکمیتی محافظه ایدر . هر
ملکتک احتیاجی اوملکتک کوندردیکی وکیل طرفدن میدانه
قونور ، وهیسی برالکده عموم وطنک منفعتی دوشونور . ملتک
ویردیکی ویرکولر حکمدارک ذوقنه کیفنه صرف ایدلر . ینسه
ملتک کندی آرزوسيله احتیاجنه ، شوکت وسطوتنه صرف
ایدیلر . بزم حکومتمز هنوز مشروطه اولمشدر . ۱۰ تموز
سنه ۳۲۴ و ۱۰ نیشان سنه ۳۲۵ تاریخلری اونودایه جق برر
کوندر . ۱۲۹۳ سنه سنده مرحوم مدحت پاشا طرفدن یازیلوب
قبول ایتدیریلن قانون اساسیمز بیک درلو حیهله و دسیسه ایله غصب
اولندی . ملتمز ۳۳ سنه دزبری ظلم واستبداد آلتنده چورومش
ومحو اولمش ایدی . اتحاد و ترقی جمعیتک سایه سنده روم ایلی
طرفلرنده عموم عسکر واهالی حکومت مستبده عاینه قیام ایدرک

اك نهايته اردوايله استانبوله كلهرك حريمزى قلعجلىيله سونكو-
لريله آلديلر .

۳ — حكومت جمهوريه : حكومت مشروطه نك عيى اولوب
يالكنز بش آلتى سنده بردفعه ديكشمك شرطيله ملت و كيللرى
طرفندن منتخب بررئيس ايله اداره اونور . جمهور رئيسى ايله
ملت آرمه سنده برطاقم شرائط وقوانين قونولور . بوتون حكو-
ماتلك اك منتخبى واك حر و مترقىسى بودر . طبقى حكومت
مشروطه كهى اولوب يالكنز حكمدار مجلس مبعوثان ايله اعيان
طرفندن انتخاب اونور . بوكاده جمهور رئيسى دينور .

۴ — حكومت خواص : بر جمعيتك زادكان و زنكينلر
طرفندن اداره اولنميسيدر . هر نه قدر انكلتره بوكا بر نمونه اوله رق
كوسترييله بيلورسده اصل بونك نمونه سى يونانيهرك فيلوسوفلق
دورلرنده بعض مملكهكلترده كى زنكينلر اهالينك هم اداره وهمده
تميشنى درعهده ايدرمش . مختلف شهرلرده كى زنكينلر مأمور-
يتلرى اولادلرينه انتقال ايمه مك شرطيله اومملكهتى اداره ايدرلر
ايمش . بوده برنوع استبداد ديمكدر . همده آلتندن قورتملى
غيرقابل بر استبداددر . چونكه دشمن بر دانه دكل كه قفاسنى
ازيويرملى .

۵ — حكومت عوام : بر جمعيتك امور اداره سنك دوغروندن
دوغره يه اوجميتك اهاليهسى طرفندن اداره ايدلميسيدر بو اداره ده
زنكين فقير هپسى ذى مدخلدر . ياييله جق هر دبرلو اجرا آت

عمومک رأییله یاییلور . بونلرک یعنی اها اینک فوقنده هیج بر مأمور یوقدر . هبسی حقوق و اداره خصوصنده مساویدر . شمدی یه قدر بو طرزده بیوک بر حکومت تشکل ایتمه مشدر . فقط هر مملکتده آز چوق بونک نمونه سی کوریلور . اکثر مملکتلرده اها اینک مجتہاً طوبلانونب اجرا آت یایمهلری کبی . فقط بونلرده حکومت دینه من .

خلاصه

— حکومتلر ناصل تشکل ایتدی ؟
حکومتلر جمعیت بشریه نك انتظام و آهنکی ایچون بالجبوره تشکل ایتدی .

۲ — حکومتلرک تشکلندن مقصد نه در ؟
حکومتلرک تشکلندن مقصد جمعیتک انتظام و دوامنی تأمین ایتمکه برابر اها اینک حقوقنی دخی محافظه ایله مکدر .

۳ — قاچ نوع حکومت واردر ؟
بش نوع حکومت واردر . اونلرده : مطلقه ، مشروطه ، جمهوریه ، عوام ، خواص .

۴ — حکومت مطلقه نه یه دیرلر ؟
حکومت مطلقه برملتک اداره سنک یالکیز بر حکمدارک اداره کیفیه . سنه بر اقل مسندن عبارتدر . بونک نتیجه سی ظلم و استبداد اولوب اونکده نتیجه سی هلاک عظیمدر .

۵ — حکومت مشروطه نه یه دیرلر ؟
حکومت مشروطه بونده حکمدار ایستدیکی کبی حرکت ایده من

چونکه ملت حقوق و حریته مالکدر . علی العموم اداره ملتک النده در . هریر قوانین و نظامات بالذات ملتک و کیلری طرفدن قونولور . کرک حکمدار کرک ملت بوقوانیندن اسلا آبریه من . بوقوانینک زمانه کوره تبدیل و تعدیل لازم کایرسه ینه ملت و کیلری طرفدن تبدیل و تعدیل اولور .

۶ — بزم حکومتز ناصل برحکومتدر ؟
بزم حکومتز برحکومت مشروطه در .

۷ — بزم حکومتز نه زمان مشروطه اولدی ؟

بزم حکومتز ۱۲۹۳ سنه سنده مشروطه اولش ایسه ده صوکرده دن بعض حیلله و دسیسه ایله غصب اولمش ایدی . نهایت ملتز ۳۳ سنه دنبری ظلم و استبداد آلتنده ازیلوب محو اولمش ایدی . یکریمی بش سنه دنبری آوروپاده جالیشان اتحاد و ترقی جمعیتک امر تشویقیله روم ایلیده کی بوتون عساکر و اهالی اسکی حکومت ظالمه نک علیه نه قیام ایتدیلر . بونک اوزرینه هیچ قان دوکلمکسزین چاره سز قالان بردشمنک تسلیم اولسی کبی اسکی ظالم حکومت افرادی ده تسلیم اولغه و مشروطیتی قبول ایتمک مجبور اولدیلر . فقط ۳۱ وقعه سنده صرتجملر تکرار قیام ایتدکلرندن روم ایلیدن حرکت اردوسی استانبوله کله رک عاصیلری تأدیب و مشروطیتی تحکیم ایتدیلر .

۸ — اتحاد و ترقی جمعیتی ناصل بر جمعیتدر ؟

اتحاد و ترقی جمعیتی دور استبداده و طمنیزی ظالمبرک لندن قور . تارمق ایچون پارسه ، انگلتره یه ، مصره ، برلینه الحاصل بوتون حر مملکتلره فرار ایدن و اهالینک ذهننی آچق ایچون اورادن بر طاقم غزته و کتابلری یازوب کیزلی کیزلی مملکت مزده نصر ایتدیرن کنج ترکلردن عبارتدر . بونلر اوتوز سنه دنبری چالیشمقده درلر . کندیلری بیک درلو فقر و سفالت ایچنده بولندقلری و حکومت مستبده ایسه کند . یلرینه سند و قلد دولوسی آلتونلر و یردیکی حاله ینه نزل ایدوب موافقت ایتمدیلر . وطنک ، ملتک سلامتی ایچون چالیشدیلر . جناب

حق ده کندیلرینی بو حسن نیتلرندن دولایی امللرینه موفق ایتدی .
بوکون او توژملیونلق برملتی ساحه سلامتہ جیقاردیلر وطنمیزی پوارلنقده
اولدینی کیرداب فلاکتدن قورتاردیلر .

۹ — اتحاد و ترقی جمعیتی شمدیدن سوکره ینہ دوام ایده جکمی؟
و وطنہ باشقه بر خدمت ایلیه جکمی ؟

اتحاد و ترقی جمعیتی شمدیدن سوکره ینہ دوام ایده جک و وطنہ ایکنجی
بر خدمت دها ایلیه جک که اوده مملکت مزده معارف ، صنایع زراعت
و تجارتک ترقیسنه جالیشه جق و عین زمانده ملته و حکومتده رهبرک
ایده جکدر .

اتحاد و ترقی جمعیتک بدایت تشککندن بری ایکی مقصدی و ارایدی:
بر یسی وطنک تخلیصی ، دیگر ی دخی تعالی و ترقی سیدر . حمد اولسون
برنجیسنه موفق اولدی . ایکنجیسی ایچون ده جدأ جالیشمقده در .
عون صمدانی ایله اوکاده موفقیتنی کمال خلوص ایله تمی ایلرز .

۱۰ — حکومت جهوریه نهیه دیرلر ؟

حکومت جهوریه حکومت مشروطه نکه عینی اولوب یالکیز رئیس
حکمدار برقاج سنه ده بردکیشمک اوژده عموم طرفندن انتخاب اولنور .

۱۱ — حکومت خواص نهیه دیرلر ؟

حکومت خواص ملتک زنکینلر و یا زادکانلر طرفندن اداره اولنمیسیدر .

۱۲ — حکومت عوام نهیه دیرلر ؟

حکومت عوام ملتک علی العموم اهالی طرفندن اداره اولنمیسیدر .





اوچنجی بحث

حاکمیت ملیه

حاکمیت ملیه ملئک بالذات کنندی کندیسی اداره ایتمیدر .
دنیاسده نه قدر حکومت واریسه هپسی مختلف صورتده برر
حاکمیت ملیه در . هیچ بر زمان برویا بر قاج آدم مایونلرجه آدمدن
عبارت اولان برملتی اداره ایده من . بو عقلاً شرعاً اوله من . اکر
بویله اوله جق اولورسه مطلق ظلم استبداد تولد ایدر . ظلم استبداد
اوزرینه قوریلان بر حکومت ایسه بوز اوزرینه قورلمش بر بنا کبی
هم موقدر ، هم نتیجه سی هلاک عظیمدر . شو حقیقه تی بزه تاریخلر
کوستریور . ملئک حکمداری اولان بعض ظالم لرله اولره آلت
اولان بعض آلاقلر اهلایک جهانندن غفائندن استفاده ایتمکه ،
ملتی کنندی هوسات نفسانیه لرینه آلت ایدیمکه قالدیشیورلر ،
و میایونلرجه افرادی کنندی ذوق و صفالری اوغورنده محوه
چالیشیورلر . فقطینه ظلم ظالم نفرت عمومی بی موجب اولویور .
عدالت و حقانیت سزک عدالت و حقانیت قدر پایدار اوله میور .

بر مدت سوکره هرکس یدیکی ضربه نك انتقامنی آماغه ، حقنی
حریتنی طلب ایتمکه قیام ایدیسیور ایشته اوغدارلر اوظاملرده
یابدقلمی بولیور .

ظالم بر ظلمه گرفتار اولور آخر
البته اولور او بیقائک خانه سی ویران

ایشته بوصورتله حاکمیت ملیه پی قالدیرمق ظلم واستبداده
میدان ویرمکدر . شاید بوصورتله ملتک حقوق وحریتی غصب
اولانه رق حاکمیت ملیه اورته دن قالدیرلسه بیله بوبک موققدر . بر .
مدت صکره ملت کندی حقوق وحریتنی کندی سلاحیله مدافعه
ایدر . فقط مع التأسف بو حال ملته بک بهالی یه مال اولور . چونکه
ملت سلاحله حقوقنی طلب ایتمک ایچون عمومک یا اتحاد عصیان
ایتمسی ایجاب ایدر . بوا یسه بوتون ماتک طوفان ظلم واستبداد ایله
خراب اولمنه متوققدر . هرکس استبدادیلدر میله چار بیلملی که
حقیقتی آکلاسون و مدافعه یه چالیشسون . اونک ایچون ملت
حقوق وحریتنی قابدیر مامق ، حاکمیت ملیه سنی محافظه ایدم بیلمک
ایچون دائماً متبصر ، متیفظ اولملی ، تدبیر و احتیاطلی بولنملی
وعموماً متحد اولمایدیر . ملتک عموم افرادینک انتظام و سعادتی
ایچون بر طاقم قوانین و نظاماته لزوم واردر . بوقوانین و نظامات
ایسه او جمعیت افرادینک حقوق و وظیفه لرینی تعیین و تحدید
ایدر . دیمکه بک بر جمعیه منسوب اولان هر فرد هرشیدن اول
حقوق و وظیفه سنک نه دن عبارت اولدیغنی ، اوجمیتک ناصل

قوانين اوزرينه مؤسس بولديغنى ايجه بيلميدر . اونك ايچون هر كس هرشيدن اول حقوق و وظيفه ي ، تامين ايدن قوانين و نظاماتى ايجه بيلميدر .

خلاصه

۱ — حاكيت مليه نه به ديرلر ؟

حاكيت مليه ملتك بالذات كندى كندىنى اداره ايتميدر . دنيا ده نه قدر حكومت وارايسه هبى مختلف صورتده برر حاكيت مليه در .


۲ — حاكيت مليه اولديغى حالده استبداد ناصل حاصل اوليور ؟
حاكيت مليه اولديغى حالده استبداد برقاق صورتله حاصل اولور .
برنجيسى ملت بيلميه رك كور كورينه حكمدار ك ويا مستبدلرك اوامرينه انقياد ايدر . بوايسه جهالتدن ايلرى كلير . ايكنجيسى بيلديكى حالده مستبدلر طرفى غالب كلديكندن قورتيلاه من . اوچنجيسى ظلم و استبدادى توالى ايتديره جك اسباب و تاثيرات ظهور ايدر . درونجيسى انسانلر اسكيدنبرى كوردكلرى شيلرى عادت حكمنه قويدقلىرندن اونى بردنبره تبديل ايتكى ذهنلرينه سيفديره منلر . مثلاً بشيوز ، بيك سنه دنبرى بويله برطرز حكومت اولديغى حالده بونى بردنبره باشقه برشكله صوفى هر كسك ذهننه قولاي قولاي ياتمز . بشنجيسى هر ملتك كندى حكمدارينه و حكومتنه قارشى معنوى بر مربوطيت و محبتى واردر .
ايسته شو كى حاللر استبدادك تشكىل و دوامنه سببيت ويرر .

۳ — ملت دائماً حقوق و حريته مالك اولقى و حاكيت مليه سنى محافظه ايله بيلمك ايچون نه ياعلميدر ؟

— ملت حقوق و حريته مالك اولقى و حاكيت مليه سنى محافظه ايله بيلمك ايچون دائماً متبصر ، متيقظ اولقى ، مدبير و احتياعالى بولمقلا برابر عموماً متحد اولميدر .

۴ — انتظام و آهنگ عمومی ایچون اهالینک نه کی شیلری
 بیلمسی الزمدر ؟
 انتظام و آهنگ عمومی ایچون اهالینک قوانین ، حقوق و وظیفه‌سنی
 بیلمسی و اونلر داخلنده حرکت ایتمی الزمدر .





دردنجی بحث

قوانین — قوانین طبیعیہ ، قوانین موضوعہ

قوانین ایکی درلودر . بریسی قوانین طبیعیہ دیگر ایسه قوانین موضوعہ در . بونلردن قوانین طبیعیہ لایتغیر ولایزال اولوب قوانین موضوعہ ایسه تمامیلہ قوانین طبیعیہ موافق ومنافع عمومیه مطابق اولنجه به قدر دائماً متبدل ومتغیردر .

قوانین طبیعیہ — طبیعتده موجود اولان قوانینک هیئت مجموعه نندن عبارتدر . یرده ، کوکده ، انسان وسائر مخلوقاتده دائماً عین طرزده برطاقم حادثات ظهوره کلکده در . مثلاً هر کون کونش شرقدن دوغار غربدن باتار . بونک نتیجه سی اوله رق کیجه کوندوز حاصل اولور . سباه قر هر آی صفحاتی منتظماً اکمال ایدر ؛ ییلدیزلر کندی محرک رنده بر لرینه چار بمقسزین سیر و حرکت ایدر لر . قیشین قار ، یازین یاغمور لر یاغار . بر

طوبراغه بر تخم اکیله جک اولورسه اوندن بیوک بیوک نباتلر
 یتیشیر. حیوانلر بر بریله جیفتلشهرک نسل تورر. انسان و حیوانات
 سیوب ایچمکه و دفع طبیعی ایتمکه مجبوردر. بر انسان کوزلری
 قبال اوله رق دنیا به کلدیکی حالده بویور، اوقور، یازار، تکمل
 ایدر. ونیجه ده خارقلر کوسترر. ایشته بونلرک هپسی طبیعتده
 یعنی حواس خمسسه مزله موجودیتنی حس ایدوب آکلادیغمز
 شو عمومی وارلقده اجرای حکم ایدن برر قانون ازلیدن
 عبارتدر.

ایشته بودرلو قوانین انسانلر طرفندن دکل عموم کائناتک
 خالق اولان جناب حق طرفندن قونلش وینه اونک طرفندن
 اداره و تنظیم اولنمش بر آهنگ وانتظام عمومیدر. بو آهنگ
 وانتظام عمومی دها دوعروسی بو قوانین طبیعی ازله ناصل
 قورولمش و آهنگنه ناصل دوام ایتمش ایسه انسانلر، حیوانلر،
 نباتلر الحاصل بوتون موجودات دخی او قوانینه اویله جه تابع
 ومنقاددرلر. اگر مخلوقاتدن بری بو قوانیندن کرک بعض حادثاتک
 ظهوریله و کرک اراده و اختیار یله آیرلق ایسترسه کندی مو.
 جودیتنی غیب ایدر. چونکه بوتون مخلوقاتک موجودیتی کرک
 ازله و کرک بالتکامل حائر اولدقلری قوانین طبیعی به اولان
 مربوطیتلریله مقیددر. انسانلر و برچوق حیوانات هوادرونده
 یشارلر. حالبوکه برچوق حیوانلرده دکزده یشارلر. بو مختلف
 ایکی وسط بربری ایچون برر دار مهلکدر. دکزده یشایان بر

حيوان قره يه چيقارلسه برايكي ساعت صوكره اولور . قره ده كي
برحيوان دكزه صوقولسه اوده ينه تائف اولور . ديمككه مخلو-
قاندن هر بريسي كنديلرينه مخصوص برر قوانين دائره سنده
تأمين ومحافظه حيات ايدورلر . اكر بوندن آبريلورلر ايسه
بالذات كندى حياتلرندن ، كندى موجوديتلرندن آيرلش
اولوبورلر . چونكه او طرزده برحيات بر موجوديت آنجق اويله
بر طاقم قوانين طبيعيه تابع و منقاد اولمقله ممكندر . كذلك
انسان ييوب ايچمكسزين يشايه من ، فقط بو كي افعال طبيعيه
دخى ينه طبعي برر قانون داخنده جريان ايدر . خلاصه اك
بسيط نقطه سندن اك مركب ومختلط قسمنه وارنجيه قدر انسان
قوانين طبيعيه نك كافه سنه تابع اولمغه مجبوردر .

ناصل كه هر مخلوق كندينه مخصوص قوانين طبيعيه سى
وارايسه و ناصل كه هر مخلوق كندينه مخصوص اولان اوقوانيدن
ذره قدر آريله مزسه طبق اونك كي انسانلر كده كنديلرينه
مخصوص بر طاقم قوانين طبيعيه لرى واردر كه انسانلرده بونك اك
سطحيسندن بيله صرف نظر ايدمزلر . ايسته هر كس كنديسنك
برر حق صريحى اولان بو قوانين طبيعيه سنى ايجه بيلميدر .
بو قوانين طبيعيه غايت واسع و غايت مهم اولوب فن طب بونك
هپسنى احتوا ايتشدرد . بناء عايله بو نقطه هر نه قدر طبابته عائد
بر مسئله ايسه ده هر كس آز چوق كنديسنى و كنديسنك طبيعتله
اولان مناسباتى اوكرنملى و اوكا كورده ده حركت ايتلميدر . بو

ایسہ کوچکدن کوردیکمز تربیہ لرله ، سوق طبیعی ، ملکات عقلیہ ، محاکمات و مطالعات ایله الہ ایدیلر . بناء عایہ بوراده بوقسمدن بحثہ زمین مساعد دکلدر .

انسانک بو قوانین طبیعیہ سندن باشقه بر طاقم قوانینی دها واردرکه اوکاده قوانین موضوعه دیرلر .

قوانین موضوعه . — اسمندن دخی آکلاشیلدینی اوزره صوکرمدن وضع اولنش بر طاقم قوانیندن عبارتدر . قوانین موضوعه جمعیت بشریہ نک تشکلندن صوکره وضع اولنشدر . شو حالده قوانین موضوعه صرف جمعیت بشریہ نک اداره وانتظامی ایچون قولنشدر . فقط بوقوانین موضوعه نک جمعیت بشریہ نک سمادتی تأمین ایدمک بر صورتده اوله بیلمسی ایچون قوانین طبیعیہ اوزرینه بنا ایدلمسی شرط اعظمدر . اگر قوانین طبیعیہ اوزرینه بنا ایدلمزسه مطلقا اوقوانین موضوعه او جمعیتک فلاکت وهلاکتی موجب اولور . قوانین موضوعه انسانلره طبیعی اوله رق بخش ایدلمه مشدر . ناصلکه جمعیت احتیاج اوزرینه صوکرمدن تشکل ایتمش ایسہ اونی اداره ایچون لازمکن قوانینده صوکرمدن قولنشدر .

بو قوانین طبیعیہ مستند اوله بیلمسی ایچون قوانین طبیعیہ نک اساسندن اولان حریت اوزرینه مستند اولسی لازم کلیر . قوانین موضوعه یقین زمانلره قدرقرالارک ، حکمدارلرک اواصر خودبینانه سندن عبارت ایدی . بالطبع بویله بر قوانیندن

جمعيت بشريه دائما متضرر اولور دورر ايدى . فقط انسانلر حقوق اصليلرينك نهدن عبارت اولدينى بيلمورلر ايدى كه آنى مدافعه يه چاليشسونلر . بالاخره علوم و معارفك ترقى وانتشاريله انسانلر حق صريحلرينك نهدن عبارت اولدينى واوونى كيملرك غصب ايتديكنى آكلاديلر . حقوق و حريتلرينه مالك اولمق ايچون همان سلاحه صارلديلر وبو كون دنيايه حریت وعدالك اساسلى تملارنى قويديلر . قوانين موضوعه لرني دخى قانون اساسى ناميله حریت وقوانين طبيعیه اوزرينه بنا ايتديلر .

خلاصه

۱ — قوانين قاچ درلودر ؟
قوانين ايكي درلودر ؛ بريسي قوانين طبيعیه ، ديكرى قوانين موضوعه در .

۲ — قوانين طبيعیه نهيه ديرلر ؟
قوانين طبيعیه حقنده يعنى حواس خمسہ منزه موجوديتى حس ايدوب آكلاديمزى شو عمومى وارلقده اجراى حكم ايدن قوانينك هيئت مجموعه سندن عبارتدر .

۳ — قوانين موضوعه نهيه ديرلر ؟
قوانين موضوعه قوانين طبيعیه نى اساس اتخاذايدرك جمعيت بشريه نك سعادت وسلامتى ايچون وضع اولنان برطاقم قوانيندن عبارتدر .
۴ — قوانين موضوعه قوانين طبيعیه اوزرينه مستند اولزسه نه اولور ؟


قوانين طبيعیه قوانين موضوعه اوزرينه مستند اولزسه مطلقا او چيئتلك فلاكت وانتراضى موجب اولور .

۵ — قوانین موضوعه‌تک مستند اولدینی قوانین طبیعی‌تک اک
برنجیسی نه در ؟

قوانین موضوعه‌تک مستند اولدینی قوانین طبیعی‌دن اک برنجیسی
حریتدر ؟

۶ — حریتک انسانده بر قانون طبیعی‌حالنده اولدینی نه ایله ثابتدر ؟
حریت انسانده بر قانون طبیعی‌حالنده اولدینی انسانک اراده و اختیار ایله
ثابتدر . اراده بلا سبب و بنفسه واقع اولان افعال و حرکاتدن عبارتدر .
بوندن باشقه مسئولیت وجدان عذاب‌ی دخی حریتک انسانده بر قانون
طبیعی‌حالنده اولدینی اثبات ایدر . چونکه اکر انسانلر خلقة حر
اوله مش اولسه لر ایدی دنیا و آخرتده یاپدقلری شیلردن مسئول اوله ملری
وفنا بر حرکتده بولندقلری بر زمان وجدان عذابنه دوشمه ملری لازم
کلیر ایدی .





بشنجی بحث

قانون اساسی

قوانین موضوعه دن الك اساسیسی قانون اساسیدر . برماقی اداره ایدن بالجمله قوانین قانون اساسی یه مستنداً یاییلور . قانون اساسی هر جمعیت ایچون باشقه باشقه در . چونکه انسانلر مختلف محللرده مختلف عادات و تربیه اکتساب ایتدکلرندن هیچ بر قومک تربیه مایه و اصول اجتماعیسی بر برینه بکزمز . اونک ایچون اونلرک سعادت و سلامت حال و آتیسنی تأمین ایدن قوا-نین ده طیبی بر برینه بکزمز . بوتون انسانلرک هپسنه بردن عین طرزده بر قانون اساسی قویق شمدیلک ممکن دکلدرد . چونکه ایکی مملکت اهاالیمی بیتنده بیله بر طاقم تربیه و عادات اختلافی اولدینی حالده مختلف ایکی قومی عین بر قانون اساسی یه باغلامق ترقی یرینه تدنی یه سبب اولور . انک ایچون هر مملکت قانون اساسیسی باشقه باشقه در . هر فردک جسماً بیله بولایدینی

قطعیه تابع اولدینی جمیته کوره بر شکل مادیسی ، بر
 فیزیو نو مادیسی واردر . تشکلات منویه سی ده طبعی بونک
 کیدر . بر ملت هر نه قدر مختلف عناصردن عبارت اولورسه
 اولسون مادامکه عین بر وطنک اولادلیدر ، مادامکه عین
 بر وطنده سنه لردنبری قرداش کبی بشایورلر ، حسیت ملیه
 و تربیه قومیه جه آره لرنده بک جدی و صمیمی بر رابطه قویه
 واردر . الحاصل تربیه ، عادات اخلاق و حسیات نقطه نظرندن
 بو وطن اولادلرخی بر نقطه ده توحید ایدن اسباب بک چوقدر .
 اولیه ایسه قانون اساسی وضعنده ماتک عناصر مختلفه سی نظر
 اعتباره آلتز ، بالعکس اونلرک تربیه سیاییه ، اصول و شرائط
 اجتماعیه لریله احوال سابقه لری نظر اعتباره آلتز . ایشته بونک
 ایچون قانون اساسی بی یکی تشکل ایتش بر ملت ایچون
 اوله مز . اولسه بیله بک بییط اولور . قانون اساسی عصر لرجه
 یشامش ، دنیانک کرم و سردخی طامش بر ماته مخصوصدر .
 تاریخمزی بر کره کوزدن کچیریرسه ق ناصیل دورلر کچیردیکمزی
 هانکی دورلرده مستفید وهانکی دورلرده متضرر اولدیفه مزی
 کوریلور . بر عشرت خلقی بکلرینک هر امرینه منتظر قالمسینه
 مجبوردرلر ، چونکه ناصل بر خط و حرکت تعقیب ایده جکلری
 مجه ولدر . زیرا ماضیسی یوق که اوندن استنباطنه بر نتیجه
 چیقارسون و بو نتیجه بی کندینه رهبر اتخاذ ایتسون .
 هر فرد بیله بویه دکلیدر ؟ هر کس ماضیسی تفکر ایدره رک

استقبالہ بر پروگرام تنظیم ایتزمی ؟ ایستہ قانون اساسی ده طبقی بویله در . یعنی بر قومک استقبالی ایچون ماضی سندن چیقارلمش بر نتیجه ، بر دستور در . اوپله ایسه قانون اساسی بزم کبی عصر لرجه یشامش ، تدبیر سزلیکی سائیه سیله بر چوق سله تأدیب یش و حسن تدبیری سایه نده بر چوق فتوحاته ، مظفریاته نائل اولمش عصر دیده ماتلر ایچوندر . ایستہ بقانون اساسی بی وضع ایچون ملتک ابتدای تشکلندن شمدی به قدر کچیردیکی صفیات ماضیه سی برر برر حاده تدقیق و تفکر دن کچیریلد کدن و دیگر حکومتلرکده احوال حاضره و سابقه لری مقایسه ایدلد کدن صوکره هانکی نقطه ده انقراض و فلاکت علامت لری باش کوسترمش ، هانکی نقطه ده سعادت و سلامت دور لری کورلمش و بونلرک سببی نه ایش ؟ نره دن کلش کبی بر طاقم تبعات و تدقیقات نتیجه سیله هان هان قطعی دینه جک درجه ده بر قانون قونیلورک ایستہ بو « قانون اساسیدن » عبارتدر . مثلاً ، بزم قانون اساسی بزمک اوچنچی ماده سنده « سلطنت سنیه عثمانیه خلافت کبرای اسلامی بی حازر اوله رق سلاله آل عثماندن اصول قدیمه سی وجهله اکبر اولاده عائددر ، دیه مصر حدر . اگر بونی بویله قومیه مش اولسه لرده سلاله عثمانیه دن هانکی بی منتدر ایسه تخته اوچیقسون دیسه لر ایدی هر دور انقلابه بیوک بر کورولنی قوبه جفته هیچ شبه یوق ایدی . نسکیم تاریخ زده بویله وقایع چوق ظهور ایتمشدر .

یالکنز بر پادشاه دیکشسه-نک اون، یکرمی -نه بیله دولتی
 اشغال ایندیکی چوق کره واقع اولمشدر . ایشته بونقطه لر
 کورلتییه میدان ویرمن ، اگر جیقان مقتدر دکلسه اوزمان
 ترك تحت ایدرك صره سنی صاومش اولور . وصو کرده دن
 کورلتییه سبیت ویرمن . آرتق بوکا اعتراض ایدیه من .
 چونکه بوحقایق وقایع تاریخیه من کوستریبور . هپسی بویله در .
 بوقانون اساسی بوتون جمعیتک ، ماتک حکمدارک هپسنک
 برلکده رعایته مجبور اولدقلری برقانوندر . بوقانون اساسی
 ماتک اطرافنه عمومی ایجریسنه آلمق اوزره بر سور ، بر قلمه
 یامش اولور . اوجهیه مذسوب اولان افراد اوسوردن خارجه
 جیقه منلر . چونکه جیقاچق اولورلرله تابع اولدقلری جمعیه
 اهازات ایتش اولورلر . بناء علیه اوجمیت اونلری تأدیباتک
 حقنه مالک اولور . ایشته بوقانون اساسی ایله جمعیتک اطرافنه
 بر امنیت سوری چکلدکن صکره اوسورك داخنده ینه
 بوقانون اساسی بی اساس اتخاذا ایدرك عدلیه ، ملکیه ، عسکریه
 وسائر یه عائد اولمق اوزره بر طاقم قوانین ونظامات ده اوضع
 اولنور که بونلرده قانون اساسینک تفرعاتی دیمکدر .



آلتنجى بحث

حقوق

حقوق طبعيه ، حقوق موضوعه

حقوق ، انسانلرك خلقهٴ وسياسهٴ حازر اولدقلرى قوانين طبعيه واجتماعيه لر ينك هيئت مجموععه سيدر . شو حالده حرريت حقوق ايله ، حقوق ايسه قوانين ايله نتيجه لشمكده در . حقوق حریتله هم معنادر . هر كسك حقوقى حریتى ، حریتى ايسه حقوقى ديمكدر . هر كسك دائرهٴ حقوقى نه ايسه دائرهٴ حریتى ده اودر . شو حالده حقوقك بر درجه سى واردر . اودرجه يني آشه مز .

حقوق ايكي قسمدر : برى حقوق طبعيه ، ديكرى ايسه حقوق موضوعه ويا اجتماعيه در . حقوق طبعيه دخى مادی معنوى اولق اوزره ايكي قسمه تقسيم اولئور : حقوق اجتماعيه ايسه حقوق مدنيه ، سياسيه ، دينيه اولق

اوزرہ تقسیم اولئور . بونلری برر بر تعریف ایدہ لم :

حقوق طبیعیہ . — انسانک خاقہ طبعیتہ موجود اولان خصائل وقوانینک ہیئت عمومہ مندن عبارتدر . بونلر ایسہ بر طاقم قوانین طبیعیہ ایلہ معلوم اولدیغندن انسانک قوانین طبیعیہ سی ینہ انسانک حقوق طبیعیہ سی دیمکدر . طاشلر ، طور اقلر ، صولر ، الکتریق ، ضیا وحرارت کبی مادی وقوہ وی نہ قدر اجسام ومؤثرات طبیعیہ حقندہ برر کونا قوانین طبیعیہ وار ایسہ انسانده طبعیتدن بر-جزء اولدیغندن اوندهده بر چوق قوانین طبیعیہ تجلی ایتمکدهدر . بو قوانین طبیعیہ ایسہ انسانک حق صریحیدر . انسانلر یالکز قوانین طبیعیہ بی بیلیمکله مکلف اولوب تبدیل ایتمکله مکلف اولمادقلرندن اساساً بوکا موفق اولہمدقلرندن انساندهکی بو قوانین طبیعیہ بی دخی کیسه تبدیل ایدہ منر . بونی بیلیمک ایسہ هرکسک الک مهم وظیفہ سیدر . بیلیمورسہ پک بیوک غفلت ایدیور دیمکدر . بر ملکه صاحب اولوبده صاحب اولدیغنی بیلیمه مک نہ قدر موجب تأسف ایسہ انسق حانک صریحی بیلیمامسیده اودرجه شایان تأسقدر . فقط حال بونکلهده قالماز . کندی حقوقنی بیامینلرک حقوقی دائماً غصب اولئور . بونی غصب ایتدیرمه مک ایچون اونی بیلیمک ومدافعه ایلمه مک لازمدر .

حقوق طبیعیہ ایکی قسمدر : حقوق طبیعیہ مادیہ ، حقوق طبیعیہ معنویہ .

حقوق طبيعیه ماديہ . — انسانك جسماً حائز اولديني
قوانين طبيعیه نك هيئت عموميه-مندن عبارتدر . يك ، ايچماك ،
كيملك كهي . . . بيك درلو لزوم واحتياج ماديمنز هب حقوق
طبيعیه منك مادی قسمی تشكیل ایدر ، كذا لك قولمز ، بجاغمز ،
بتون اعضا-منز هب طبيعتك بخش ايتديكي برر حقدبر .
بونلری بریسی كس-ماك ايس-ترسه حقه-زی غصب ایدیور
ديمكدر . او حالده اونی مدافعه لازمدر .

حقوق طبيعیه معنويه . — انسانك معنأ یعنی روحاً حائز
اولديني قوانين طبيعیه نك كافه-سیدر . بونلرك لك مهمی ايسه
حریت واراده در . عقل ، حس ، محاکمه ، وجدان . . .
دخی هب حقوق معنويه دندر .

حقوق موضوعه ویا اجتماعیه . — انسانده طبيهی
اوله رق موجود اولمايوب كييلان البسه كهي صوكرددن كوريلن
لزوم قطعی اوزرينه وینه قوانين طبيعیه استناد ايتماك شرطيله
وضع ايدیلان قوانين موضوعه نك هيئت مجموعه-سیدر . حقوق
اجتماعیه ، حقوق طبيعیه یی اساس اتخاذايدرك ياپاييرسه سعادت
عمومیه یی ، عكس حائنده ، برطاقم حرافات ومذاهب باطله یی اساس
اتخاذايدرك ياپيلورسه ، فلاكت عمومیه یی موجب اولور . اونك
ايچون بوكون هر حكومت مشروطه ده قانون اساسی یی حقوق
طبيعیه دن اولان حریت اوزرينه تأسيس ایدیور . اكر بويله
اولماش اولسیدی دنيا برمیدان وحشت خالی آلیر ایدی .

نتہ یکم ازمنہ قدیمہ دہ قانون اساسی بی صاحبہ بر طاقم دین و مذہب بدن عبارت بیلن اوانکیزیسیون کروہی ، اویا پالار زمرہ سی ، بشریتہ آجدق لری یارہ لردن دولایی، بوکون ابدی بر نفرتلہ یاد ایدلمکدہ در .

خلاصہ : بر ملک بقاسی آنجق اونلرک قوانین اجتماعیہ لریخی قوانین طبیعیہ لریئہ استناد ایتدیرمکله ممکندر . عکس حالہ جابق محو اولور کیدر . ادیان دخی بر لزوم اجتماعی اوزرینہ مؤسسدر . بناءً علیہ الک معقول ادیان الک زیادہ قوانین طبیعیہ موافق اولاندر . او حالہ حقوق اجتماعیہ : حقوق مدنیہ ، حقوق سیاسیہ ، و حقوق دینیہ اولق اوزرہ اوچ قسمہ تقسیم اولور .

حقوق مدنیہ . — عمومک خصوص ایلہ و خصوصک عموم ایلہ آہنک ارتباط و مناسباتی تأمین ایچون ، حقوق ویا قوانین طبیعیہ استناداً ، قونیلان قوانینک ہیئت مجموعہ سندن عبارتدر . دیگر بر عالمک تعریفنہ کورہ « حقوق مدنیہ قوانین مثبتہ ایلہ تصریح و توضیح ایدیان حقوق طبیعیہ دن عبارتدر » .

حقوق مدنیہ علی العموم قوانین مشروطیہ بی احتوا ایدر ، بر جمعیت ویا بر ملک استناد ایتدیکی قانون اساسی ایلہ او قانون اساسیہ استناداً قونیلان دیگر قوانینک کافی حقوق مدنیہ بی تشکیل ایدر . خلاصہ بر ملک انتظام و آہنکی ایچون ، سلامت

و سعادتی ایچون لازم کان بالجمله قوانین و نظامات او ملتک
بر حق ، بر حق مریسی در .

حقوق سیاسیه . — هرکسک کنندی مملکتی اداره
خصوصنده حائر اولدینی حق صلاحیتدر . بو ایسه قوانین
سیاسیه دن عبارتدر . بونک ایچون مجلس مبعوثان اعضا لری
ماتک وکیللری دیمک اولدیقندن اونلر او وظیفه بی ایفا ایدر لرسه
ینه هرکس ایسترسه تحریراً بحاس مذکوریه بیان فکر ایده بیلیر .
مملکتک سادات و سلاقی ایچون جمعیتلر قلوبلر تشکیلی دخی
هپ حقوق سیاسیه دندر . اها لیدن هر هانکی بر فرد حکومت
مأمور لرندن برینک خلاف قانون بر حرکتی و یا سوء استعمالاتی
کوررسه در حال حقنده اقامه دعوا یه حقیدر . اگر دعوا یی
قازانه مزسه اوزمان کنیدیسی جزایه دوشر اونک ایچون حقنده
شکایت ایدیله جک مأمورک احوالی ایجه تدقیق ایتلی و حرکات
غیر لایقه سنی دخی آچیقجه میدان قویمیدر ، برده علی العموم
هیئت اجراییه یعنی حکومت مأمورلری حکومت ایشلرندن
مسئولدر . فقط بو مسئولیت اهالی یه قارشی اولیوب اها لینک
وکیللری اولان بحاس عمومیه یه یعنی هیئت قانونیه یه
قارشیدر . اونک ایچون اها لیدن هیچ بر کیمسه کیدوبده
بر حکومت مأمورینی کنندی وظیفه سندن طولایي مسئول
ایدمنر ، اگر اونی قانون دائره سنده مسئول ایتک
ایسترسه اونک حقنده کی شکایتی مجلس مبعوثانه ویرمسی و یا

حکومت به مراجعت ایتمی ایجاب ایدر . چونکه هرکس حکومت مأمورلرینک ایشنه قاریشیرسه اونلرده نه پایه جقملرینی بالطبع شاشیرر قالیرلر ، براداره مشروطه ده اهالینک هر درلو حقوقی کندی وکیللری اولان مجلس عمومی رؤیت ایتدیکی کبی مأمورلرک ایشلرینی دخی یته اهالی نامنه اونلر رؤیت ایتمکه مجبوردرلر ، اونک ایچون اهالی حقنی بیله دیکی کبی اونی مدافعه و طاب ایتمسی ده بیلملی ، اگر دوعریدن دوعریه مأمورلری کندی وظیفه لرندن مسئول ایتمک ایستلرله اوزمان یولسز حرکت ایتمش اولورلر . مأمورلر حقسز بیله اولسلرینه اهالی یولسز حرکتدن دولایی جزایه دوجار اولور . اگر اهالی کندی حقارینک لایقیله محافظه سنی آرزو ایدرلر ایسه کندی وکیللرینی غایت اینی آدملردن ، معلوماتی ، درایتلی کیسه لردن انتخاب ایتمایه درلر . بونلری حقیله انتخاب ایتمک بتون ملتک اک مهم بر وظیفه سیدر . چونکه اگر بونلر حقیله انتخاب ایدلرلرله ملتک حقوقی مدافعه ایدیله مز . وطنک سعادتق تأمین اوانه مز . چونکه بوتون اداره بوملت وکیللرینک التده در . اوانلر ناصل بر قانون قورلرله هیچ کیسه اوندن آیریه مز . اونک ایچون بونلری انتخاب ایتمکده بک جدی طاورانمایدلرلر .

حقوق دینییه — هرکسک وجداناً قانع و معتقد اولدینی دینی هرکسک حقیدر . بوکاده کیسه مداخله ایده مز . وسالک اولدینی طریقک بطلانندن طولایی اتهام ده ایلیه مز . چونکه

هر كس كندى نفسندن مسئولدر . هر كسك دينى هر كسك
 حقيدر . فقط بوحق حقوق طبيعیه كې خالقۀ اوليوب . سو -
 كرمدين بولمش بر حقدرد . اونك ايچون بر جمعيتك حقوق مدنيه سنى
 حقوق طبيعیه سى طور ركن : بوكا ربط ايتمك خطا در . و بوكا
 مربوط اولوب قالمق ده خطا در . چين و هند ايلر بشييك سنده نبري
 ساحۀ ترقيده بر خطوه بيله آناما مشلردى . بونك سبب يكانه سى
 ايسه قوانين اجتماعيه لرينى هپ ، دين مذهب ، طريقته اوزرينه
 بنا ايتدكلر ننددر . بونك نتيجه سى هلاك عظيمدر .

هر شيك بر موقى ، بر حدى اولدينى كې دينك ده ، بر
 موقى ، بر حدى واردر . دين باشقه ، امور دنيا ايسه ينه
 باشقه در . خالقه دن شيمدى به قدر كچن قومارك تاريخلرى مطالعه
 اولنسه و اسباب افتراضلرى تدقيق ايدلسه دينلرينى دنيا لرينه
 قارشديرانلرك محو اولدقلرى ، دينلرينى دنيا لرندن آيرانلرك
 ايسه پايدار اولدقلرى كوريلير . بناء عليه دينى مقدس موقنه
 قويلى ، دينك صلاحيتك خارجنده اولان امور دنيايى اونسكله
 حله قالدشمه مليدر .

صوكره دينى كندى موقعندن دوشورمش و كندى حدينى
 آشيرمش اولورز . بويوزدن هم كندمزي هم ده دينمزي
 متضرر ايدرز .




خلاصه

- ۱ — حقوق نهیه دیرلر ؟
حقوق انسانك خلفهٔ "وسياسة" حائز اولدینی قوانین طبیعییه واجتہا۔
عنهك هیئت مجموعه سیدر .
- ۲ — حقوق قاچ قسمدر ؟
حقوق ایکی قسمدر : حقوق طبیعییه ، حقوق موضوعه در .
- ۳ — حقوق طبیعییه نهیه دیرلر ؟
حقوق طبیعییه قوانین طبیعییهك هیئت مجموعه سیدر .
- ۴ — حقوق طبیعییه قاچ قسمدر ؟
حقوق طبیعییه ایکی قسمدر : مادیه ، معنویه
- ۵ — حقوق طبیعییه مادیه نهیه دیرلر ؟
حقوق طبیعییه مادیه انسانك مادهٔ یعنی جسمائ حائز اولدینی قوانین طبیعییهك هیئت مجموعه سندن عبارتدر .
- ۶ — حقوق طبیعییه معنویه نهیه دیرلر ؟
حقوق طبیعییه معنویه انسانك معنائ یعنی روحائ حائز اولدینی قوانین طبیعییهك كافه سیدر . بونلرك اك مهمی حریت اولوب عقل ، حسن محاکمه ، وجدان دخی هب حقوق معنویه دندر .
- ۷ — حقوق موضوعه ویا اجتماعیه قوانین طبیعییه استناداً وضع ایدیلن قوانین موضوعهك هیئت مجموعه سیدر .
- ۸ — حقوق اجتماعیه قاچ قسمدر ؟
حقوق اجتماعیه : حقوق مدنییه ، حقوق سیاسییه و حقوق دینییه اولوق اوزره اوج قسمة تقسیم اولنور .
- ۹ — حقوق مدنییه نهیه دیرلر ؟
حقوق مدنییه برملق اداره ایدن قوانین عمومیه ، یعنی قوانین مدنییهك هیئت مجموعه سندن عبارتدر .

۱۰ — حقوق سیاسیه نهیه دیرلر ؟
حقوق سیاسیه هرکسک کندی مملکتی اداره خصوصتده حائز
اولدینی حق و صلاحیتیدر .

۱۱ — حقوق دینه نهیه دیرلر ؟
حقوق دینه هرکسک وجداناً قانع و معتقد اولدینی ادیان
ومذاهبدن عبارتدر .





يدنجی بحث

وظیفه

وظیفه هر کسک کندی حقوقی بیلوب اونک دائره سی
داخانده حرکت ایتسی و دیگر لرینک دخی حقوقه تعرض
و تجاوز ایله مه سی کیفیتدن عبارتدر .

هر حقوق بر وظیفه ایله مقیددر . بر شخصک حقوقی
عمومک وظیفه سی عمومک حقوقی دخی بر شخصک وظیفه سیدر .
سنگ بنم حقوقه تجاوز و تعرض ایتمه مکی آرزو ایدر سه
بنمده سنگ حقوقک تجاوز و تعرض ایتمه مکلم لازم بو ایسه
بنم وظیفه می تشکیل ایدر . خلاصه هر کس دیگرینک حقوقه
رعایت ایتمک وظیفه سیله مکفدر . اگر هر کس دیگرینک
حقوقه رعایت ایتمز ایسه کندی وظیفه سنی اجرا ایتمه مش
اوله جفتدن مسئولیته دوچار اولور . خلاصه وظیفه حقوقک
محافظه و حسن دوامی ایچون ایجاب ایدن تدابیردن عبارتدر .

هر وظیفه بر حقوقه مقابل اولديغدن ، وظیفه ده حقوق کبی
تقسیم اولنورسه ده بوراده بریسی وظیفه شخصییه ، دیگرى
وظیفه عمومیه اولق اوزره ایکییه تقسیمى مناسب کورلمشدر .
وظیفه شخصییه : هر کسک بولندينى جمعیت داخنده تقسیم
اعمالدن برایش ایله مشغول اولمیشدر . یعنی بر جمعیتی تشکیل
ایدن هر فردک اوجمیتک هیئت عمومیه سنه کوجی بتدیکی قدر
درجه فکری استمداد ایله متناسب برایش طو توب او جمعیه
خدمت ایتمک ، هم ده بوسایه ده کندى منافعی تأمین ایله مکدر .
یعنی منفعت عمومیه یه خدمت ایدهرک منفعت ذاتیه سنی تأمین
ایتمکدر . بونقطه ده هر فردک وظیفه سی آیرلمش دیمکدر .

بوندن باشقه وظیفه شخصییه ده ها بر جوق وظیفه لر
واردر . اولرده هرکس کندى حیاتنک محافظه سنه دؤت
ایتمکله برابر نسانک دخی توالیسی ایچون اولاد واحفادینه
دخی باقغه مجبوردر . یعنی هرکس حیات شخصییه وحیات
نوعیه سنی دخی کوزتمکله بورجلیدر .

حیات شخصییه عائد اولانلردن : هرکس حیاتیکی حسن
استعمال ایتمکله مکلفدر . حیات بر موهبه الهیه در اونی فناقلده
استعمال ایتمک الک بیوک کناهلردندر . برکیسه دیگر بریسی
وورمق ایچون سلاحه صارلسه اوکا مدافعه فرض اولمغله برابر
شاید باشقه درلو خلاصی ممکن اولمزه کندى حیاتی قورتارمق
ایچون اونی اولدیرمک اونک وظیفه سیدر .

وظیفه نوعیه دن اولانلر دخی هرکس کندی عائله سیله خوش کچینمکله برابر اولادلرینی کوزل تربیه ایتک واوللری کندی سعلریله کچینه جک بر راده یه کلنجه یه قدر احتیاجلرینی تأمین ایلکدر .

وظیفه عمومیه ایسه اوجمیتک هپسنگ بر نقطه ده اجتماع ایدوب متجداً و متفقاً حرکت ایتاریدر . مثلاً ، وطنی مدافعه ایچون دشمنه قارشى جیقمق ، ویرکو ویرمک ، جمعیتدن کلن اوامره انقیاد ایتک ، قانون اساسی به اتباع ایله مک هر فردک وظیفه عمومیه وه بجهلندندر .

اگر اوجمیتدن کلن امرلر ، نظاملر اوجمیتک بقا و تداوم ایسی ایچون قونولش اولان قوانینک خارجنده اولورسه بودغه محافظه حقوق ایچون مجادله و فدای جان ایدرجه سنه مدافعه ایتک ایجاب ایدر . نته کیم بوشمدی یه قدر قانونسز . نظامسز بر جمعیت داخلنده محو اولوب کید یوردق . اطاعت و حقوقزى استرداد غیرت ایتدک . شیمدی ایسه له الحمد حقوقزى استرداد ایتدک . آرتق جمعیت مزک هر درلواوامر و نظاماتنه جان و یورکدن صاریلوب اطاعت و انقیاد و هرکس حصه سنه دوشن وظیفه یی اجرا یه غیرت ایتایدر . بر جمعیتک ترقی و سعادت تی تأمین ایچون اوجمیتک باشی بوش اوله رق کلشی کوزل حرکت ایتسی طبیعی اوله ماز . اونک ایچون اوجمیتک ترقی و تعالیسی ایچون اورته یه بر قانون قور ، و بوقانون دائره سنیده حرکت ایتمکک چالیشیر ،

زمانہ، حالہ کورہدہ بوقانونی تبدیل و تعدیل ایدہ بیلیر . ایشتہ
هرکس بوقانونہ اطاعتہ مجبوردر .

خلاصہ

۱ — وظیفہ نہیہ دیرلر ؟

وظیفہ هرکسک کندی حقوقی بیلوب اولک دائرہ سی داخلندہ
حرکت ایتمی و دیگرلرینک دخی حقوقنه تعرض و تجاوز ایلمه می
کیفیندن عبارتدر ؟

۲ — وظیفہ سی اجرا ایتمین نه اولور ؟

وظیفہ سی اجرا ایتمین کیسه مسئول اولور .

۳ — مسئولیت نهیہ دیرلر ؟

مسئولیت تضمین حقوقدن عبارتدر . مثلاً بریسی دیگرینک حقوقنه
تعرض ایدر و یا کندی وظیفہ سی اجرا ایتمی نه عمومک حقوقنه
تجاوز ایتمش اوله جفتدن مسئولیتہ دوجار اولور . مسئول اولان
کیسه لردن عمومک حقوقی اگر ممکن ایسه آلتیر دکلسه اونسبنده کندی
حقوقنه تجاوز اولور . بو صورتله مقابله بالمثل یا پلش اولور .

۴ — وظیفہ قاج قسمدر ؟

وظیفہ ده حقوق کبی تقسیم اولنورسه ده عمومیت اعتباریله ایکی قسمه
آیریلیر . بریسی وظیفه شخصیہ دیگرى ایسه وظیفه عمومیہ در .

۵ — وظیفه شخصیہ نهیہ دیرلر ؟

وظیفه شخصیہ ، حیات شخصیہ و حیات نوعیه نك محافظه و تأمین
ایچون لازم کلن تقیدادن عبارتدر .

۶ — وظیفه عمومیہ نهیہ دیرلر ؟

وظیفه عمومیہ ، ملتنک سعادت و سلامتی ایچون ایجاب ایدن تکالیف
عمومیدن عبارتدر .





سکزنجی بحث

حریت

حریت، حقوق طبیعیہ واجتماعیہ نك ہیئت مجموعہ سیدر .
حریت سربست بولمق ، عارضہ سز حرکت ایتك معناسنه
ایسده هیچ بر وقت نظام سز ، بانی بوش اوله رق حرکت
ایتك معناسنه دكلدر . حریت ، انسانك حائر اولدینی حقوق
وقوانین دائره سنده سربستجه حرکت ایتمی دیمكدر . مثلاً ،
بر ماكنه نك مانیوله سی سربستجه حرکت ایدیور دینكجه
اونك عجیب ، غریب بر طاقم حرکات پادینی آکلاشیامیوب
مانیوله نك بولدینی ماكنه ده کی وظیفه سی نه ایسه اونی
سربستجه اجرا ایتدیکی یعنی کیمسه نك اونك وظیفه سی
اجرایه مانع اولدینی آکلاشیلیر . کذلک ارض کونشك ، قرده
ارضك اطرافنده سربستجه دونیور دیرسه کینه بونلرك
قوانین طبیعیہ دن خارج بر ایش کوردکلرینه ذاهب اولمامایدر .
بالعکس تابع اولدقلری قوانین طبیعیہ ده کمال سربستی ایله وبلا

عارضه حرکت ایدیورلر دیمکدر. ایشته انسانلرده بویله در .
حریت بر طاقم قوانین و نظامات ایله تمین و تحدید اولنمشدر .
هر کسک بولاندیغی جمعیت ایجریسینده بر وظیفه سی واردر .
ایشته اووظیفه سی وجدان دائره سینده قونولان نظاماته توفیقاً
اجرایه کیمسه نعمت ایده من. حریت مختصرجه قیاسی بنفسه
یعنی انسانک کندینه یاییلمسینی آرزو ایتدیگی بر شیدی
دیگرینه ده یایمه مق و کندینه یاییلمسینی آرزو ایتدیگی شیدی
ایسه دیگرلرینه ده یایمقدردر . حریت هیئت عمومی سی اعتباریله
بر حق ، بر تمسکدر . اونی بحفاظه و حسن وقایه لازمدر .
بر انسانک حریتی حقوقی نسبتنده در . بناءً علیه حقوقی بیلان
کیمسه دائره حریتک نهدن عبارت اولدیغنی آکلار . حریت
حقوقدن عبارت اولدیغندن حریت ده طبقی حقوق کی تقسیم
اولنور .

۱ — حریت طبیعی : انسانک بالذات طبیعتده موجود
اولان حقوقک هیئت مجموعه سی داخننده کافه حرکاتنده
سربست اولمسیدر . بونلرک داخننده حرکت ایتدیگی حالده
شاید باشقه بری طرفندن بر تجاوز وقوع بولورسه مدافعه
حقوقه دخی بورجاییدر . اکر اونلرک خارجنده حرکت
ایدرسه طبیعی کندیلی مسئلدر .

حریت طبیعی : مادی ، معنوی اولقی اوزره تکرار ایکی
قسمه آپریلور .

حریت مادیہ : انسانک بالذات جسماً حائز اولدینی حقوق
طبیعیہ سی دائرہ سنده سربستی افعال و حرکاتیدر . مثلاً یمک
ایچمک ، کیمک خصوصندہ کی افعالندہ کی ہرکسک حبولنسی کی
حریت معنویہ : انسانک بالذات معناً حائز اولدینی حقوق
طبیعیہ سی داخانندہ سربستی افکار و آمالیدر . بوندہ انتخاب
ایتمک قوتندن عبارتدر . انسان ارادہ جزئیہ سی ایستر خیرہ ،
ایسترسہ شرہ صرف ایتمکدہ مختاردر ، شو قدر وارکہ خیرہ
صرف ایدرسہ مکافاتی ، شرہ صرف ایدرسہ مجازاتی کورر .
کیمسہ کیمسہ پی فنا حاندن طولانی مسئول ایدہ من . اوئی
مسئول ایدہ جک ینہ قانوندر . بوندن ہرکسک فنا یولہ
کیتمسی طبیعی آکلاشیلماز . یالکیز برکیمسہ دیگرینک افعال
وحرکاتی حفظدہ دوعرو بر فکر ویرہ من . چونکہ برکیمسہ
دیگرینک فکریخی تمامیلہ بیلہ مدیکندن اونک حققدہ
سویاہ جکی سوزلردہ عندی بناء علیہ ثمرہ سز و تأثیر سز اولور .
حالبو کہ ظاہردہ دیگرینہ فنا کورونن بر حال بر مدت صوکرہ
ای بر نتیجہ ایلہ نتیجہ نہ بیلیر . چونکہ بر ایشک حسن نتیجہ
حاصل ایدہ بیلمسی ایچون اوئی نہایتہ قدر اعیب ایتمک
شرطدر . حالبو کہ بریسی برشی تصور ایدر . عمومہ مفید
بر اثر میدانہ قویغہ چالیشیر ، بو امللرینی دہ قوہ دن فعلہ
چیقارمق ایلہ اوغراشوب دوررکن اوتہ طرفدن بریسی کلیر ،
کندی طرز خود پسنداندہ سنده دوشندیکندن اوتہ کینک

حرکتی معقول کورده من ، اونى واز کچيرمک ايستر . حاجبوکه اونک بو خصوصده بر لاف بيله سـويلىکه حقى يوقدر . اکر الندين کليرسه هم جنـسـلرينک ايشنى سـکـتـه يه اوغراغنه دکل اونلرى نتيجه لديرمکه چالشمليدر .

برکيمسه وظيفه سنى بيله يامسه باشقه برينک اوکا بر لاف بيله سـويلىکه حقى يوقدر . بوحق قانونک در . قانون اونى وظيفه سنى يامديغندن دولايي مسئول ايدير ، جزاسنى ويرر . اکر بويله اولماش اولسه هرکس بر برينک ايشنه ، وظيفه سنه قاريشسه اورته لق قارمه قاريشـيق اولور . چونکه هرکس ايشـک حقيقتنه واقف اوله مديغندن کندی طرز رؤيته ده برفکر بيان ايدر که بونک نه درجه لرده سوء نتيجه ويره جکينده هيچ شـبه يوقدر . ايشته اونک ايچون هرکسـک حقوق معنويه سـنه يعنى اراده و اختيارينه کيمسه مداخله ايده من وایتمه مايدير . فقط بونک بعض مستشارلى اوله بيلور . مثلاً برکيمسه اتجاره تصدى ايتمه ويا بر جنايت ايشلمک ايسته سه البته بوکا عمامت ايديلور . انسانلق هرکسى ايايکه دوغرو يوله تشويق ايتمکدر . کوتولکى ارتکاب ايدنلر حقنده اونلرى اصلاحه چالشمـحق ، نصيحتله کوزل سـوزله يوله کتيرمک بر وظيفه انسانيتدر .

۲ — حریت موضوعه ويا اجتماعيه : بر جمعيت افرادينک کافه سنک او جمعيتک حقوق اجتماعيه سى دائره سنده ، سربسقى

افکار و حرکات در . بنظر دهنده اوج قسمه آریلور . حریت
مدنیة ، حریت سیاسیة ، حریت دینیة :

حریت مدنیة : حقوق مدنیة دائره سنده سربستی افکار
و حرکات در عبارتدر .

حریت سیاسیة : حقوق سیاسیة دائره سنده سربستی
افکار و حرکات در عبارتدر .

حریت دینیة : حقوق دینیة دائره سنده سربستی اعتقاد در
عبارتدر .

خاتمه

۱ — حریت نهیه دیرلر ؟
حریت حقوق طبیعیة واجتماعیة هیه مجموعه سی دائره سنده
سربستی افعال و حرکات در عبارتدر .

۲ — حریت قاج قسمدر ؟
حریت ایکی قسمدر : حریت طبیعیة . حریت اجتماعیة .
۳ — حریت طبیعیة نهیه دیرلر ؟

حریت طبیعیة حقوق طبیعیة دائره سنده سربستی افعال در
عبارتدر .

۴ — حریت طبیعیة قاج قسمدر ؟
حریت طبیعیة ایکی قسمدر : مادی ، معنوی .
۵ — حریت مادیة نهیه دیرلر ؟

حریت مادیة حقوق طبیعیة مادیة دائره سنده سربستی حرکات در
عبارتدر .

۶ — حریت معنویة نهیه دیرلر ؟

حریت معنویہ حقوق طبیعیہ معنویہ دائرہ سندھ سربستی افکار و
عبارتندر .

۷ — حریت موضوعہ و یا اجتماعیہ نہیہ دیرلر ؟ حریت موضوعہ
و یا اجتماعیہ حقوق موضوعہ و یا اجتماعیہ دن عبارتندر .

۸ — حریت اجتماعیہ قاج قسمدر ؟
حریت اجتماعیہ اوچ قسمدر : حریت مدنیہ ، حریت سیاسیہ
و حریت دینیہ .

۹ — حریت مدنیہ نہیہ دیرلر ؟
حریت مدنیہ حقوق مدنیہ دائرہ سندھ سربستی افکار و حرکاتندن
عبارتندر .

۱۰ — حریت سیاسیہ نہیہ دیرلر .
حریت سیاسیہ حقوق سیاسیہ دائرہ سندھ سربستی افکار
و حرکاتندن عبارتندر .

۱۱ — حریت دینیہ نہیہ دیرلر ؟
حریت دینیہ حقوق دینیہ دائرہ سندھ سربستی اعتقاد و آیینندن
عبارتندر .





طقوزنجی بحث

ملت وکیللری و اصول انتخابات

حاکمیت مایه ده ملت کندی کندیسنی اداره ایدر . فقط
بر ملت اڤ آزدن یکرمی اوتوز میایون نفوسدن عبارتدر .
بونلر هېښنک بر یرده طوبالانوبده مذاکره ایتملری غیر قابلدر .
بویله اولمسی ممکن اولسه بيله عین زمانده هر کس ایشندن
کوجندن آواره قالیر . هر کسک یا ایشلرینی و یا بو اجتماعی ترک
ایتملری ایجاب ایدر . ایشلرینی ترک ایدمزلر . چونکه حیاتلری ،
میشتملری اونکله قائمدر . او حالده اتحادلرینی ترک ایدرلر .
بو صورته ملت داغیلیر . اوفق اوفق فرقه لره آیریلیر . بویله
اوفق ماتلرایسه کندی حقوقلرینی محافظه ایدمزر . اونه طرفدن
قوتلی بر ملت اوزرلرینه هجوم ایدمزلر ماللرینی ، جانلرینی تاف
ایدر . اسکی دره بکترینک شیمدی کوکی قورودینی کبی اوزمانلر ده ده
پک چوق یشایه مزلر ایدی . اڤ قوتایسی بش اون سنه ده
محو اولور ایدی .

دیمکه افراد بشر ، بقای سعادتندن امین اوله بیلیمک ایچون

قوتلی بر ملتله منسوب اولمایدیر . ویا قوتلی بر ملت تأسیس ایتمایدیر .
 بو قوت ایسه ماتک نفوسجه کثرتیدن و اوماقی تشکیل ایدن
 افرادک اتحاد و اخوتسندن متولدیر . او حالده هم هر کسی
 کندی ایشندن آله قویماق هم ده قوت و حاکمیت مایه بی محافظه ایتک
 ایچون افراد ماتک هپسنگ بریره طوبیلا نسبی شرط دکلدر .
 هر طرفدن اها اینک اقرار و ناموسلی کیمسه لردن برر وکیل
 کوندرمسی کانیدر . ملت وکیلارینه کندی ایشلرندن قازانوب
 آله جقلری پاره به مقابل معاش ویرر اولورده ملتک حقوقی
 محافظه ، احتیاج و آرزولرینی تأمینه چالیشیرلر . ایسته ملت
 وکیللرینک بریره طوبیلا نسبی عموم ملتک بریره طوبیلا نسبی
 دیمکدر . چونکه وکیل ، اصیل کییدر . ملت وکیللرینک بر
 ملتی اداره ایتسی عموم ماتک کندی کندیسی اداره ایتسی در . ایسته
 « حاکمیت ملیه » بودر .

حاکمیت مایه نك تأمین ایچون ملت وکیللرینک غایت مقتدیر
 و ناموسلی کیمسه لردن اولمسی شرطدر . اکر بونلر وقوفسیر ،
 منفعت برست ، جاهل کیمسه لردن عبارت اولورسه ملتک حقوقی
 محافظه ایتک شویله طورسون استبدادکده تشکیانه یاردم ایدرلر .
 هیچ بر حکمدار تصور اولمازکه استبداده عاشق اولماسون .
 ملتک قوت و قدرتی ، وقوف و معلوماتی اونی ماتله هم حال ایتکه
 مجبور ایدر . خلاصه بر حکمدار نه قدر حریت طرفداری
 اولورسه اولسون یتنه ملت احتیاطلی بولمایدیر . حریتک حافظ

ونكه بهان حقيقتي مائدر . ملت كندى كنديسى دوشنمزه
باشقه هيج كيمسه دوشونمز . اونك ايجون مات و كيللرني غايت
ناموسلى ومعلوماتلى كيمسه لردن سچمايدر . بر مبعوث اعضاسنك
نه قدر مهم بر وظيفه درعهده ايتديكي شبهه سزدر . بر مملكتده
ويا بر محله ده اعضا انتخاب ايديله جكي وقت اونك احوال سابقه سنى ،
معلومات و در ايتنى برر برر تدقيق ايتلى و بر بريله مشورت ياپه رق
احوالنى ايجه اكلامايدر .

اعضاييكي درلو انتخاب اولور : بريسى دوعرودن دوعرويه
اعضا انتخابيدر كه اوده بر مملكتده اعضا انتخاب ايتك حقيقي حائز
اولان كيمسه لرك معلومات ، ناموس و افتدارندن امين اولدينى
كيمسه لرى انتخاب ايتلريد .

بوكا بلا واسطه انتخاب دينلديكي كجي بونى انتخاب ايدنلر ده
برنجي منتخبلر دينور . برده هر بشوز كشى كرك ايجلرندن
و كرك خارجدن بريسى انتخاب ايدرلر كه ايكنجى منتخب نامى
ويريلير و بونلردنى مجلس مبعوثان اعضالرينى انتخاب ايدرلر .
چونكه برنجى منتخب رايلرينى ايكنجى منتخبه ويرمش اوليورلر .
انتخاب ايتك يا عمومى و يا خصوصى اولور . يعنى اها ايدن
اعضا انتخاب ايتك حق و صلاحيتنى حائز اولانلر سنوى حكومه
بر مقدار ويركو و يرلردر . بونلره منتخب خصوصى ديرلر .
ويا خود هيج بر وركى قاله آلفمسين دوعرودن دوعرويه
هر كس اعضا انتخاب ايدلير . بو كاده منتخب عمومى دينور .

فقط هر ايكديسنده تبعه دن اولق ، مفلس و محكوم بولنماق الزمدر .

اصول انتخابه كلنجه : اولاً كيملر اعضا انتخاب ايده جكلر ايسه اولنلك اساميلريني حاوي هر بلديه دائره لريله ناحيه وكوي مركزلرلنده برر دفتر تنظيم اوانور . بودقترلر تنظيم اولنقدن صوكره برنجي منتخب ظاهره چيقارلمش اوله جفتدن بونلرك اسملري صره ايله يازيله رق كلوب كچنلرك كوزينه چاربه جق بر محله بر قاج كون بولديريلور وهر كسه اعلان ايدياير . صوكره هانكي كون ايكنجي منتخب ويا مجلس مبعوثان اعضالرينك دخی انتخاب ايديه جگفي يا مناديلرله ويا ديوارلره تعلق صورتيله ويا خود رسمي غزته لرله اعلان ايديلور . وهانكي بلديه دائره سنه كله جكلري دخی بيلديريلور . معين اولان زمانده معلوم اولان محله كلزدن بر ايكي كون اول هر محله كويك برنجي منتخبلرينه داغيدلق اوزره لزومي قدر بلديه طرفندن رسمي مهرله مهرلنش كاغدلر ويرييلور .

برنجي منتخبلر بو كاغدلري آير آماز انتخاب ايتديكي كيمسه نك اسم وشهرتي يازوب كاغذك آلتنه كندی امضاسني آتمقسزين بر ظرفه قويوب ، ظرفك اوزرينه دخی هيچ بر شي يازمقسزين تعيين اولنان كونده منسوب اولديني بلديه دائره سنه كتوروب تسليم ايدز .

كاغدي باشقه مي يازوبده بلديه دائره سنه باشقه سي كتوروب

تسلیم ایده من . چونکه بلدیہ دائرہ لرندہ اولجہ یا پیلان دفتر
موجبہ ہر کس اسم و شہرتیلہ او قوندقدن سوکرہ النده
ظرفیلہ موجود : وائسان او اسم صاحبك مجلس تصدیق
ایدلکدن سوکرہ النده کی ظرفی رأی صندوقہ آثار . ایستہ
بوصورتہ ہر کس رأی طویلانیہ . وقت و زمانیلہ یتشہمینلرک
رأیلری سوکرہ دن قبول اولنمز .

خلاصہ : بوصورتہ ہر کس رأی طویلاندقدن سوکرہ
مجلس حضورندہ صندوق آجیلہ رق القبا صرہ سیلہ ہر کسک
قازاندینی رأی بر کاغذہ قید اولنور . اک چوق رأی قزانانلر
مجلس مہموتان اعضالغہ انتخاب اولنمش اولورلر .

ہر الی بیک ذکورہ بدل بر اعضا انتخاب اولنور . فقط
بر سنجاق ویا قضائک نفوسی الی بیکدن ۲۵ بیک قدر فضلہ
ویا نقصان اولورسہ ینہ ۵۰ بیک کبی اعتبار اولنور .

فرانسزلرک قانون اساسیلرندہ ذکور وانات داخل اولق
اوزرہ ہر یوز بیک نفوسہ بدل بر مبعوث انتخاب اولنور .
فقط قادینلر رأی ویرمک حقنہ مالک دکلدرلر . مادامکہ
قادینلر رأی ویرمک حقنہ مالک دکلدرلر . او حالہ بزم قانون
اساسیمزدہ اولدینی کبی ہر الی بیک ذکورہ بدل بر اعضا
انتخابی دہا موافقدر . یکی زہ لانده ، آوسترالیہ و آسریقادہ
یکی شکل ایدن بعض حکومتلردہ حق انتخاب ارککلر کبی
عین شرائطی حاوی قادینلرہ دخی تشمیل ایدلمشدر .

خلاصه

- ١ — حاكيت مليه نه واسطه ايله تايمين ايديله بيلير .
- حاكيت مليه ملت و كيللري واسطه سيله تايمين ايديله بيلير .
- ٢ — ملت و كيللري كيدير ؟
- ملت و كيللري ملت طرفندن راي هام و خني ايله يعني عمو طرفندن انتخاب اولنان اعضالردر .
- ٣ — منتخب يعني انتخاب ايتك حقي حائز اولانلر كيملردر ؟
- منتخب يعني اعضا انتخاب ايتك حقي حائز اولانلر محكوم، مفلس كوله اوليان بالجله اهايدر .
- ٤ — منتخب قاج درلودر ؟
- منتخب ايكي درلودر . برسي برنجي ، ديكرى ايكنجي منتخبلردر
- ٥ — برنجي منتخب نهيه ديرلر .
- برنجي منتخب اهايلدن حق انتخابي حائز اولانلردن دوغروذر .
- دوغرويه مجلس مبعوثان اعضالريني انتخاب ايدن كيسه لردر .
- ٦ — ايكنجي منتخب نهيه ديرلر ؟
- ايكنجي منتخب مجلس مبعوثان اعضالريني انتخاب ايتك ايچو برنجي منتخب طرفندن انتخاب اولنان كيسه لردر . هر بشيوز برنجي منتخب ايكنجي برمنتخب انتخاب ايدرلر .
- ٧ — منتخب خصوصي نهيه ديرلر ؟
- سنوي حكومته برمقدار و يركو و يرلرك حق انتخابي حائز اولمايدر
- ٨ — منتخب عمومي نهيه ديرلر ؟
- ويركو وساثر هيچ برشرط ايله مقيد اولقسزين عموم اهايلتك قانونك استئننا ايتديكي بعض استئنالردن باشقه - حق انتخابه مالا اولسيدر .
- ٩ — كيملر منتخبدر ؟ يعني اعضا انتخاب ايتك حقنه مالكدر

فلس، محكوم اوليان و باشقه سنك كوله سی بولمیان یکر می بش
باشنی ا کال ایتمش اولان بالجهله ذکور عثمانی تبعه سی حق انتخابه
مالکدر. مجلس مبعوثان اعضائی ایچون عین شرائطله برابر اونوز باشنی
واعیان اعضائی ایچون دخی قرق باشنی ا کال ایتمک شرطدر .

۱۰ — برنجی قاچ منتخب ایکنجی بر منتخب انتخاب ایدر .

هر بشیوز برنجی منتخب ایکنجی بر منتخب انتخاب ایتمک حقنه
مالک درلر ۱۰ کر برنجی منتخبلرک عددی ۲۵۰ قدر زیاده و یا نقصان
اولورسه ینه بشیوز کی اعتبار اولنور. شو حالده بشیوزدن فضله سی
ویدی یوز الیدن دون اولورسه ینه بر ایکنجی، منتخب و فضله سی ایچون
دخی ۷۵۰ اوزرینه بشیوز ضمیله ۱۲۵۰ ایچون ایکی، ۱۷۵۰ ایچون
دخی اوچ و بو وجهله منتخب ثانیلر انتخاب اولنور .





اونجی بحث

قوای ملیه

ملت اداره عمومیه سنی تنظیم ایچون بر طاقم قوتلره محتاجدر .
بو قوتلر ایسه قوه قانونیه، قوه مالیه، قوه عسکریه، قوه انضباطیه
کبی بر طاقم قوتلردن عبارتدر . بونلرک مجموعنه «قوای ملیه» دینور .
بونلردن باشقیه بر طاقم قوتلر ده اوار ایسه ده باشلیجه لری بونلردر .
بر ملت ترقی وانتظامه مظهر اوله بیلمک ایچون مطلقا بو قوتلره
مالک اولمایدیر . بو قوای ملیه نه قدر متین اولورسه او ملت ده
اوقدر قوتلی ومتین اولور . بو قوتلر اولقسزین بر ملتک بقا
وتعالیسی ممکن اوله ماز بر ملت میلیونلرجه اشخاصدن عبارتدر .
اومیلیونلرجه اشخاصک هر بر امور و خصوصاتی خصوصی بر
طاقم اشخاصه تودیع اولنمایدیر . واو خصوصی اشخاص دخی
درعهده ایتدکاری وظیفه لرندن مسئول طوتلایدیر . اکر بویه
یا بلزسه او ملتک ایچندن هیچ بریسی کندی ایشنی کوچنی ترک
ایدوبده عمومک ایشنی ایچون اوغراشدر؟ اوغراشسه بیله هر کس

اونی دیکله من، دیکله بیله غیر منتظم بر قاج کشی عمومی اداره ایده من. هر کس ایشه قاریشیر نتیجه ده کررلیدن بشقه بر شینه منجر اولز. بر ماکنه نك ویا هر هانکی بر شیدنك هم ایی وهمده سریع بر صورتده یاییله بیلمه سی ایچون کرک فابریقه لرده وکرک عملیات خانه لرده تقسیم مساعی به ناصیل لزوم وار ایسه طبق اونك کبی عمومی اداره خصوص مننده ده بویله جه تقسیم مساعی به لزوم واردر. بر فابریقه ده بر کبریت اعمالی ایچون اونك قوطیسی، کبریت چوپلرینی اجزاسنی وحتی اوزرینه یاییش بیله جق کاغذینی بیله باشقه باشقه آرملر اعمال ایدر. بر انسان دائما عین شیده اشتغال ایدر سه برملکه حاصل اوله رق اوشی هم سریع یاییلور وهمده غایت منتظم اولور. بوسایه ده مختلف ماهر صنعتکارلر طرفندن یاییلمش اولان بر کبریت ده هم نفیس وهمده اوجوز اولور. اگر بویله یاییلمیو بده بر کبریتك یالکیز بر شخص طرفندن اعمال ایدلمی لازم کلسه ایدی اوزمان بر قوطی کبریتی یا بمق ایچون بر کیمسه بلکه ایکی کون اوغرا. شه جق ایدی ویا بیلان کبریت ده غیر منتظم اولدینی حالده ینه قوطیسی آجق او آدمك ایکی کوندلکیله برابر ایسته دیکی کارینك مقدارینه مساوی اولور ایدی که بوکون برغروشه آلنان بر کبریت قوطیسی اوزمان الی آلتش غروشه آتیر ایدی. بونکله برابر هر کسه وقت وزمانیله یتشه جك قدر کبریت یاییله به جفندن ایش سورنجه مه ده قالب وشو صنایمدن جمیت،

بشریت هیچ بر استفاده ایده من ایدی . ایشه اداره عمومیه ده
طبقی بویه در .

قوای ملیه نك تأمین و اداره عمومیه نك تنظیمی ایچون هر
ایشی کندی اهانه ویریلیر . وهر ایشک اهلی اولانلرده اونی
ایفا و اجراییه جالیشیرلر . اگر جالیشمازلر سه نتیجه سنده مسؤل
اولورلر . بو مسؤلیت اونلری بر قات دها جالیشمغه و حسن
حرکت و دوغرولقدن آیرلامغه سوق و اجبار ایدر . بو سایه ده
ملئک بوتون افرادی کندی ایشیله ، کوجیله مشغول اولدینی
حاله کندیلرینک سعادت و سلامتلی تحت تأمین آلمش اولور .
ایشته طبقی بر قابریقه ده کی تقسیم اعمال کبی بر جمعیت ده ده تقسیم
اعمال واردر . او جمعیتک بوتون افرادینک تأمین سعادت و سلامتی
ایچون بر طاقم اعمال و وظائفک اجراسنه لزوم واردر . بو افعال
و وظائف ایسه ینه ملئک کندی تنسیبی اوزرینه ، او افعال
و وظائفی حقیه ایضیه مقتدر کیسه لر ویریلور . ایشه بو صورتله
تقسیم اعمال صناعییه مقابل برده تقسیم اعمال اجتماعی میدانه
کابر . مادامک قوای ملیه نك هر شعبه سفی در عهده ایده جک اولان
کیسه لری ینه ملت تنسیب ایدیور او حالده هر شیدن اول ملئک
عمومی بریره طوبیلاق و اونلرک رأی و اذن عمومی لریله بو قوای
ملیه نی تشکیل ایتک ایجاب ایدیور . بوایه ممکن اوله ماز یعنی
مجموعی میاونلر بالغ اولان و سوویه فکریه لری مختلف بولان
بو قدر افراد ماقی بریره طوبیلاق و هر مسئله نی هپسنبجه آکلاتمق

قابل دکلدر . او حالده د الوکیل کالاصیل ، فحواسنجه وکیل اصیل کبی اولدیقندن اونلرک هر اللهی بیک ذکورینه بدل برر وکیل انتخاب ایدوب کوندرملری بالذات کنسیدلرینک کلهلری دیمکدر . شو حالده ملت وکیللری هرشینک اساسنی تشکیل ایدر . عین زمانده ملتک هر بر فردی بوتون اداره عمومیه خصوصنده کی کنندی رأینی انتخاب ایتدیکی ذاته ویرمش اولد . یقندن ایلریده هیچ برشی سویله مکه حق اوله من . اونک ایچون ملت وکیللرینی یعنی مجلس مبعوثان اعضالرینی بر جوق کره تکرار ایتدیکمز وجهله ناموس ، اقتدار ووقوفله کسب تمیز ایتمس کیمسه لردن انتخاب ایتلی اکر مملکت داخلنده بویله کیمسه لر بولنمزه دیکر مملکتدن آرایوب بولمیدر . خلاصه بو صورتله تشکیل ایدن ملت وکیللرینه د قوه قانونیه ، دیرلر . بو قوه قانونیه مجلس مبعوثان ایله اعیانندن مرکب اولوب بونلرک وظیفه لری قانون یایمق و دیکر قوای ملیه پی تشکیل ایتک و اونلرک هر افعالی معاینه و تفتیش ایدوب خلاف قانون حرکتلرندن مسئول ایلیمکدر .

ملت وکیللرینک قومیش اولدقلری بو قانونلری عمومه تطبیق ایچونده بر دیکر قوته دهالزوم واردر که بولنمده قوه اجراییه و یاخود د حکومت ، نامی ویریلور . بونلر مجلس عمومیه دن یعنی اعیان ایله مبعوثانندن آلدقلری قوانیندن اصلا آیریله ماز . فقط بو قوانینک ایستندلری نقطه لرینه اعتراض

ایده یلیرلر . بوندن باشقه ملتک روحی مثابه سندم اولان مالیه نك دخی حسن ایفاسی ایچون بر قوته دها لزوم واردرکه بوکاده ، قوه مالیه ، دینور . قوه مالیه ملتک عموم نك ملت نامنه اوله رق ویردکاری و بریره بریکدیردکاری مبالغدن عبارتدر . بو مبالغ ویرکو ، اعانه و سائر صورتله مجلس مبه و ثانک ویردیکی قرار موجبیجه اها لیدن طوبلانیر . ملتک قوه مالیه سی اها لینگ قوه مالیه سیله متناسبدر . افراد ، فقیر ، سفیل اولورسه بالطبع آز ویرکو ویره جک نسدن ویا هیچده ویره میه جک نسدن مات سند و غنده ده یعنی مالیه دده از باره بریکیر ویا هیچده بریکه من . اولنک ایچون هرشیدن اول ثروت عمومیه نك تأمیننه چالیشم لیدر . ثروت عمومیه نك تأمیننی ایسه معارف ، صنایع ، تجارت و زراعتله میدانه کلیر . بونلرک دخی تأمیننی ایچون ینه او خصوصاته عائد بر قوه مالیه نك بولمنسنه وابسته در . فی الحقیقه قوه معارف ، قوه صنایعه ، قوه تجاریه ، قوه زراعیه نایله دخی برر شعبه حکومت موجوددر بونلری دخی ایلروده بحث ایده جکیز . بوندن باشقه هرخصوصده یالکیز حقلی اولمق کافی اولموب او حتی مدافعه ایچون بر قوه جبرییه مالک اولمقده لازمدر . بو قوه جبرییه دخی ال مقدس اولان قوه عسکریه دن عبارتدر . بر ملت هر دلو مطالبی دیگر ماتلره طانتدیر . بیامک ایچون محتشم ، متین براردویه محتاجدر . ایشته بو قوه عسکریه دخی ملتک بر قواید . مملکتده آسایش عمومینک انتظام و بقاسنی

تأمین ایتک ایچون برده قوه انضباطیه به لزوم وارددر . بو قوه انضباطیه دخی ژاندارمه و پوایسلردن عبارتدر . قوانین قوائینک عاينده حرکت ایدلری تأدیب و هرکسک حقوقی محافظه ضمتده حقلی و حقسزی تفریق و قانوناً جزالری تعیین ایچونده بر قوه عدلیه به دخی لزوم وارددر . ایشته بونلرک هبی تقسیم اعمال اجتماعی تشکیل ایدر . ایلریده برر برر ذکر ایدیلر جکدر .

خلاصه

۱ — قوای ملیه نه به دیرلر ؟

قوای ملیه ماتک اداره و انتظامی تأمین ایدن ، شوکت وسطوتی محافظه ایلین بر طاقم هیئتلردن عبارتدر .

۲ — قوای ملیه باشلیجه هانکی قوتلردن عبارتدر ؟

قوای ملیه باشلیجه : قوه قانونیه ، قوه اجرائیه ، قوه مالیه ، قوه عسکریه قوه انضباطیه و سائره کبی بر طاقم قوتلردن عبارتدر . اساس اعتباریه قوای ملیه ایکی قسم اولوب اونلرده قوه قانونیه ایله قوه اجرائیه در . دیگرلری قوه اجرائیه ده داخلدر .

۳ — تقسیم اعمال نه به دیرلر ؟

تقسیم اعمال بر ایشک مختلف اقسامک مختلف اهلی کیمسه لره تودیع ایدلسیدر .

۴ — تقسیم اعمال قاچ قسمدر ؟

تقسیم اعمال ایکی قسمدر بریسی تقسیم اعمال صناعی ، دیگرکی تقسیم اعمال اجتماعیدر .

۵ — تقسیم اعمال صناعی نه به دیرلر ؟

تقسیم اعمال صناعی بر ماکنه ک و یا هر هانکی اعمال اولنه جق بر ماده ک هم سرعت و همده نفاستله میدانه کله بیلمه سی ایچون اونک هر بر قسمک ماهر ، مقتدر و مستعد کیمسه لره ویرلسیدر .

٦ — تقسيم اعمال اجتماعى نه به ديولر ؟

تقسيم اعمال اجتماعى دځي برمليك ترقى وسما دځي ، عظمت وشوكتى
تأمين ايچون او ملك مختلف اداره وقوتلر يك او خصوصده ماهر
مقتدر ومنتمد كيسه لره و برلسيدر .

٧ — قواى مليه يي كيم تشكيل ايدر ؟

قواى مليه يي ينه بالذات ملت تشكيل ايدر ملت اولا و كيللرى انتخاب
ايدوب كوندركدن موكره بوو كيللرى قانونلرى ياپار و بو قانونلرى اجرا
ايتدير ملك ايچون ده قوه اجرائيه يي تشكيل ايدر كه بو قوه اجرائيه يك
هيئت مجموعه سى مختلف قواى مليه دن عبارتدر .





اون برنجی بحث

قوة قانونیه — پارلمنتو

قوة قانونیه ویا قوة تشریعیه ملت ایله حکمدارک وکیلرندن عبارت اولوب منافع و سعادت عمومیه مایچون لازم کلن قوانینی تنظیم ایدر ، ماتک هر بر امور و خصوصاتنه قاریشیر و حکومت مأمورلرینی کندی حرکاتندن مسئول طوتار . قوة قانونیه غیر مسئولدر . چونکه ماتک هر فردی کندی رأینی کندی رضاسیاه اولره ویرمش اولدیغندن اولر ماتک عاينده بر شی یاسه لر بیله ملت اولری مسئول ایده من . کر چه هپسک افکارو آمالی وطن و ملتک سطوت و تعالیدی اولدیغندن ایچملرنده بونک خلافتده بولانلرک در حال پنجه قانونه تسلیم ایدیله جکی شبهه سز ايسه ده ملت وکیللری بالذات ملتک کندیلری دیمک اولدیغندن ملت اولره بونی نیچون بویله یایدیکز ؟ دیه من . مشورت خصوصنده طبعی دیه یایر ، لکن اونی مسئول ایتک خصوصنده دیه من . زیرا کندی دوشن اغلاماز دپرلر . اگر ملت کندی

سعادت وسلامتك تحت تأمينه آلمنسى آرزو ايد رسه كوند رسه جكي
وكيللى ابي انتخاب ايتسون . چونكه ايشك اساسى ملت
وكيللارنده در . زيرا حاكيت مليه آنجق بويله لكه تحت تأمينه
آلير . باشقه درلو اوله ماز .

قوة قانونيه ايكي هيئتدن عبارتدر . بونلردن بريسي هيئت
مبعوثان ديكرى دخى هيئت اعياندر . بونلره مجلس مبعوثان
ويا اعيان دخى دينلديكي كبي يالكه زجه اوله رق مبعوثان و اعيان
دخى دينلور .

مجلس مبعوثان ملت طرفندن رأى عمومى و خفى ايله انتخاب
اولنمش كيمسه لدر . هر اللى بيك ذكوره بدل برر اعضا
سچيلوب بالذات ملت و كيللى اولمق اوزره در سعادت كوند .
ريابر . مجلس مبعوثان اعضالى استانبولده مجلس اعيان
اعضالردن آرى اوله رق اجتماع و انعقاد ايدرلر .

مجلس اعيان دخى ينه ملت و كيللى اولوب اونلرده
مجلس مبعوثان آرى بر محله اجتماع و انعقاد ايدرلر . مجلس
اعيان دخى مبعوثان ايله بر لكده قانونلرى تنظيم و تدقيق ايدر .
وهيئت اجرائيه نك افعالى تفتيش ايلر .

قوة قانونيه مشروطيته اداره اوانان هر ملتده بويله ايكي
هيئتدن عبارتدر . فقط بونلرك صورت انتخابلى مختلفدر .
فرضا انكلىترده مجلس مبعوثانه بدل عوام قماره سى و مجلس
اعيانه بدل دهلوردر قماره سى واردر . عوام قماره سى اهانك ،

لوردلر قماره سی دخی زادکانک وکیللریدر . فرانسه ده ایسه مجلس
مبعوثان اعضالری طبقی زمکی کبی رأی عمومی و خفی ایله انتخاب
اولندیغی حالده اعیان اعضالری دخی حکمدار ویا جمهور رئیس
طرفندن انتخاب اولنیوب بالذات ولایت مجلس اداره لری طرف
فندن انتخاب اولنور . زیرا ، فرانسه جمهور رئیس قوه قانونیه ده
دکل قوه اجرائیه ده ذی مدخلدر . بزم قانون اساسیمزده مجلس
اعیان اعضالری نیک هپسنگ حکمدار طرفندن انتخاب اولنیغی
مشروطیته موافق اولدیغندن هیچ اولمزسه اوچده ایکیسنگینه
مات طرفندن (سنجاق و ولایت مجلس اداره لری ویا مجلس
مبعوثان اعضالری طرفندن) و اوچده بریسنگ دخی پادشاه
ویا حکومت طرفندن انتخاب ایدلمسی الزمدر . و بونک ده بویولده
تذکره قونوله جنی قویاً مأمولدر .

هر نه صورتله اولورسه اولسون هر حکومتده قوه قانونیه نیک
بویله ایکی مجلسدن عبارت اولدیغنگ اسبابی برآز تدقیق ایتمک
هر حالده فائده دن خالی دکلدر .

معلوم اولدیغی اوزره بر حکومت مشروطه ده هر کس قانونه
قارشی مساوی حقوقه مالکدر . فقط بر جمعیتک تشکل و جریان
طبیعی سینده حقیقی بر طاقم مساوات سز لقلر واردر . مثلاً بر زنکی
ایله بر فقیر بر برینه مساوی اوله مدینی کبی بر عالمه بر جاهل ده
یکدیگر یله مساوی اوله مز . بناء عایه عدم مساوات ، خاق
و طبیی اولوب مدنیت حاضره هندوز بونک ازاله سنه موفق

اوله مامشدر . اوحالده خلقي وطيبی اولان شو حالك ازاله سی
 ممکن اولمدينی کبی بایک انتظام عمومی ایچون بر واسطه کبی ده
 تلقی اولته بیلور . چونکه دنیاده هرکس زنکین اولورسه اعمال
 شاقینی کیم ایفا ایده جک ؟ هرکس عین سویه ده عالم اولورسه
 ویا جاهل بولورسه ترقی علم و کاله کیم رغبت ایله جک ؟
 چونکه مشهور برعالمک دیدیکی کبی ترقی برآت یاریشی کیدرکه
 معلوم ومعین اولان مکافاتى هپسی دکل ایچلرندن برویا برقاچی
 قازانیر . اکر انسانلر مادی ومعنوی بر طاقم تکملات خصوص
 صنده هپسنگ عین سویه بی محافظه ایتملری لازم کلیرسه ایشته
 بواک بیوک براستبداد تشکیل ایدر . ذیرا فطرة هرکس مساوی
 دکادر . هرکس مختلف استعداد وقابلیته مالکدر . هرکس
 استعداد ، قابلیت وسی بی نسبتده اثر ترقی کوسترر . اوحالده
 انسانلر خلقة مساوی اولدقلری کبی اجتماع نقطه نظرندن ده
 مساوی دکادرلر . چونکه جمیعک انتظام و آهنکی ایچون
 هرکسک بربرله وعموم اولان مناسباتی یکدیگرینک منفعت
 واحتیاجی اوزرینه استداد ایتدیرلدیکندن وشمیدی به قدرده بو
 اساسی صارصه جق باشقه بر اساس بولنه مدیقشدن او حالده
 هرکسک بوخصوصده مساوی اوله میه جفی میدانه چیتار . چونکه
 هرکس عین صورته چالیشه مز . چوق چالیشانلر جمعیه ، مد
 نیته انسانیه بیوک بیوک خدمت ایدرلر ، طبیی بیوک بیوک
 نروته ، مکافاته ، سعادت مظهر اولورلر . اوحالده بوخصوصده

اونلری بکطرزده بولدیرمه، چالشمق ظلم و استبداد تشکیل ایتمکدر . مساواتدن مقصد عمومک صرف قانون دائره سنده مساوی اولمایدیر . یعنی برملتک بر جمیتک اداره و انتظامی ایچون قونیلان قوانیندن عمومک متساویا مستفید و مؤل اولمایدیر . زنکین ، فقیر ، عالم ، جاهل قانوناً مساویدر . یعنی اونلردن بریسی خلاف قانون بر حرکتده بولورسه قانون اونلری زنکین ویا فقیر ، عالم ، ویا جاهل دیهرک عفو ایتمز . جزای سزاسنی ویرر .

ایشته شو اساس اییدن ایییه آ کلاشلدقدن صوکره قوه قانونیه نك نه سیده مبنی ایکی مجلسدن عبارت اولدیغنی آ کلامق قولایلاشمش اولور .

مادامکه انسانلر یالکیز قوانین موضوعه نقطه نظرندن مساویدرلر . احوالده غیر مساوی اولان بوانسانلرک هر بر حقوقنی بر صورت متساویهده حفظ ووقایه ایده بیلماک لازمدیر . اونک ایچونده انسانلری ایکی صنفه آیرمق وبوصنفلرک هر بریسنه مخصوص اولان اعضالری دخی آیری آیری اجتماع ایتدیروب هر برلرینک مذاکراتنی دخی بر بریله مقایسه و مقابله ایدوب مجموعنک نتیجه سنی استحصال ایتماک ایجاب ایدر . بو ایکی صنفدن بریسی زنکین ویا عالم دیکری دخی فقیر ویا جاهل صنفدن عبارتدر . اگر بویله ایکی مجلس تشکیل ایتیموده یالکیز فقیر طرفندن ویا یالکیز زنکین طرفدن منتخب یالکیز برر

مجلسدن عبارت قالسه ايدى اوزمان بوايكي صنفدن مبعوثى اولميان
صنفك حقوقى ضايع ايدلش اولوردى . عين زمانده بونلرك
انتخاب ايدم جكلرى انصارلرده وقوف تامه يه مالك اوله ميه جقلرندن
خطا ايتك احتماليده اولوردى .

قوة قانونيه نك بويله ايكي مجلسدن عبارت اولمى بر كره
مساواتك محافظه سنى تأمين ايتديكي كې برده يكدى كرينك افراط
وشدتنى تعديل ايتك كې بر فائده مهمه يي حائزدر . اونك
ايچون هرشى ايلك اول مجلس مبعوثانده تذكر اولتور . وصو-
كره مجلس اعيايه كيدر مجلس اعياي دنخى بونى تذكر ايدرك
افراط وتفریطنى شدت و خفتنى تعديل و تصحيح ايلر اوندن
صوكره اجرا برحاله كلير .

خلاصه

- ۱ — قوة قانونيه ويا پارلمنتو نه يه ديرلر ؟
- قوة قانونيه قوانين و نظاماتى تنظيم و ترتيب ايدن برهيتندر .
- ۲ — قوة قانونيه يي كيملر تشكيل ايدر ؟
- قوة قانونيه يي ملت ايله حكمدارك و كيللرى تشكيل ايدر .
- ۳ — قوة قانونيه مسئوليدر ؟
- قوة قانونيه مسئول دكلدر . چونكه قوة قانونيه ملتك و كيللرى
بناء عليه بالذات كنديللرى ديمكدر .
- ۴ — قوة قانونيه قاچ هيتندن عبارتدر ؟
- قوة قانونيه ايكي هيتندن عبارتدر اولنلرده هيت مبعوثان ايله
هيت اعياندر .
- ۵ — هرايكي هيت برلكده يي يوقسه آبرى آبرى مى انعقاد ايدر ؟

هرایکي هیت آیری آیری انعقاد ایدر.

۶ — هر حکومت مشروطه ده قوه قانونیه نك بویه ایکی مجلسدن عبارت اولسك سبی نه در ؟

هر حکومت مشروطه ده قوه قانونیه نك بویه ایکی مجلسدن عبارت اولسك ایکی سبی واردر . اولردن بریسی افراد اهالی اره سنده کی مساواتك محافظه سی دیگر کی دخی مجلسلردن برینك شدت و افراطنی خطا و صوابنی تعدیل و اصلاح و تدقیق ایتسیدر .

۷ — حکمدارلر قوه قانونیه ده می یوقسه قوه اجرائیه ده می صاحب نفوذدرلر ؟

بوهرملته دکشیر آلمانیا برحکومت مشروطه اولدینی حالده حکمدارلر زنده کی نفوذ و صلاحیتك درجه سیله اعتباریله همان مستبدلکنه یقین بر موقع اشغال ایدر . انکاتره ده ایسه حکمدار هم قوه قانونیه هم ده قوه اجرائیه ده ذی مدخلدر . فرانسه جمهور رئیس ایسه یالکز قوه اجرائیه نك رئیس اولوب قوه قانونیه به اصلا مداخله ایتز . بدی سنه ده بردفعه فرانسه جمهور رئیس دکشیدیکی زمان مجلس مبعوثان ایله مجلس اعیان ، مجلس اعیان رئیسك تحت ریاستنده اوله رق اجتماع ایدرلر بوکا قولفره دینور بو قولفره ده جمهور رئیسنی انتخاب ایدرلر اولدن سوکره جمهور رئیس ده دیگر نظاری تشکیل ایدر .

بزم پادشاهلر من هم قوه قانونیه همده قوه اجرائیه ده ذی مدخلدر . فقط بونلرک هبسی قوه قانونیه نك تصویب و تنسیینه موافق اولق شرطدر . مجلس مبعوثان و اعیانك برلکده قرار ویرمدکلری برشینی یایغه نه پادشاهك نه صدراعظمك و نه ده ناظرلردن برینك قطعاً حق و صلاحیتی یوقدر





اون ایکنجی بحث

قوة اجرائیه — حکومت

قوة اجرائیه هیئت قانونیه نك وضع ایته دیکی قوانینی اجرا ایدن بر هیئت سدر . قوانینی وضع ایتمک وعین قوانینی مملکته تطبیق ایلمک هیج بر دولته یالکز بر هیئته ویرلمه مشدر . مستقل حکومتلرده بوکی استتالر اوله بیلورسده معقول ، مشروع ، و مشروطی اولان هیج بر حکومتده بو حال کورلمه مشدر . اساساً بوایکی قوتک بر بردن تماماً آیری اولمسی ایجاب ایدر . چونکه بر قانونی وضع ایتمک باشقه اونی اجرا ایلمک ینه باشقه در بونلر آره سنده کی نسبت نظریات ایله عملیات آره سنده کی نسبت کیدر . هر هانکی بر علمک بر نظریاتی برده عملیاتی واردر . اونک نظریاتی درسخانه ده او علم ویا ماده حقنده در میان ایدیان افکار و ملاحظات فیه دن عبارتدر . عملیاتی ایسه درسخانه ده در میان اولتان افکار و ملاحظاتی بالتجربه ، بالمشاهده عملی

اوله رقده کوسترمک و افکار و ملاحظاتی اشیا به ده تطبیق ایلدکدر .
ایشته هیئت قانونیه علومک نظریاتی ، هیئت اجرائیه ایسه
عملیاتی کیدر . کذلک بر بنا یاپدیرمق ایچسون اولا او بنانک
بر بلانی یاپدیرمق و او بلان موجبجه او بنانی انشا ایتدیرمک
ایجاب ایدر . یاییله جق بلان ایسه هر کسک جینده کی پاره سنه ،
وسعت و اقتدار مالیه سنه کوره اوله جفی کبی او بلانه کوره
یاییله جق بناده بالطبع بلان نه ایسه اوندن عبارت اولور . فقط
هر حالده بنانی انشایه باشلا مزدن اول مطلقا اونک بلانی یایمق
ویا یاپدیرمق ایجاب ایدر . بلان تماماً یاپلدقدن و هر بر نقاطی
ایچه تدقیق و تحقیق ایلدکدن صوکره ایسه باشلا نیلیر . ایشته
طبقی قوه قانونیه ایله قوه اجرائیه ده بونک کیدر . قوه قانونیه
یاییله جق بنانک بلانی یاپان بر مهندس ، قوه اجرائیه ایسه او
بلان موجبجه یاییله جق بناده چالیشان بر معمار اوسته و عمله لردر .
دییمککه بر بنانی یایمق ایچون بر مهندس ایله بر معمار ناصیل که
عین مقصده خادم فقط مطلقا بر برندن آیری ایکی مسلک صاحبی
ایسه لر قوه قانونیه قوه اجرائیه ده طبقی اولر کیدر . بونلردن
باقیه بو ایکی هیئتک آیری آیری اولمسی دها بک چوق فوایدی
جامعدر . بر کره تقسیم اعمال قاعده سنجه هر ایکی هیئتکی تشکیل
ایدن اعضا لر و مأمورین کندی وظیفه لر نده ملکه و رسوخ صا
حبی اولور لر . ثانیاً غایت واسع و قاریشیق معاملاتی حاوی
اولان بویله مهم شیلرده هم تشویش ذهنه همده تشویش معامله به

میدان ویرلمز : ثالثاً یاییلان قانونلر قطعی و صریح اولایه جق اولورسه او قانون حکمسنز اولور . بویله بر قانوندن هم یاپان و همده اجرا ایدن بيله ممنون اولمز. انسان بر طرفدن یاپار دیکر طرفدن ییقارسه اوندن عمو مجده هیج بر خیر کلمز ، خلاصه اجرا اوله جق قوانین اولجه تماماً یاییلالی قطعی و صریح بر حال آلدقندن صکره اجرا و تطبیق ایدلملیدر . ایشته شوملاحظاتندن آکلاشلدیغه کوره هیئت قانونیه ایله هیئت اجراییه نك بر برندن آیری اوله رق تشکلی لازم کلیور . قوه اجراییه نك مرکزی بر هیئتی ، برده توابی واردر . قوه اجراییه نك هیئته « هیئت وکلا ، ویا « قابینه » دینور .

هیئت وکلا ویا قابینه باش وکیل ایله برنجی درجه ده کی ناظرلردن عبارتدر . قوه اجراییه قوه قانونیه قارشی مسئول بر هیئت اولدیغندن قابینه ده مجلس عمومی قارشی مسئول اولور . ناظرلردن بریسی مسئول اولورسه بومسئولیت ، درجه سنه کوره دیکر ناظرلر ویا قابینه هیئتنک هپسنده عائد اولور . مجلس مبعوثان قابینه حقننده اعتماد کوستر من ایسه قابینه یی تشکیل ایدنلرک استعفا ایتلمی الزمدر .

هیئت وکلایي تشکیل ایدن ناظرلر : باشنده باش وکیل اولور آندن صوکرده شیخ الاسلام افندی داخلیه ، خارجیه ، حربیه ، بحریه ، معارف ، تجارت و نافع ، اورمان معادن و زراعت ، طوبخانه ، عدلیه مالیه ناظرلری و سائرده عبارتدر .

کړک باش وکیل وکړک ناظر لر مجلس مبعوثان اعضا نرندن ویاخورد
مجلس مبعوثان اعضا لرینک اعتمادنی قازانانردن اولور . بوسورتله
مجلس مبعوثانک انتخاب و رایسه مظهر اولانلر ذات شاهانه
طرفندن تعیین اولور . ۱۲۹۳ ده وضع اولنان و برقاچ ما . تمذیل
واصلاح اولنش بولنان قانون اساسیمزده صدر اعظم ایله
شیخ الاسلامک دوغروندن دوغرویه بالذات ذات شاهانه طرفندن
تعیین اولنه جنی مصرح ایسه ده شونی ای بیاماید که مجلس
مبعوثانک رایسه مظهر اوله میان هیچ برناظر حتی الک اوفق بر
مأمور بیله یرنده اوطورده مز . هر نه قدر ذات شاهانه هم قوة
اجرائیه همد قوه قانونیه ده ذی مدخل ایسه ده کنديسنک غیر
مسئول اولسی بوايکی قوای مایه ده کی درجه نفوذنی کسرايدر .
یعنی هرايکی قوتک ده رئيسی اولمغله مطلقا مستبد بر حکمدار
کبی ایستدیکنی پایه مز ایستیان شیدک یا پسنی آنجق مجلس
عمومینک تنسیبی اوزرینه امر ایدر .

پارلمنتو دیجه اعیان ایله مبعوثانندن عبارت اولان قوه قانونیه
ویاهیئت قانونیه آکلاشلدینی کبی یالکز حکومت دیجه ده قوه
اجرائیه آکلاشیلیر . فقط دولت دیجه ده هم قوه قانونیه هم ده
قوه اجرائیه هیئت عمومیه بیله آکلاشاملیدر که . یعنی پارلمنتو
ایله حکومت (رئیس حکمدارده داخل اولدینی حالده) دولتی
تشکیل ایدر . دیمکه اسکیدن اولدینی کبی دولت کله سنی یالکز
پادشاهده دکل ملاتق قوای عمومیه سنی بردن ذکر ایدن شو عمومی

تعییرده استعمال ایده جگیز واک مناسبی ده بودر بوندن دها منا-
سب ودها ای باشقه برکله بوئنه مامشدر .

قوة اجرائیه نظری اوله رق ایکی به تقسیم اولنه بیسلور .
بررسی مرکزی دیکری محیطی تشکیل ایدر .

قوة اجرائیه نك مرکزده بولنان قسمی هنوز ذکر ایتدی کمز
قابینه دن و او قابینه یی تشکیل ایدن ناظرلردن هر بریسنك دائرة
مخصوصه لرندن عبارتدر .

قوة اجرائیه نك قسم محیطیسی ایسه عسکری ، ملکی و یا
هرهانسکی برشعبه حکومتدن اولورسه اولسون بریسنك ولایت ،
سنجاق ، قضا ، والحاصل ناحیه لره وارنجه به قدر کافه مأموریندن
عبارتدر . بوصوکره کی هر بر امور و خصوصاته مرکزده تابع
اولوب یالکیز حال و زمان و منافع عمومیه نك ایجاب ایتدیردیکی
بعض خصوصاته بالا آخره مرکزده بیلدیرمک و یاسطاحی تفرعاتی
هیچ ده بیلدیرمه مک اوزره کندیسسنده برده « توسیع
مأذونیت » واردر .

ایشته حکومتک بوتالی قسمنك بویله مرکزده تابع اولسی
کیفیتته . « مرکزیت » و مرکزده تابع اولیوب کندی باشلرینه
اداره ایتلرینه ده « عدم مرکزیت » دینور .

فقط حال حاضرده بزم اداره مشروطه من براداره مرکزیه
اولدیفندن اونک ایچون بزده مرکزی اوله رق اداره اولنان بر
حکومت مشروطه دن بحث ایدیورز

صدراعظم . — قایمیه رئیس اولوب مجلس مبعوثانك انتخاب و رأیی اوزرینه ذات شاهانه طرفندن تعیین اولنور .
صدراعظم قایمیه نك هر برامور خصوصاتندن و حکومت ایشلر-
ندن مسئولدر . ذات شاهانه ایله ملت آره سنده بر وکیل کبی
اولوب عین زمانده ذات شاهانه یه عرض و تقدیم اولنه جق هر بر
امور خصوصاتنه قاریشیر . فقط مخالف قانون اولان افعالنندن
مجلسه قارشی مسئولدر .

حربییه ناظری . — حربیه ناظری اردولری اداره و تنظیم
ایله برابر قوای عسکریه یی محور لایقنده طوتار و حدودلری
تحکیم و تقویه ایتمکله برابر محاربه و قوعه کلدکده عسکری سوق
و اداره ایدر .

بحریه ناظری . — بحریه ناظری عموم دونما و عساکر
بحریه یی اداره ایدر و ساحلاری محافظه ایلر .

داخلیه ناظری . — قوانین و نظاماتی داخاندن تطبیق
ایچون والی ، متصرف و قائم مقاملرله اداره داخایه یی تأمین ایدر .
خارجیه ناظری . — سفیر و شهیندرلر واسطه سیله دیگر
ممالکله اولان مناسبات تجاریه و سیاسیه منزی تأمین ایدر .

امنیت عمومیه مدیری . — پولیس و ژاندارمه واسطه سیله
آسایش و انتظام داخلی یی محافظه ایدر .

دیگر نظارتلرک دخی هپ اسملری اوزرنده اولدیقندن
ذکرندن صرف نظر ایدلمشدر .

ناظر لرہ کلنجہ، بردہ دور استبداددہ صدر اعظم آیدہ (۱۵۰۰)
لیرا ناظر لر دخی بشیوزدن بیک لیراہ قدر معاش آلیر لرایدی . ارده
بیجہ بیکلر جہ احسانلر دہ مظهر اولور لر ایدی . فرانسه دہ کی ناظر لر
سنہ دہ (۶۰۹۰۰۰) فراتیق یعنی سنہ دہ (۲۷۰۰) لیرا ، آیدہ

ایسه (۲۲۵) لیرادن عبارتدر . فرانسه ده والیرل دخی صنفنه کوره سنه ده ۱۸ بیک فرانقدن ۳۵ بیک فرانق یعنی سنه ده ۸۰۰ دن ۱۵۰۰ لیرا آره سنه ده آیده ایسه ۶۰ لیرادن یوز لیرایه قدر معاش آلیرلر اگر بزم اداره منه تطبیق ایتمک لازم کلیرسه نصف اولسه بیله هیچ اولزسه نلث ویا ربیعنی طی ایتملیدر . زیرا بزم مملکت مزده دها آژ باره ایله اولردن دها ابی یشامق ممکندر .

خلاصه

- ۱ — قوة اجرائیه ویا حکومت نهیه دیرلر ؟
قوة اجرائیه ویا حکومت قوة قانونیه نك وضع ایتمدیکی قوانینی مملکته تطبیق واجرا ایدن برهیئندر .
- ۲ — قوة قانونیه ایله قوة اجرائیه هر حکومت مشروطه عین هیئتمنی عبارتدر ؟
خیر ! قوة قانونیه ایله قوة اجرائیه هر حکومت مشروطه وجهو- ریه ده مختلف هیئتلردن عبارتدر .
- ۳ — قوة قانونیه ایله قوة اجرائیه نیچون مختلف هیئتلردن عبارتدر ؟
چونکه بونلر آره سنه ده کی فرق نظریات ایله عملیات آره سنه ده کی ویا خود بر بنانك پلانیه اننا آتی ویا خود بر مهندسله بر معمار آره سنه ده کی فرق کییدر تقسیم اعمال نقطه نظرندن بوابکی هیئتک مطلقا آیری اولسی لازم کلیر . بوندن بشقه آیری بولنمسنده دها پک چوق فوائد واردر ؟
- ۴ — هیئت وکلا ویا قایمه نهیه دیرلر ؟
قوة اجرائیه نك هیئت مرکزیه سنه یعنی باش وکیل ایله ناظرلرک هیئت مجموعه سنه دینور .
- ۵ — هیئت اجرائیه مسئولیدر ؟
اوت هیئت اجرائیه هیئت قانونیه یه قارشی مسئولدر . هیئت قانونیه طرفندن صوریلان هر سؤاله لازم کلن جوابلری ویرمکه مجبوردر .
- ۶ — قایمه نك ایشلرندن کیملر مسئولدر ؟

قايينه نك ايشلرندن باش وكيل ايله قايينه يه اشتراك ايدن ناظرلر مسئولدر . بونلرك برينك مسئوليتي ديكرينده عائددر .

۷ — مجلس مبعوثان قايينه حقننده اعتماد كوسترمزسه قايينه اركاني نه ياپار ؟

مجلس مبعوثان قايينه حقننده اعتماد كوسترمز ايسه قايينه اركاننك كافه سي ويا حقننده اعتماد اولنيانلري استعفا ايدر .

۸ — قايينه يي تشكيل ايدنلري صاييكنز ؟

صدراعظم ، شيخ الاسلام ايله حربيه ، بحريه ، داخليه ، خارجيه ، اورمان ومعادن ، طوبخانه ، معارف ، ماليه ، تجارت وتافعه ، عدليه ناظرلريدر .

۹ — پارلمنتو ، حكومت ودولت كلهلري آزه سنده كي فرق نه در ؟
پارلمنتو ، براداره مشروطه ده مجلس مبعوثان ايله اعيانندن عبارت بولسان هيئت قانونيه يه ؛ حكومت ، على العموم هيئت اجرائيه يه ؛ دولت ايسه پارلمنتو ايله حكومتك يعنى هيئت قانونيه ايله هيئت اجرا .
ثيه نك مجموعه دنور .

۱۰ — پادشاه قوه قانونيه دنمى . يوقسه قوه اجرائيه دنميدر ؟

پادشاه هم قوه قانونيه وهمده قوه اجرائيه ده ذى مدخلدر . فقط پادشاه اداره اتمز . تنظيم وترتيب ايديلن لايحه لرك اجراسنى امر ايدر . پادشاه بالذات هيچ بر ايشه قارشمز . اكر قارشمز اولسه قايينه كي ياپديغندن مسئول اولسى لازم كلير . حالبوكه پادشاه غير مسئولدر . غير مسئول اولسى بر چوق منافع تأمين ايتسندندر . بر كره حكمدارلرك مسئول اوللري همه حاله ايكيده بر دكيشمه لرني انتاج ايدر . بوايه داخلي خارجى احوال اداره وسياسيمزى صادصار بر حكمدارك چابوق چابوق دكيشمى اين بر نتيجه ويرمز . بوندن باشقه هر كس حكمدار حقننده حسن ظنه ورابطه معنويه مالك اولد . يغندن حكمدار مسئول اولدقجه بوحسلر زائل اوله جنى كي حكمدارك نفوذينك هر كسجه دره جه سي ده تزيل ايدر

خلاصه حکم دادرلر هر دولته غبر مسئولدر . غبر مسئول اولملری ده آتجق بو صورتله یعنی کندیلرینک بالدات اداره یه قارشیموب هیئت قانونیه نك افکارینی ترویج ایتسیله تحت تأمین آلمشدر .

۱۱ — مرکزیت وعدم مرکزیت نهیه دیرلر ؟

هیئت اجرائیه نك قایینه بی تشکیل ایدن ارکانندن هر بر ناظر پای تختنده کندی دائره سی داخلنده بر مرکز تشکیل ایدر که ولایت سنجاق و قضاالرده کی ملکی ، عسکری وعدلی وسائرته نك منسوب اولد . قلری نظارتلرک مرکزینه تابع اولملری و هر بر امور و خصوصاته مرکز رأینی آلفه مجبور بولملرینه مرکزیت دینور .

عدم مرکزیت ایسه بونک عکسنه اولوب مرکزدن خارج بولنان مأمورینک هر امور و خصوصاتی مرکزیه بیلدیرمکسزین کندی بیلدکلری کی اجرا ایتلریدر .

۱۲ — توسیع مأذونیت نهیه دیرلر .

توسیع مأذونیت علی العموم مأمورین مرکزیه تابع اولقله برابر بعض خصوصاته ایستدکلری کی حرکت ایتک حق و صلاحیتندن عبارتدر . بو خصوصات ایسه یا بجهل برایش اولور و یا خود مملکته نافع بر نقطه ده بولنور و یا خود زمان ، حال کندیسنی اوله بر طرزده حرکت مجبور ایدر . بولری ایترسه اجرا ایتدکدن سوکره مرکزیه بیلدیره بیلیر . عین زمانده اجرا آتنک هر بر تفرعاتی مرکزیه بیلدیر مکه مجبور دکلددر . سطحی بر جوق شیلری یا بقی توسیع مأذونیت دائره سنده حرکت ایتکدر .





اون اوچنجی بحث

قوة ماله

قوة ماله بر ملتک اک بیوک واک اساسلی قوتیدر هر شی
پاره ایله میداننه کلیر . پاره ایسه قوة ماله بی تشکیل ایدر . بر
دولتک قوة ماله سی ملتک قوة ماله سیله متناسبدر . بر ماتی
تشکیل ایدن اهالی نه قدر زنکین ونه درجه صاحب ثروت
اولورسه بالذبیع حکومتده اونسته ویرکی ویره جکلرندن
حکومتده اونسته زنکین اولور . اوله ایسه اولاً ملتک قوة
ماله سی تحت تأمیننه آلامیدر که بوسایه ده دولتکده قوة ماله سی
تحت تأمیننه آلمش اولسون . ملتک قوة ماله سی درت شی ایله
تحت تأمیننه آلیراونلرده : معارف ، تجارت ، صنایع وزراعتدن
عبارتدر . معارف حقنده نه قدر سوز سوزلنسه یینه آذرر .
تجارت صنایع وزراعت دخی معارف اولمدقجه اساسلی صورته
تحت تأمیننه آله منر . تجارت بر مملکت داخلنده حصوله
کان هر نوع اشیایی دیگر مملکتلرده اخراج ایتمک دیگر
مملکتلرده کی شیرلرده او مملکته ادخال ایتمکدر . فقط
تجارتده کوزهدیله جک مهم بر نقطه وار ایسه اوده پاره نک

داخله قالمی در . پاره عین حکومته تابع بر شهرک برندن
 چاقوب مملکتک دیکرینه کیرمه ملیدر . اجنبی مملکتلرنده کی
 اوردی بالذات تجارت سایه سنده کندی مملکتتمزه جلب ایتمکدر .
 تجارت دیمک بیوک بیوک ایشلر طوتمق و مملکتتمز داخلنده
 شمدوفرلر ، ترامویلر ، واپورلر ایشلتمک ، معدن اوچاقولری
 آچدیرمق خلاصه مملکتک نهیه احتیاجی وار ایسه اونلرک
 جمله-نی قره دن فعله چیقارمقدر . بونلری یایمق نه قدرزنکیکن
 اولورسه اولسون بر آدمک ایشی دکلدر . بونلری یایمق آیچون
 بر مملکت داخلنده چوق زنکیکن آدملرده لزوم یوقدر . او
 مملکت اهاالیسنک هپسی ویا قسم اعظمی بریره طویلانوبده
 مشترکاً بویله بر مهم برایش یایمق هپسی برر مقدارپاره ویررلر
 ایسه ایش اولورکیدر . فرض ایدنمکه بر مایون لیرالق بر
 معدن ویا بر شمدوفر یایدیرمق کبی مهم بر ایش ظهور ایتسه
 اونیده اجنبی بر شرکت آلمق ایستسده بز مملکتتمزه اجنبی
 شرکت صوقیوب وپاره مزک دخی اجنبی مملکتتمه کیمه مسنی
 آرزو ایدر ایسهک بر چوق کیمسه لردن مرکب بر شرکت تشکیل
 اید بیلیرز . او شرکت داخل اولان کیمسه لر نه قدر فقیر اولورلرسه
 اولسونلر برر لیرا ویره بیایرلر و بو صورته هم هر کس پاره
 قزایر و همده ملتتمزک سعادتی تحت تأمینه آلتیر . اکر افراد
 ملت ارسسینده بو کبی اتحاد و امنیت اولمز و بویله اوفق تفک
 شرکتلر تشکیل و تأسیس ایتمز ایسه نافله قوه مالیه تأمین ایدیلهمز .

خلاصہ تجارتدہ کوزہ دیلہ جک الک مہم نقطہ بارہ بی افراد ماتدن
 چکمہ یوب اجنبی مملکتلرنہن چکمک وداخلی ہر بر شرکتلری
 بالذات ملتزمہ عائد کیمسہلرہ ویاملت شرکتلرینہ ویرمکدر . ،
 اکثریا کورلدیکی اوزرہ اناطولیدہ شہر لیلر کویلولرہ بش
 آلتیوز غروش بر بارہ ویرر ہر سنہ بو بارہ نک فائضہ بدل
 اولق اوزرہ کویلونک بتون محصولاتنہ اورتاق اولورلر . الک
 آزدن ہر سنہ اون بش یکر می لیرالق بغدادی آلبرلر فقط
 اسکی بارہ سنہ ہیچ خلل کلز . زوالی کویلولر بردن او قدر
 بارہ بی ویرہ مدیکندن ہر سنہ بویلہ برظلم آلتندہ ازیلیر . شمدی
 بوکا تجارتی دینور ؟ بوکا تجارت دکل سرقت دینور . تجارتدہ
 عدالت ، استقامت وحقانیتی ہیچ برزمان الدن براقہ ملیدر .
 شیمدی یہ قدر مملکتہ زدہ نہ قدر تاجر ، نہ قدر تجارتلہ مشغول
 کیمسہلر وار ایسہ همان ہپی اصولی دائرہ سندہ حقانیتلہ تجارت
 ایتیوب دائما مشتریلرینی آلداتمق صورتیلہ تجارت ایدیور .
 مثلاً بردکادن بر اشیا آلسہ کزدیکر بردکانہ کیتدیکر کزدہ عین
 اشیایہ بش مثلی فیات ایستہ مکدن صیتہ یامیورلر . حالبوکہ
 ایکسی دہ عین مال ، بویلہ تجارتی اولور ؟ ایستہ بونلری
 اورتہ دن قالدیرہ جق بنہ اہالیدر . اہالی تجارتک ینہ کندی
 قرداشلرینی آلداتمقدن عبارت اولیوب آنجق صرف ایدیلن
 اُمک وبارہ نہستندہ معقول و مشروع اوفق بر کاردن عبارت
 اولدیغنی بیایرلرہ وبتون افراد اہالی دخی بو کجی نامشروع

حاللره تشبث ایدنلردن نفرت ایلرلر ایسه ایشته اوزمان بوکی
 یولسزقلره میدان ویرلمز . صنایه کلنجه : صنایع احتیاجات
 مبرمی ازاله ایچون متین و صاغلام لوازماتک اعمال و میدان تداوله
 قونلایدیر . احتیاج مبرمدن اولیان برطاقم سوس ، زینت
 ایچون یاپیله جق شیلر ایکنجی و صوکنجی درجه ده قالیر .
 دمبرمعدنلری ایشاته رک اونلردن درلو درلو آلات وادوات
 یایمق ، زراعت آلندری و شمندوفرلر اعمال صابون فابریقه لری
 آجق ، اجزای طیه نك کافه سنی مملکت تمزده اعماله چالشمق
 نه بیوک موفقیتدر . صنایعه دخی دقت ایدیله جک مهم برنقطه
 وار ایسه اوده یاپیله جک شیلری قطعاً تقاید ایتیوب یعنی ایچنه
 حیله قاتمیبو ممکن اولدینی قدر متین و ظریف اولمسنه دقت
 ایتمکدر . چونکه برصنعتله حیله و دیسیسه کیرر ایسه اوندن هیج
 بر خیر کلز ، او صنعت پک موقتدر بر مدت صوکره هر کس
 اونک چوروک و حیله لی اولدینی آکلار ، اعتبار ورواجدن
 دوشر ، اونک ایچون دوغرولغه یتر اولمز . بونک مکافاتنی دخی
 هر جهندن کوریلور . زراعت کلنجه : بو اک طیبی واک حلال
 برنوع صنعت و تجارتدر . زراعت یالکز اکین اکمکدن عبارت
 اولیبو عین زمان حیوان یتشدیرمک ، چفتلک صاحبی اولمق
 دخی زراعتدندر . زراعت معنای عمومیسى اعتباریله طبیعتدن
 استفاده ایتمکدر . طبیعتدن استفاده ایسه بوغدایى اکمک ،
 آفاجی دیکمک ، حیوانلری اورتمکله اولور . بوندن ده ابسیط

دها اي بر تجارت اوله بيليرمي ؟ انسان بر اينك آلسه كله جك
 سنه ابكي دانه اولور . بتون ياز سودندن ، ياغندن استفاده ايدر .
 بر قيودن ، بر طاووق دخی بويله در . عين زمانده انسان بونلرله
 كوزل بر وقت كچير . ايلك بهارده يشيل چمنلر اوزرنده او
 ميني ميني قوزولركشن وشاطر بر صورتده قوشوب صچرادقلىرى
 سبر ايتك اونلرى در آغوش ايدوب اوخ شامق دويولور عمر ميدر ؟
 تأسف اولنه جق بر نقطه وار ايسه اوده شمدى به قدر بزده زراعتك
 تكميل شعبتلك حال ابتدائيدى قالمسيدر . آمر يقاده ، آوروپاده
 بيك درلو زراعت ماكنه لرى يابلدى صپان ايله بر آيدى كوريله جك بر
 ايش بو ماكنه لرك سرعت و متاتى سايه سنده بر ساعتده كوريله بيلور .
 او كوزلرك او بطى حر كترلر نه تحمل ايتمكدن ايسه اونلرك يرينه آت
 قوشمق دها مناسبدر . مع التأسف مملكتمزده نه او ماكنه لر
 نه ده آت قوشمه سى تعمم ايتمه مشدر . بونلر ايسه هپ فقر القدن
 زياده جهالتدن ايلرى كلير ، چونكه بر كويده اك آزندن يوز
 خانه اولسه بو يوز خانه اشتراك ايدوبده بر لريرا ويرسه لر تكميل
 زراعت ماكنه لرى كيتير تديره بيليرلر ، واونلرله نوبته هر كسك
 تارلا سنى سوررلر ، واصل اوله جق فضله محصول اتدن هر سنه
 بر روي ايكيشر ليرا دها طويله لره بر قاج سنه ظرفنده هبى
 زراعت ماكنه لرينه مالك اولدينى كې نرولرى ده طاشار
 دو كولور . حالبوكه اهاليز اول امرده زراعت ماكنه لرينك
 اسمنى بيله ايشتمه مش نانياً بويله بر اتحاد واشترك ايله هيچ

برایش یابم مشایشه نرسندن ناصل باشلايه جغنی بیرایور. آرزو وار ، اما جسارت یوق . معارف اولمی هپسنگ ذهنه هرشیی اییجه یاتیرملی که اونلرده تشبئلرنده جسارتده بولنسونلر . عین زمانده اهلیمز حیوانلری ناصل یتشدیرملی باغلری آغاجلری نصل دیکملی ، بو خصوصه دائرده بر چوق درسار اوکرنملی کتابلر او قومایدیر . بونلر ایسه آنجق معارفله اولور .

ایشته تجارت ، صنایع ، وزراعت سایه سنده بر ماتک هر فردینک قوه ماله سی تحت تأمین آلتیرسه طیبی اونلرک بو تروتلری نسبتده حکومته ویرکی ویرجکلرندن حکومتک صندوغنده ده چوق پاره بیریکیر . حکومتده اوباردرله مملکت داخلنده اجراآت یاپار . اهالی فقیر اولورسه صندوغه هیچ پاره کلز ، حکومتده اجراآت یایق شویله طورسون مأمورلرک معاشنی بیله ویره من . هیچده برایش کوریه من . اکلاشیلیورکه بر ماتک سعادتک اساسی ینه او ماتک هر بر فردینک آلتک ترنده ، سعینک ثمره سنده در .

دولتک قوه ماله سنه کانهجه : اوده ملتک قوه ماله سندن تأدیه ایتدیکی ویرکیلردن عبارتدر . بو ویرکیلر پارلمنتوده تدقیق ومذاکره ایدلکد نکره تخصیاته ارانده سینه تعاق ایدر وبو صورتله هر مملکت کندی حسابنه دوشنی کندی اهایسنه تقسیم وتوزیع ایدرک خصوصی تحصیلدارلر واسطه سیله طوپلازیر ، کویولوردن ، اهالیدن طوپلانان بو پاره نرتی ، بو ویرکیلر مال

صندوقدارنده بيريکير. صوکره بوباره لری حکومت آلەرق مأمورلره آيلىق ويرر ، عسکرلره ، دونمايه ، معارفه الحاصل بر چوق خصوصاته صرف ايدر. بوندن بر مقدار پاره آرتارسه اونى ده ملتک خزينه سنده بيريکدير لر . شايد ايلريده بر محاربه اولورسه ، بردن بره عسکر طوبلانيرسه چوق فائضله بورج ايتيوب اونى ده اوکا صرف ايدر لر . خلاصه ويرکيلر بر ملتک حيات اجتماعيه سنده پک مؤثر بر وظيفه ايفا ايدر . هر ملت کندی ثروتى ، سعي نسبتنده حکومته ويرکي ويرر .

ويرکولر . — ويرکو احتياج و منافع عموميه صرف ايدملک اوزره هر سنه اهالي دن هر برينک حصه سنه اصابت ايدن معين بر مبلغدن عبارتدر . ويرکينک مقدارى هر سنه مجلس عمومى طرفندن تعيين اولنور . بوسنه ايچون تعيين اولنان ويرکي کله جک سنه تحصيل اولنور . مجلس عمومينک مساعده سي اولمق سزین اصلا هيچ برويرکو تحصيل ايديله مز .

ايکي نوع ويرکو واردر . بريسي بلا واسطه ديکري ده بالواسطه ويرکودر . بلا واسطه ويرکو هر کسک ، مقابلنده حکومتدن هيچ برشى طلب ايتمک سزین ، ويرمکه مجبور اولديني مياغدر که بوده : املاک تمتع واعشار ويرکيلرندن عبارتدر . بو ويرکيلرى تحصيلدارلر اهالي دن طوبلايه رق مال صندوقدارينه ياتيرر .

بالواسطه ويرکي دخی دوعريدن دوعرويه اهالي دن آلنيز .

بو نوع ویرکوب بر طاقم تجارت مقابله شرکتلردن آئیر .
بونکده باشلیجهلری : استهلاکات ویرکیلری ، انحصار ، پول
کمرک وسائرهدن عبارتدر .

املاک ویرکیسی : خانه ، ترلا ، باغ ، چفتلک کبی ملکدن
آنان ویرکیلردر . بو ویرکیلرده املاک قیمتی نه ایسه اوکا
کوره هیئت قانونیه طرفدن تنسیب اوانان بر مقدار معین
تحصیل اولنور .

تمتع ویرکوسی : عسکر ، مأمور وجیفتجیلردن ماءدا
تجارتله مشغول اولان کیمسهلردن آنان برویرکودر . بر مجلس
معرفیه بر کیمسه نک سنهده قاج غروش قزانه بیلدیکی حساب
وتخمین ایدیلرک اونک یوزده بر مقداری آئیر . اکر فضله
یازلمش اولورسه استدعایدرک محله نک امام ومختاری دخی تصدیق
ایدیلرک اونک تمتع ویرکوسنی ازالدیرلر وهرسنه یکیدن ویرکی
اداره خانه لرنده معامله یاییله رق هرکسک سنوی تمتع ویرکوسی
تعیین ایدیلر .

اعشار ویرکوسی : هرسنه حصزه کلن محصولاتک اونده
برینک حکومته تسلیم ایدلمسیدر . بعضاً کویلرک سنوی اعشار
ویرکولری بعض تجارلره صاتیلور او حالده هرکویک اعشاری
طیبی بوتجاره تسلیم ایدیلر . اکر بوماترملر کویلولردن فضله
آلیرلرسه کویلولر اونک حقهده منسوب اولدقلری حکومته
شکایت و اعشارلرینک حکومت معرفتیه آلملرینی طایه حققلری

وارد ر . باغله بوستانله دخى سنوى ويريان ويريدن باشقه
محصولارينه محسوب اولمق اوزره برويركى دها يازارلر كه بوكاده
رسم ويا تركجه دهه زير ، تمير اولنور . الك زياده ماترملر كويلولرى
بوراده الداتيرلر .

بعض سنه لدره بعض محلك احتياجى فضله اولديقتدن
ويركى يه بر مقدار مناسبك ضمى مجلس عموميه مناسب كويلور
ايشته بوكارسم منضم وياضم ويركى ديرلر . مثلاً معارف و تجهيزات
عسكريه ضم ويركيلرى كجي .

استهلاكات ويركولرى : على العموم ايچكيلر ، طوز ،
شكر ، قهوه . سائر دن آلمان ويركيلدر .

قيد و انسجيل ويركىسى : بر ملك صاتون آلدقده ويا خود
برورائت وقوعه كلديكند حكومه ويريان خرجدن عبارتدر .
پول : بعض كاغدلرك اوزرينه حكومت نامه اوله رق بر
داغنه باصيله رق موقع فروخته چيتاريلور كه بونلره پول دينور .
بوپوللر استدعالرده ، آليش و يرش مقاوله لرند ، على العموم
سندلرده ، مكتوبلرده و تجارت ايشلرند قوللانيلور . پول
استعمال ايدلمسى لازم كلن بر محله قوللانلرزه اوندن جزاى
تقدى آتير .

انحصار : بر شيدك اعمال و فروختى امتيازيناك بر شركت
ويا شخصه و يرلسيدر . اوشركت ويا شخص دخى بوكا مقابل
سنوى حكومه مقاولهسى وجبنهجه بر خيلى باره ويرر . اكثر

مملکتلرده کبریت ، باروت ، اویون کاغذلری ، پوست و تفراف بیله انحصار ایله اداره اولنور .

دخولیه ویا آیاق باصدی پاره سی : بر شهردن دیگر شهره کیدن اولور ایسه کیدیان شهرده دخولیه پاره سی آلیرلر . بوده اشخاص باشنه بوقاج غروشدن عبارتدر .

کمرک : اجنبی مملکتلرندن مملکتتمزه ادخال اولنان اشپادن آئنان پاره در . شیم دیلک بز یوزده اون بش قدر کمرک آلیورز کمرک آلمه نك فائده سی بك چوقدر . بر کره کمرک حکومته مهم بر واردات تشکیل ایدر . بوندن باشقه مملکتتمز داخاندکی تجارت ، صنایع و زراعتی اجنبی مملکتلرینه قارشی حمایه ایدر . اکر کمرک چوق آلیرسه باشقه مملکتلردن مملکتتمزه اشیا سو-قه مزلر . بوسایه ده مملکتتمز داخاند یابیلیمش شیلر سورولور ، رواج بولور ؛ بوسایه ده ترقی مملکت تأمین ایدیلیر و مملکتتمز داخاندن خارجه اخراجات دخی وقوعه کلیر . روسیه خارجدن کندی مملکتته کیرن اشپادن یوزده سکسان کمرک آلیر . داخلدن چیقانلردن ایسه طبعی هیچ آلمز . ایشته بوسایه ده روسیه ده کمرک یوزده سکسان آلمسنددر که روسیه نك تجارتی چوق ایلری کیتمشدر . او حالده بز نیچون کمرکی فضله آلیورز ؟ ایستدیکمز کبی کمرک آلق بزم المزده دکلدر . دیگر حکومتلره معاهده و مقاوله لرمن واردر . اکر بزده چالیشیر و ترقی ایدرده دیگر حکومتلره قارشی سوزمنی دکلته بیلیرسه ک اوزمان

کمر کی ده ایستدیکمز قدر آله بیلیرز . خلاصه مما یکتتمزک ترقی و تعالیسی ایچسون یکنانه بر چاره اولان ویرکویی اهالی وقت وزمانیله ومنتظماً ویرمایدیر .

خلاصه

۱ — قوۋمالیه نهیه دیرلر ؟

قوۋمالیه ملنک ثروت عمومیه سیله او ثروت عمومیه دن ویرکی نامیله حکومت ویریلن تکالیفک حصوله کتیردیکی ثروته قوۋمالیه دینیلور .

۲ — قوۋمالیه قاج قسمدر ؟

قوۋمالیه ایکی قسمدر [: بریسی ملنک دیکری دولنک قوۋمالیه سیدر .

۳ — ملنک قوۋمالیه سی نه در ؟

ملنک قوۋمالیه سی هر فردک بالذات کندی مالی اوله رق مالک اولدینی ثروتیدیر .

۴ — ملنک قوۋمالیه سی نه ایله تحت تأمیننه آلینیر ؟

ملنک قوۋمالیه سی معارف ، تجارت ، صنایع و زراعتله تحت تأمیننه آلینیر .

۵ — معارف نهیه دیرلر ؟

معارف او قویوب یازمق و برچوق کتابلر ، غزنه لر مطالعه ایدرک ، تنویر ذهن ایتک و بو صورته تربیه فکریه یی بحق اکتساب ایلکدر .

۶ — تجارت نهیه دیرلر ؟

تجارت مملکتتمز داخلنده بولنان برچوق اشیای اجنبی مملکتلرینه اخراج ایتک و اجنبی مملکتلرنده اولوبده مملکتتمزک احتیاج مس ایتدیکی شیلری دخی کندی مملکتتمزه جلب ایتکدر . فقط مملکتتمزک تأمین سعادت ایده بیلرسی ایچون دائماً اجنبی مملکتلرنده کی پاره یی مملکتتمزه جلب ایتکی اونوتمه مایدیر .

۷ — بر مملکتده مهم تجارتلر * یاپه بیلیمک ایچون شرکتلر تأسیس ایتملیدر .

۸ — شرکت نه یه دیرلر ؟
شرکت بر ویا بر قاچ کشینک کرک بدنآ کرک ثروتآ یاپه میه ججقلری بر ایشی بیکلرجه اشخاصک اتحاد واشتراکیله یاپیلمسینه ویاخود بر ایش خصوصنده ایکی ویا دهآ زیاده اشخاصک کرک بدنآ کرک فکرآ وکرک مالآ برلشمسینه شرکت دیکتور .

۹ — شرکتی کیم اداره ایدر ؟
شرکتی تأسیس ایدنلر ویاخود شرکته داخل اولاندن بر قسمی شرکت هیئت طرفندن انتخاب اولنه رقی شرکتی اداره ایدر .
۱۰ — تجارتده کوزهدیلجهک مهم نقطه نه لردر ؟

تجارتده کوزهدیلجهک الک مهم نقطه پاره یی بالذات ملتنن چکمیوب اجنبی مملکتلرندن چکمک و مملکتنن داخلنده هر درلو شرکترلری بالذات یایق ویا یغنه چالیشمقدر .

۱۱ — مشتریلرینی آلداتان واکا قارشى لازم کلن حرمتده قصور ایدن بر تاجر نه اولور ؟
مشتریلرینی آلداتان واکا قارشى لازم کلن حرمتده قصور ایدن بر تاجر پک چاق باتار .

۱۲ — تجارتده موفقیته نائل اوله بیلیمک ایچون نه یایق لازمدر ؟
تجارتده موفقیته نائل اوله بیلیمک ایچون هر کسک امنیت و توجهنی قزانمق دخی هر کسه حرمت ورعايتده بولتمق واک زیاده حيله و دسیسه جهته صاعیمیوب استقامت، حقانیت و عدالتدن اصلا و قطعاً ایرلامق اولور .
۱۳ — صنایع نه یه دیرلر ؟

مملکتک وعموم بشریتک احتیاج مبرمی اولان برچوق شیلری اعمال ایتمکدن عبارتدر .

۱۴ — صنایعده دقت ایدیلجهک نقطه نه در ؟
صنایعده دقت ایدیلجهک نقطه یاپیلن شیلرک ایچنه قطعاً حيله قائماقدرد .
۱۵ — زراعت نه یه دیرلر ؟

زراعت اکوب بیچمک ، باغ ، آفاج یشدیرمک ، حیوان تورہ تمک
کبی صرف طبیی شیلرله طبیعتدن استفاده ایتمکدر .

۱۶ — دولتک قوۂ مالیه سی نه دن عبارتدر ؟

دولتک قوۂ مالیه سی ملتک تأدیہ ابتدیکی ویرکیلردن عبارتدر .

۱۷ — ویرکی نه یه دیرلر ؟

احتیاج و منافع عمومی یه صرف ابدلک اوزره هر سنه اهلیدن هر
برینک حصه سنه اصابت ایذن بر مقدار مبلغدن عبارتدر .

۱۸ — ویرکی کیملک طرفندن تعیین اولنور ؟

ویرکی مجلس عمومی یعنی پارلمنتو طرفندن تعیین اولنور .

۱۹ — قاچ نوع ویرکو واردر ؟

ایکی نوع ویرکو واردر . بریسی بلا واسطه دیکری دخی بالواسطه ویرکودر .

۲۰ — بلا واسطه ویرکو نه یه دیرلر ؟

هر کسک ، مقابلنده حکومتدن هیچ برشی طلب ایتمکسزین ویرمکه
مجبور اولدینی مبلغدر که بوده املاک ، تمتع واعشار ویرکولردن عبارتدر .

۲۱ — بالواسطه ویرکو نه یه دیرلر ؟

بالواسطه ویرکو دوغروندن دوغرویه اهلیدن آلتیوب بر طاقم
امتیازات و یا تجارت مقابلنده بعضی شرکتلردن آلتیر . انحصار ، پول ،
کمرک و سائره کبی .

۲۲ — املاک ، تمتع واعشار ویرکیلری نه یه دیرلر ؟

اولردن آلتان املاک ، قزانچدن آلتان تمتع ، محصولاتدن آلتانه

اعشار ویرکوسی دینور .

۲۳ — پول نه یه دیرلر ؟

حکومت نامنه اوله رق اوزرلرینه برر دامغه اوریلوب موقع فروخته

چیقاریلن کاغدلره پول دینور .

۲۴ — کمرک نه یه دیرلر ؟

اجنبی مملکتلردن مملکت مزه ادخال اولنان اشیا دن آلتان پاره یه

کمرک دینور .



اون دردنجی بحث

قوة عسکریه

قوة عسکریه اک مقدس بر قوة ملیه در . عسکرلر حریت و وطنک حافظ و نکه بان حقیقیدیدر . عسکرلر ملتک اک کنج و دینج اولادلرندن عبارتدر . بونلر ، سنه لرحه تعلیم و وظائف عسکریه ده بولنه رقیتشیرلر . لزومندن فضله بر آتش طوقونجه بار . لیان بر باروت کبی ، در حال بوسکورورلر و دشمنی تپه لرلر . عسکرلر من یالکیز محاربه وقوعنده دشمنانه محاربه ایتک ایچون حاضر اولیبوب عین زمانده حریت و قانون اساسی بی دخی محافظه ایچون بوتون عسکرلر من یمین ایتش اولدقلرندن شاید کرک پادشاه و کرک حکومت کرک اهالی کرک باشقه بریسی طرفندن ملتک حقوقه بر تعرض وقوع بولورسه عسکرلر من اونلری تأدیه و وظیفه دار اولدقلری کبی حرکت و قانون اساسی بی مدافعه ایچونده حیاتلریخی ویره جکلردر . بو یمینده عسکرله برابر بوتون مائمزده داخلدر . عسکرلک ایکی صنفه آیریلیر : برینه قره عسکرلری ، دیکرینه ده دکنز عسکرلری دینور . قره عسکرلری حدود بویلرنده ، قشله لرده ، اردولرنده بولنور

دشمنله محاربه وقوعه كلديكي زمان قره محاربه سنى ياپارلر . بو
 عسكەرلر ك دخی پیاده سواری ، طویچی ، مزراقلی ، آوجی
 کبی برچوق نوعلری واردر . دکز عسکرلری ایسه کیلرده ،
 زرهایلرده ، بوغاز لیان و ایشلک ساحلرده بولنورلر . بونلر
 دخی علی العموم دکزلی ، ساحللی ، بوغازلی محافظه
 ایتدکاری کبی حین حاجتده محاربه وقوعه کلديكي زمان دکز
 محاربه سنى ياپارلر .

قره عسکرلری حربیه نظارتنه ، دکز عسکرلری ایسه
 بحریه نظارتنه تابعدر .

حربیہ نظارتی علی العموم اردولرله قره عسکرلرینه وامور
 عسکریه نظارت ایدر . بحریه نظارتی ایسه علی العموم حرب
 سفینه لریله بحریه عسکرلرینه ، بوغاز ساحلرک محافظه سینه باقار .
 قره عسکرلری یدی اردویه تقسیم اولمشدر .

عسکرلرک وظیفه سی وطنی ، ماتى اجنیلرک تعرض و تهاجمندن
 محافظه ایتک و حین حاجتده محاربه ایلکدر . عسکرلر وطنک
 اک اصیل ، اک نجیب اولادلیدر . عسکرلر ملتک قوللری ،
 قهادلیدر . عسکرلک بک مقدسدر ، چونکه عسکرلرک وظیفه لری
 بک مهم و بک مشکدر . کیجه لری بزراحت راحت او یورکن
 او آرسلان عسکرلر منی اللرنده تفکیکر ، سونکولر اولدینی
 حالده حدود بوینده نوبت بککرکن ، دشمنله بر محاربه وقوعه
 کلیرسه هبسی وطنک سلامتی ایچون حیاتلرندن واز کچرلر .

دشمن باشلىرىنىڭ ئاتىش ياغدۇرىدىغىنى خالدا يىنىدە اونلار ذرە قىدر قورقۇنۇلۇپ . اوشانلى ھىيتلى عسكىرلەر ، او ار اوغلى ارلر ووطنك تويى بىمىدك مېنى مېنى ياوورلرىنى ، بېلى بو كولىش اق صاچلى اختيارلرىنى ، پاك عفيف مىخدراتنى مىرھىتىز ، جاناوار دشمنك آياقلىرى آلاندىدە ازدير مەمك ايچون دشمنى وطنمىزە باصدير مىزلر . چوقچىلار اېى بېلىككە ۱۰ تىموز سنە ۳۲۴ دە وفى ۱۰ نىسان سنە ۳۲۵ تارىخلىرىدە قازاندىغىمىز حرىت و مىشروپىت اتخادىرقى جىمىتىك بېنىلە ، عسكىرلەر مىزك سونكولر بىلە ، ماتىمىزك اتخاد و مىقاومىلە آلاندىدە . اكر شو حقوققىزى اوسوكىلى عسكىر قارداشلىرىمىز بېلۇبدە مىدافىئە ايتىمىش اولسەلر ايدى ، او اسكىدىن اولدىغى كېى بىلىمىيەركىنىڭ مىستېدىلر ك طرفى اتزام ايتسەلرايدى ، بىز قىيامىتە قىدر حرىتىمىزە ئائىل اولەمازدىق . ايشىتە عسكىرلەر مىز قىيىنچىلىرىنى سونكولر بىلە ، تىقنىكلرىنى ھىر زمان دشمنى قارشى دىكل بىعضادە مىملىكت داخاندە توردىن سىدىنىشى دشمنلەرە قارشى جويىرلر . الحاصل بابالرىنىڭ ، اولادلىرىنىڭ ، ھىمىيەلر بىلەنك حقوققى كېمىسەيە قاپدىر مىزلر اونلرى آياق آلاندىدە ازدير مىزلر . بونلر نە قىدر شايان تىقدىس آدملىردىر . يشاسون سوكىلى عسكىر قارداشلىرىمىز .

اردو . — مىخابىرە زىماندىدە عسكىرلىرى بىردىنبىرە جىمىت كى و ھال مىلھىدە ادارەلرىنى تىسبىل ايلەمك ايچون قواى عسكىرىيە بىر طاسام بو يوك شىبەلەرە آيرىلۇر كە بونلەرە اردو دىنىسور . بىزم

عموم قواي عسكريه مز يدي اردويه تقسيم اولنمشدر . اولنردۀ:
 (۱) استانبول (۲) ادرنه (۳) مناستر (۴) ارضروم
 (۵) شام (۶) بغداد (۷) يندر . بو اردولرك هپسى بر
 مشير طرفندن اداره اولنور بو اردولرك مرجعي حربيه نظارتيدر .
 هانكي طرفده بر اغتشاش ظهوره كليرسه او طرفده كي اردولره
 امر ويريلور در حال عسكر سلاح آلتنه آليانجه يه قدر اولجه
 سلاح آلتنده بولنان احتياط طابورلري سوق ايديلير و آرقلر-
 نندن ده طوبلانان عسكرلر كوندريلير . اكر براردو داخلنده كي
 عسكرلر بو وقوعاتك اوكني آله مازلر ايسه او زمان ديكر
 اردولردن ده عسكر كوندريلير ايسته بو اردولر سايه سنده هم
 سوقيات عسكريه قولايلاشير هم ده وطنك هر طرفنده جسيم برر
 قوت هر زمان موجود بولنديريلور .

مدت عسكريه . — قانونك استننا ايتديكي بعض كي مسهلردن
 ماعدا ۲۰ ياشندن ۴۰ ياشنه قدر هر كس عسكر اولمغه مجبوردر .
 فقط بونك هپسى سلاح آلتدن كچمز . بو اوچ درت درلو
 خدمتله مكلف بولنور . برنجي دوره يه قرعه ، ايكنجى يه احتياط ،
 اوچنجى يه رديف ، دردنجى يه ده مستحفظ تمير اولنور .
 قرعه نفرى : — يكرمى ياشنه كلن بر كي مسه عسكره آتير اوچ
 سنه مدتله هر هانكي طرفه كوندريليرسه اوراده خدمت عسكريه سنى
 ايفا ايدر . مدت بيتنجه اوده مملكتنه عودت ايدر .
 احتياط : — احتياط مدتي آلتى سنه در . فقط هر زمان

سلاح آتنده كچميوپ لزومنده طوبلانير .

ردیف . — طقوز سنده ردیفلك وظیفه می وارد . فقط بو مدت ظرفنده بوتون وقتی قشله ده كچیر میوب كنده ایشیه مشغول اولور . اكر محاربه اولور و یاساخر خصو صاتده عسکره لزوم كوریلورسه بو طقوز سنده هنوز بتمه مش اولورسه اوزمان ردیفلكر طوبلانير دیمككه بور ديفلك حال استراحتده كچيور اكر لزوم كوریلورسه كیدیايور .

مستخفظ . — ردیفلكدن صوكره ایکی سنده مستخفظلك كلیر . بوده حال استراحتده كچر . اكر بر محاربه اولورده ردیفلكر طوبلانیدنی حالد ینه عسکره لزوم كوریلورسه اوزمان مستخفظلرده طوبلانير . فقط بومنه فلر نادر اوله رق طوبلانير . مكاتب عالیه طابهلریله امتحان ویره بیان بیوك مدرسلر عسکرلكدن معافدر . چونكه اونلرده وطنه آیریجه برخدمت ایدیورلر .

شمعی بر آزده آوروپانك عسکرلکی حقنده کی مسلكنی كوزدن كچیرلم . بو كیدیشه آوروپاده بین الدول برصاح عمومی عقده ای امکانك خارجنده در . چونكه بو كون تكمیل اوروپا دولتلری سلاح آتنده اوقدر عسکر بولندیر یورلر كه بونلرك مجموعی آتی ملیونی تجاوز ایدیور . بوايه آوروپاده حكومتلر آره سنده امنیتك اولمديفنی كوسترر . آوروپاده اك چوق عسکر چیقاران وعسکرلكجه اك زیاده ایلری كیدن آلمانیا ،

فرانسه و روسيه در . اولردن سوكره بز كليرز . آلمانيا نك (۵۶) ميايون نفوسى اولوب صالح حائنده آلتى يوز بيك ، محاربه حائنده ايسه (۳) ميايون عسكر سلاح آلتنده بولنده . برينور . فرانسه نك ايسه (۴۰) ميايون قدر نفوسى اولوب صالح و محاربه حائنده همان آلمانيايه معادل عسكر چيقاره بيلور . فرانسه ۵۹ كشيده بر ؛ آلمانيا ايسه ۸۹ كشيده بر عسكر آليور . فقط فرانسز عسكر لر ينك چوغى بياغى خسته لقدن تلف اوليور . آلمانلر ايسه آنچق قوى البنيه و هر درلور امراضدن آزاده كيمسه لرى عسكره آلدقلى ايجون او قدر خسته لقدن تلفات و ير ميورلر . روسيه يه كانجه مجموع سكه نه سى (۱۳۰) ميلون اولوب حال صلحده بر ميايون حال حربده ايسه درت بچق ميايون عسكر چيقاره بيلور .

ژاپونيا دخى حال صلح و حال حربده آوروپا دولتلىرينه معادل عسكر چيقارمقده ايسه ده آمريقاليلر اك آز عسكر چيقارمقده درلر .

انكلنز عسكرى معاشلى اولوب معاشلى دخى بك فضلده در و بو معاش كيتدكجه آرتار و مجموع عسكرى حال صلحده (۱۲۰) بيك قدر در برانكلنز نفرى - نه ده (۱۵۰) ليرايه ، بر فرانسز ويا بر آلمان نفرى ايسه همان بونك نصفه و نصفندن ده آز بر پاره يه مال اولور .

اسويچره حكومتى حال صلحده همان هيچ عسكر بسله من

اون بيكه قريب ضابطانندن باشقه عسكرى يوق كيدر .
خلاصه أوروبا حكومتلرينك همان كافه سنده عسكرك
مجبورى اولوب وقت صاحده بيله يك چوق عسكر سلاح
آلتنده بولنديرلر و بوسورتله آوروپانك تكميل وارداتنك
يوزده ۲۵ دن ۴۰ قدريني اونلره صرف ايدرلر .

خلاصه

- ۱ — قوة عسكرية نه يه ديرلر ؟
قوة عسكرية داخلي وخارجي بالجمله دشمنلري تأديب ايلين واونلرك
تعرض و تجاوزلرينه مانع اولان بر قوتدر .
- ۲ — عسكركلرمن هانكي وظيفه لرله مكلفدر ؟
عسكركلرمن هم وطني و همده قانون اساسي ي محافظه ايتمكله مكلفدر .
- ۳ — قاچ نوع عسكركلر وارددر ؟
ايكي نوع عسكركلر وارددر . برپي قره ديكرى دكز عسكريددر .
- ۴ — قره عسكركلرى نه ياپارلر ؟
قره عسكركلرى حدودلرده بكلر ، قشله لرده تعليم ايدر محاربه وقوعه
كلديكنده قره ده محاربه سنى ياپار .
- ۵ — دكز عسكركلرى نه ياپار ؟
دكز عسكركلرى زرهلى تعبير اولنان بيوك كيلرده بولنور ساحللىرى
محافظه ايتمكله برابر دكز محاربه سنى ياپار .
- ۶ — اردو نه يه ديرلر ؟
اداره عسكريه يي تسهيل ايچون عموم قواى عسكريه نك تقسيم
اولديني بيوك شعبه لرله اردو دينور .
- ۷ — قاچ اردو من وارددر ؟
يكي اردو من وارددر . اونلرده صره سيله استانبول ، ادرنه ،
مناستر ، ارضروم ، شام ، بغداد ويئندر .

۸ — مدت عسکریه قاچ سنه در ؟

مدت عسکریه یکرمی سنه اولوب دوت صنف اوزرینه تفسیم اولمشدور . برنجیسنه قرعه ، ایکنجیسنه احتیاط ، اوچنجیسنه ردیف دردنجیسنه مستحفظ دینیر .

۹ — تکمیل آوروپا حکومتاری وقت صلحده نه قدر عسکر بلیورلر ؟

تکمیل آوروپا حکومتاری وقت صلحده آلتی میلیوندن فضله عسکر بلیورلر ؟ .

۱۰ — آلمانیا ، فرانسه ، روسیه وقت صلح وحریده نه قدر عسکر چیقاره ییلور .

آلمانیا وقت صلحده (۶۰۰) بیک وقت حریده (۳) میلیون فرانسهده طبق بونک کبی روسیه ایسه صلحده بر میلیون حریده ایسه دوت ییحق میلیون عسکر چیقارور انکلیر عسکرلری معاشلی اولوب مجموعی حال صلحده (۱۲۰) بیکه بالغ اولور وهر نفر سنوی حکومته (۱۵۰) لبرایه مال اولور .

۱۱ — آوروپا حکومتاری بوبسلدکلی عسکرلره وارداتلرینک یوزده قاچنی صرف ایدیورلر ؟

آوروپا حکومتاری بوبسلدکلی عسکرلره سنوی وارداتلرینک یوزده ۲۵ : ۴۰ قدرینی صرف ایدیورلر . نه قدر فضولی بر مصرف ! ملکتنک اعمارینه ، معارفک ترقیسنه ، سفیللرک تأمین معیشتلرینه صرف ایدلسه !! ...





اون بشنجی بحث

قوة انضباطیه

قوة انضباطیه انتظام و آسایش داخلی محافظه ایدن بر
قوتدر . انتظام و آسایش داخلی یوانده اولمزه، هیچ برایش
کوریه مز . جوار دشمنلر نه قدر تجاوز ایدرلر سه ایتسونلر
بردواتی اوقدر زبون دوشورده مزلر، فقط اک اوفق براغتاشاش
داخلی وطنی یک چوق تهلسکله القا ایدر . بردولتک انتظام
و آسایشی یوانده اولدقجه جوار دشمنلره مقابله ایدیلر ، فقط
داخلی بوزوق ومختل اولدقجه هیچ بر زمان دوغرو حرکت
ایده مز . انتظام و آسایش داخلی تأمین ایده جک بولیسلرله
ژاندارمه یعنی ضبطیه لر در . بر بولیسک بر ضبطیه نك وظیفه سی یک
بیوک وبک ناز کدر . بونلرک وظیفه سی یالکمز النده تفنک ویا
قلیجله نوبت بکلمه کدن عبارت دکلددر . صر مسنه کوره بر جانی بی
بولوب چیقار مق ، بر سارقی بیك درلو قور نازلقله یاقالامق ،
بر حقلی بی بر حقسزدن تفریق ایتک هب بونلرک وظیفه سیدر .
کرک بولیسلر و کرک ژاندارمه لر امنیت عمومیه مدیر لکنه
مربوط اوله رقی اداره اولنورلر .

پوليسلر من ، ژاندارمه لر من حقوق و وظيفه شناس نزاكت مجسمه برر شخص اولمايدرلر . اك بيوك دعوالر زور ايله دكل اييلكله كوريلور . متواضع ، تربيه لى ، خاطر شناس كيمسه لر هر كس طرفندن سويابر . كرچه عمومك اطاعتى شخصه دكل قانونه ايسه ده شخصك ده هيچ اهميتى يوق دكلدر . بر طاقم برباد ، رزيل كيمسه لر واردركه هيچ يوق يره هر كسى قانونه قارشى عصيانه سبيت و يرديرلر . خلاصه اداره عموميه ده شخصك بيوك همده بك بيوك دخلى واردر . قوانينك ماكنه كجى اجرا و تطبيق ايدلمسندن هيچ برنتيجه چيقماز . اوليرركه انتظام عمومى محافظه ايدلمكله برابر مطلوب اولان ترقى و حریت عمرميه ممكن اولسون .

خلاصه

- ۱ — قوه انضباطيه نه يه ديرلر؟
- قوه انضباطيه انتظام و آسائش داخلى ي محافظه ايدن ر قوتدر .
- ۲ — قوه انضباطيه ي تامين ايدن كيملردر ؟
- قوه انضباطيه ي پوليس و ژاندارمه لر تامين ايدر .
- ۳ — پوليس ايله ژاندارمه لر ناصل اولمليدر ؟
- پوليس ايله ژاندارمه لر حقوق و وظيفه شناس ، نازك ، تربيه لى و جدى اولمليدرلر .
- ۴ — قوه انضباطيه هانكي نظارت طرفندن اداره اولنور ؟
- قوه انضباطيه ضبطيه نظارتى طرفندن اداره اولنور .
- ۵ — بيجون آبرى آبرى پوليس و ژاندارمه يه لزوم كورلمشدر ؟

چونكه پوليسلر اهالى يى قاتون نامنه اطاعته دعوت ايدرلر، اطاعت
 ايتديكى تقديرده قوة جبريه به لزوم كوريلير. حالبوكه پوليسلر اكثريا
 بوقوة جبريه به موفق اوله مازلر ، اوزمان بووظيفه يى ضبطيه لره ترك
 ايدرلر . ضبطيه لر ايسه مسلح برر عسكر اولدقلرندن حقيله بوقوة
 جبريه تشكيل ايدرلر .





اون آلتنجی بحث

قوة عدليه

قوة عدليه : قانونه اطاعت ايتمنلری و هر کسک حقوقيه تجاوز اياينلری قانوناً تأديب و مجازات ايدن ، وراثت و سائر خصوصاتی دخی تدقيق ايلين بر قوتدر . بودخی عدليه نظارتی ناميله بر نظارت طرفدن اداره اوانور . عدليه اموری برطاقم محکمه لر واسطه سيله کوريلور . بو محکمه لرده قوانين موجوده و موضوعيه کوره اکثریت آرا ايله ويريلن قراره « حکم » تعبير اولنور . هر کس محکمه نك ویرديکی بو حکمه اطاعت ایتمه مجبوردر .

بر کیمسه نك محکمه يه مراجعت ایده بيلمسی ایچون یکر می بریاشنده اولمسی ، دول قادینلر دخی عین شرائطه تابع اولوب یالکیز زوجلری اولانلرک زوجلرندن دخی مساعده آلمسی شرطدر . بوندن باشقه بر کیمسه حبس جزاسنه ویا علی العاده بر جزایه مستحق اوله بيلمک ایچون ۱۶ یاشنی کچمش اولمایدیر . بوسنده ویا بوندن دون برسنده بولان اولورسه یا مکتب حبسه یا نه نه ویا پدرینک خانه نه کوندیرلیر .

محکمہ

على العموم محکمہ بش صنف اوزرینه ترتیب اولمشدر.

۱ — صلح محکمہ سی (ناحیه لرده)

۲ — بدایت محکمہ سی (سنجاق وقضالرده)

۳ — استیناف محکمہ سی (ولایتلرده)

۴ — جنایت محکمہ سی (ولایتلرده)

۵ — تمیز محکمہ سی (پای تختده)

۶ — تجارت محکمہ سی (هرطرفده)

۷ — عسکری محکمہ سی (هرطرفده)

صاح محکمہ سی . — حکم و نفوذی بر ناحیه داخلنده
بولنان بالجمله کویلره شامل اولق اوزره هر ناحیه مرکزنده
بولنور بر محکمہ در . بو محکمہ صاح حاکی نامیه معروف
اولان و حکومت طرفندن تعیین اولنان معاشلی بر مأمور ایله
لزومی قدر فخری اعضای محایه دن عبارتدر . صلح حاکمک
وظیفه سی اهلینک ، کویلورک اوافق قهک دعوالرینی بربرینه
تربیه ایدرجه سنه رؤیت ایتمک و مهم دعوالری دخی مرکز
قضا ویا مرکز لوايه کوندرمکدر .

بدایت محکمہ سی . — هر سنجاق مرکزنده بولنور .
رؤیت اولنه حق دعوالرک نوعنه کوره ایکی اوج شعبه یه آیریلیر.
آله حق ویره جک کبی برطاقم معاملات حقوقیه یی رؤیت ایتمک
اوزره . بدایت حقوق محکمہ سی ویا ساده جه حقوق محکمہ سی ،

ضرب ، جرح ، قتل کبی بر جزایی استلزام ایدن دعوالری
 کورمک اوزره . بدایت جزا محکمه سی ، ویا ساده جه « جزا
 محکمه سی ، وراثت ، میراث کبی بر طاقم عائله ایشلرینک
 قارارلشد بر مق اوزره « بدایت شرعیه محکمه سی ، ویا ساده جه
 « محکمه شرعیه ، نامیله بر طاقم شعبه لر بولنور . بو شعبه لرک
 هر بررلری برر رئیس ایله ایکیدن درت ویا آلتی اعضادن
 عبارت اولوب عمومی دخی یالکیز بر حاکم ریاست و نظارتی
 آلتده بولنور . اصل هپسنه نظارت ایدن حاکم اکثریتله
 حقوق محکمه سننده کی دعوالری رؤیت ایدر و لزومنده دیگر
 شعبه لری دخی تفتیش ایدر . بو بدایت محکمه لرینه عائد اولوق
 اوزره برمدعی عمومی معاونی ، بر مستنطق ، بر اجرا ماموری
 و لزومی قدر کاتب لر بولنور . بدایت محکمه سنک تکمیل اعضالری
 معاشلیدر . بدایت محکمه لرینک وظیفه سی سنجاق داخلنده کی
 و سنجاقه مربوط اولان قضالرده کی بالجله عدلله ایشلرینی رؤیت
 ایتک . بر موجب قانون حکم ویرمک ، جنایت ، استیناف
 و تمییزه عائد اولانلری دخی معاملات لازمه سی ایفا ایتدکدن صکره
 مرجع لرینه کوندر مکدر . جزا محکمه لری ۷۵ غروشدن یوقاری
 جزای تقدیدن اعتبار آیش کوندن بش سنه یه قدر حبس جزا سنه
 حکم ویرر . بوندن ایلری بر جزایه حکم ویرمک لازم کلیرسه
 جزائی رؤیت ایدوب او حکمک ویرلمسنی محکمه جنایتسه
 کوندرر .

بودايت محكمه لرینك قضايله مخصوص اولمق اوزره اوافق
بر شعبه سی واردركی سنجاقلرده کی کبی ایکی ویا اوج شـمـبه دن
عبارت اولموب دعوالرك هپسنى كورمك اوزره يالکیز بر شعبه دن
عبارتدر . بوده يالکیز بر حاکمک ریاستی آلتنده انعقاد ایدر .
بو محكمه لر اوج آیدن اوج سـنـه یه قدر حبس جزا سـنـه محكوم
اولان دعوالره حکم ویروب بوندن یوقاری دـعـوالری ایسـه
مرکز لواده کی بدايت محكمه لرینه ارسال ایدر .

جنایت محكمه سی . — هر ولایتده برر جنایت محكمه سی
بولنوب او ولایتك دائره سی داخانده وقوعه کلن بالجمله جنایت
ایشلرینی رؤیت و محاکمه ایدر . جنایت ، مدهش جرح و ضربله
برابر سرقت کبی بش سـنـه دن اون بش سـنـه یه قدر حبس ایله
اعدام جزاسی موجب اولان دـعـوالر هپ محكمه جنایتده
کوریلور . محكمه جنایت رئیس ایله اون ایکی اعضادن مرکبدر .
استیناف محكمه سی . — علی الاموم بدايت محكمه لرینك ایشلرینی
تدقیق ایدر . بدايت محكمه لرینك ویردکاری حکم مدعیلر
طرفدن نقض اولنه رق محكمه استینافه کوندرلمك اوزره باستدعا
بدايت محكمه لرینه بیلدیرایر .

بدايت محكمه لری دخی مدعینك طای اوزرینه اوراق استیظا
قیه سنی کاملأ محكمه استینافه کوندورلر . محكمه استیناف دخی
بعدالتدقیق یا حکمی تصدیق و یا خود یکیدن محاکمه اولملری
ایچون حکم مذکورى نقض ایدرك محكمه اصایه سـنـه ارسال ایدر .

استیناف محکمه لری بر قاج شعبه یه تقسیم اولنور . هپسنگ
باشنده بر رئیس بوانور . بوندن باشقه مذکور محکمه یه عائد اولوق
اوزره بر باش مدعی عمومی بونلور که بدایت محکمه لرنده کی
مدعی عمومی معاونی بونک معاونی مقامنده در . استیناف
محکمه لری دائره صلاحیت لری داخلنده بولنان عدلیه ایشلرندن
ایستر حقوقه ، ایسترجزایه عائد اواسون استیناف اولنان بالجله
دعاوی بی رؤیت ایدر . استیناف محکمه لرنده برده باش آووقات
بولنور که اوده مدعی عمومی کبی متهملر اوزرینه بر نظارت
عمومیه اجرا ایدر .

محکمه تمیز . — یالکیز بر محکمه دن عبارت اولوب
پای تختنده یعنی استانبولده بوانور . دائره صلاحیتی عموم ممالک
عثمانیه شاملدر . بوده محکمه استیناف کبی بر طاقم شعبه لره
تقسیم اولنمشدر . وهپسی ینه عمومی بر رئیسک تحت ریاستنده
بوانور . بونده دخی بر باش مدعی عمومی ایله بر باش آووقات
ولزومی قدر اعضا بوانور .

محکمه تمیز ، محکمه استینافک حکم حقوقیدی ایله محکمه
جنایتک حکم جنایتی تدقیق ایدر . بونلر نتیجه محاکمه لرنده
اولکی محکمه لریک حکملرینک قانونه موافق اولوب اولمدیغی
ومغایر قانون اوفاق بر حال کوریلورسه در حال حکمی نقض ایدر .
وب یکیدن محاکمهی امر ویا باشقه بر حکم وقرار ویرر . عین
زمانده مدعیلر محکمه استینافک قرارینی دخی نقض ایدر که تمیز

ايدرلر كه محكمه تميز بوكي دعوالرى ده تدقيق ايدر .
محكمه تجارت . — محكمه تجارت عموم تاجرلر طرفندن
انتخاب اولنان لك قدملى واك تجربه ديده اسكى تاجرلردن تشكىل
ايدر بونلر بلا اجرت اجراى وظيفه ايدرلر . اكثري تجارت
دعوالرينى بونلر فصل ايدرلر . هرشهرده بر محكمه تجارت
بولنه بيلور .

محكمه عسكريه . — عموم عساكلر دعوالرى دخى
« ارکان حرب » نامى ويريان وبتون اعضا و رئيسى ضابطاندن
عبارت بولنان برطاقم محكمه اوده كوريلور . اكر بومدعيلردن
بريسى ملكيهيه منسوب اولورسه او دعوى ديكر بر محكمه
عدليه ده كوريلور .

خلاصه

۱ — قوة عدليه نهيه ديرلر ؟
قانونه اطاعت ايتينلرى وعمومك حقوقنه تجاوز ايلينلرى تأديب
ايدن بر قوتدر .

۲ — قوة عدليه كيملرله اجرا اولنور ؟
قوة عدليه محكمه لرله اجرا اولنور .

۳ — قاچ درلو محكمه واردر ؟
يدى درلو محكمه واردر . اولنورده : صلح ، بدایت ، استيناف ،
جنایت ، تميز ، تجارت وعسكرى محكمه لرندن عبارتدر .

۴ — صلح محكمه سى نهيه ديرلر ؟
حكم ونفوذى بر ناحيه داخلنده بولنان بالجله كوبلره شامل اولوق
اوزره هر ناحيه مركزنده بولنان و صلح حاكمى ناميله معروف بر امور
مخصوص طرفندن اداره اولنان بر محكمه در .

۵ — صلح محكمه سنك ، وظيفه سی نه در ؟

صلح محكمه سنك وظيفه سی کويلولری بربريله بارشديرمق ، اوفاق تفك شيلردن دولاي اولنرك اړه سنده کی برودتی ازاله ایتک وعین زمانده مهم وقوعاتی مرکزہ بیلدیرمکدر .

۶ — بدايت محكمه سی نه به دیرلر ؟

بدايت محكمه سی هر سنجاق مرکزنده بولنور ، کوريله جك دعوانك لزومنه كوره بر قاچ شعبه به آبريلير ، هر شعبه برر رئيس ايله اداره اولندينی كې عمومى ده حقوق شعبه سنك رئيس اولان حاكك تحت نظارتی آلتنده بولنور ؛ بو محكمه لره عائد اولقی اوزره برر مدعی عمومی معاونيله ، برر مستنطق و برر اجرا مأمورلری دخی بولنور .

۷ — بدايت محكمه لرينك وظيفه لری نه در ؟

بدايت محكمه لری ۷۵ غروش جزای نقدیدن بش سنه حبسلكه قدر بالجله دعوالری كوروب حكم دخی و برر فقط بوندن فضله بر جزای موجب اوله جق دعوالر اولورسه اولنلری اوراق استنطاقيله برابر مرکز ولایت جنایت محكمه لرينه ارسال ایدر .

۸ — بدايت محكمه سنك منقسم اولدينی شعبه لر هانكيلریدر ؟

بدايت محكمه لرينك منقسم اولدينی شعبه لر : محكمه حقوق ، محكمه جزا ، محكمه شرعيه دن عبارتدر .

۹ — محكمه حقوق نه كې دعوالری رؤیت ایدر ؟

محكمه حقوق ، حقوقه عائد یعنی آلیش ویریش كې معاملات ، بورجلينك بورجنی انكار ایتسی وسائر بوكې شیلری تدقیق و محاکمه ایدر .

۱۰ — محكمه جزا نه كې دعوالری رؤیت ایدر ؟

محكمه جزا دخی بش سنه حبسلكه قدر اولان بالجله جزای موجب دعوالری رؤیت ایدر . ضرب ، جرح ، قتل كې .

۱۱ — محكمه شرعيه نه كې دعوالری محاکمه ایدر ؟

محكمه شرعيه دخی وراثت ، میراث كې بر طاقم عائله ایشلرینی محاکمه و تدقیق ایدر .

۱۲ — محكمه جنایت نهيه ديرلر ؟

هر ولايت داخلنده برر محكمه جنایت موجود او اوب او محكمه لر مذکور ولايتك شامل اولدینی بوتون مملكتلرده وقوعه كلن جنایت ایشلرینی یعنی بش سنه دن اون بش سنه حبس ایله اعدام جزاسنه وارنجهیه قدر مدهش دعوالری رؤیت ایدر .

۱۳ — محكمه استیناف نهيه ديرلر ؟

محكمه استیناف دخی هر ولايت مرکزنده برر دانه بولوب او ولايت داخلنده کی بالجله بدایت محكمه لرینك ایشلرینی تدقیق ونقضی طلب اولنان دعوالری رؤیت ایدر .

۱۴ — محكمه تمیز نهيه ديرلر ؟

یالكزبر محكمه دن عبارت اولوب اوده استان بولده بولور و تکمیل ممالك عثمانیه داخلنده کی جنایت واستیناف محكمه لرینك ایشلرینی تدقیق ایدر .

۱۵ — محكمه تجارت نهيه ديرلر ؟

محكمه تجارت عموم تجارتلر طرفندن منتخب فخری تجارتلر طرفندن اداره اولور . امور تجاریه بی قوانین تجاریه به توفیقاً اجرا و ایفا ایدرلر .

۱۶ — محكمه عسکریه ، نهيه ديرلر ؟

محكمه عسکریه ، عسکرلرک دعوالرینی کورن بر محكمه اولوب بوده اعضا ورئیسلی هر ضابطان دن عبارت اولان و دعوالری دخی قوانین عسکریه موجبنه حل وفصل ایدن بر هیئتدرکه بوکاده ارکان حرب هیئتی « دینور . ارکان حرب هیئتی هر طرفیده بولور . کی میسندہ اعضالری کوچک رتبه ده وآز کی میسندہ ایسه اعضالری بیوک رتبه ده وجوق اولور . بولر آیریمه معاش آلزلر ضابطلک معاشلری نه ایسه اونکله اداره ایدرلر وعین زمانده کندی وظیفه . لرندن ده کبری قالمازلر لزومنده اجتماع ایدرک دعوائی فصل ایدرلر .





اون یدنجی بحث

قوة علمیه - معارف

قوة علمیه بر ملتک روحیدر . بر ملتک هم کندی سعادت
تأمین ایتمی وهمده دیگر ملتله تفوق ایله بیلمسی ایچون
تحصیل واکتسابنه مجبور اولدینی بر قوت وار ایسه اوده قوه
علمیه یعنی معارفدر .

معارف حقنده نه قدر سوز سویلنسه . نه درجه ستایشده
بولنسه ینه آذر . اسکی زمانلرده ملتله میدانه برر پهلوان
چقاره رق محاربه ایدر لر ایدی . هر ملتده بولنان بر قاچ پهلوان
محاربه نی قزانمقله عموم ملتله شرف و حیثیت بخش ایدر ایدی .
صوکره لری آلات حرب چوغالیدی . انسانلر بر برینی ده
قولای ودها مدھش بر صورتده تلف ایتک واسطه لری بولایلر .
شیمدی هرایکی ملت کتله کتله قارشیلانوب بر برینه آتشلرله
سونکولرله . قایجلرله هجوم ایدیور و بر برینی خاک ایله یکسان
ایایور لر ! فقط بوکا مقابل افکار و ذکای بشرده ایجه تکمیل
وتعالی ایتدی . انسانلر آرمهنده علوم و معارف اولدقجه انتشار
ایلدی . خلاصه انسانلر عمومیت اعتباریله آز چوق تکمیل
ایلدیلر . هر طرفده محاربه علمهنده فکر لر اویانمقه باشلادی .

آرتق ملتیر ، قوملر بربرلریله نه پهلوان ایله ، نه ده آلات حرب ایله محاربه ایدم جکلر ! آرتق مادی تکمللره ، تفوقلره رغبت قالمدی . چونکه نتیجه سز ، بی فائده اولدینی تبیین ایتدی . آرتق ایدن اینی به آکلاشلدی که انسان آنجق تکملات فکریه سی نسبتده ، معلومات علمیه سی درجه -نده انساندر . ایشته بوندن بویله ده ملتیر بربرلریله قلیجه دکل قلمله ، وجودله دکل فکر ایله ، باروتله دکل علم ایله محاربه ایدم جکلر . وبوایسه نتیجه اعتباریله بربرلرینی محو وها ایدم جک شیلردن عبارت اولیوب بالعکس انسانیتک برقات دها تکمانه وهرایکی طرفکده مطلقاً منفعت عمومیه نه بادی اوله جقدر . آوروپا اقوامنک لسانلرنده « علمک وطنی یوقدر ، دیرلر .

ذاتاً بزم شریعتمز موجبجه بز هیج برزمان دشمن بزی مجبور ایتدکجه سلاحه صارلمایز . فقط دشمن بزی مجبور ایتدکدن سوکره برکرده سلاحه صاریلیرسه حق مدافعه حقو-قز ایچون عالمی ترمه دیرز . فقط بو طوپراقلر اوزرنده یالکیز سونکو ، طوب ، تفنک قوتیله مدافعه حقوق کافی اولیوب علم ، تجارت ، صنایع وزراعت قوتیله ده مدافعه حقوق ایتلیز یالکیز سلاح پاره ایتمز . زیرا دشمنلر من کندی حقوق وحیثیتلرینی یالکیز سلاحله دکل علم ومعرفتله ده محافظه ایدیورلر . اوقوه مادیه لرینه لاینفه برده قوه معنویه ویا فکریه ده علاوه ایدیورلر . اوت برملتک فمایاب اولیه جق وابدیاً اونودلیه جق رخصاتی

وار ايسه اوده كندى معارفيدر . بوكون يونانستان برقرالقدر . فقط بوقرالانى كندى سعييله دكل آوروپا حكومتلرينك معاوتيله آلدى . چونكه يونانستانده ميلاد عيسادن اول وصوكره بر جوق حكيملر ، عالملر فيلوسوفلر يتيشدى ، اونلر بك جوق آتار ترك ايتدى . هر نه قدر زمان بو آتارك بك جوقلريني محو ايتمش ايسه ده ينه بر مقداريني اسلافه براقدى . الجا ات زمان ايله اونلر اولدى كيتدى . لكن ديللرده داستان اولان ناملرى ، شهرتلى ، علم ومعرفتلى نسيم ماضى ايله حاله ، استقباله انتقال ايتدى . بناء عليه اسكى يونانيار ماده بزده بيله قابليه جق درجه ده اولدى ، فقط معنا ، علماً ، فكرياً بر ذره بيله غيب ايتمه مش كبي يشايوردى . ايسته اونلر بك بشريته اولان شو خدمتلى اونلر ك نامى ، صرف اونلر ك نام مقدسلىريني ابقا ايجون يونانستان حكومتى تشكيل وتاسيسه عالم انسانيت قرار ويردى . وبوقرار اوزرينه اجداد مزك قانلريه ، جانلريه قزانديغمز او يرلرى ، او مقدس وطنمزك جزء اريني بزم المزدن آلوب يونانستان قرالانى تشكيل ايتديلر . بوكا بز بر حقسنز لقدر ديه ميز . چونكه بز بو حالاره مستحق اولدق . چونكه بز يالكز سلاحمزدن باشقه هيچ بر شينه كوونمبور هيچ برشى طانييوردق . فقط مع التأسف او سلا حمزى دنخى عموم وطنك سعادت و سلامتى ايجون استعمال ايتسهك دهانه ايستر ايدك . بر قاچ ظالم مستبدك قوردقلى

اسرار استبدادی کشف ایدمیه رک ظاهرده وطنم رک سلامتی
 حالو که حقیقتده اونک محو وانقراضی موجب اوله جق بر قاج
 مستبدک منفعت ذاتیه سی تأمین ایچون قوللانییه ردق . بناء علیه
 بز سوقراطلرک ، ایسوقراطلرک آریسطوتلرک مسکنه لرینه خاف
 اوله میوردق : بزه عموم آوروپالیر باربار دیورلر ایدی . بزم
 کبی باربارلرک آوروپا کبی و معرفتک ضیا صاحبدینی بر اقلیمده
 اوطورمنه هیچ بر زمان راضی اوله میورلر ایدی . هپسی ال
 برالکیله بزی مذشامن اولان آسیایه قدر آتمغه چالیشمیورلر
 ایدی . ایشته بونک ایچون اوتوز اوتوز بشمنه اول وطنمزی
 بر جوق بیوک پارچه لره آیردیلر . و بونلری بزم کبی ایافتدیلر
 ویردیلر . بوکاده قانع اولمادیلر بزم بوتون بوتون آوروپادن
 چیقمه من ایچون بلان قوردیلر . بویلاک قومدن فعله چیقمه .
 سنه آنجق بر ایکی هفته لق بر زمان قالمش ایکن حقیقت حاله
 واقف اولان اتحاد و ترقی جمعیتی آرتق ده ا زیاده بکله مکده
 محل قالمدیغنی حس ایدرک فیکرینی میدانه قویدی ، حقیقت
 حالی عسکرلرمنه آکلادتدی . اوزارده بر حدت دشمنه چوریان
 ساحلرینی وطنده کی دشمنه چویردیلر ، بوسایه ده شو انقلاب
 مسعودده میدانه کادی تاریخده بیله امثالی کورلین بویله برانقلاب
 بتون آوروپالیرلرک نظردقتی جلب ایتدی . هرکس بزی یقیندن
 تدقیقه باشلادی . انقلابم زده کوستردیکمز اتحاد و قوت ، سکون
 و اعتدال ، ایتدیکمز نمایش و سونجیلر ترکلرک ، عثمانلیرلرک

حقیقهٔ انسان اولدیفنی وانسانیتی سودیکنی فقط شیمدی به قدر وقوعه کلن خطالرك بالذات کندیلرینک صنعيله اولمبوب بر قاج مستبدك اثر ظالمانه سنی اولدیفنی اییدن ایی به آکلادیلر . آرتق بزده مدنی دولتیر ، ملتیر ایچنه قارشیدق . شیمدی هر کس بزدن مطلوب اولان علم و معرفتی بکلیور . هیچ بر زمان آوروپا- لیلر بزدن ، مدنی بردولتدن ، علمدن ، فزندن باشقه هیچ بر شی' بکله منزلر . بوندن صوکره بزم اولره کوستره جکمز الك بیوک معرفتمز عاممز عرفانمزد . شیمیدین صوکره بزی بو طوبراقلرده ثابت طوته جقده ینه علممز عرفانمزد . آوروپانک شیمدی به قدر حقمزده کوستردیکی فنا نظرلری ، تحقیر واستخفافلری هر کسجه معلومدر . فقط قان دوکیمسزین ، کیمسه نك حقنه ، حقوقنه تمرض ایتیمکسزین هم عسکر هم اهالی باخصوص بو قدر مختلف عناصردن مرکب براهالی یکوجود اوله رق بویله مسعود بر انقلاب یابدیمزدن دولای عموم آوروپا- لیلری محجوب ایتدیکمز ه هیچ شبهه یوقدر . طبیی استانبولده وسائر یرلره برچوق غزته مخبرلری بولایور . احوالری برر برر تدقیق ایدیور . و ناسوب اولدقلری غزته لره مقاله لر یازیو- لر . دیمککه بوندن صکره هر حالز یالکز ملتیزی تشکیل یدن هر فرد طرفنددن دکل ، دوست دشمنز اولان بر طاقم اجانب طرفندندن ده برر برر تدقیق ایدیه جک ، ایجمزدن بر کیمسه نك آتمش اولدیفنی فنا بر آدمک فنا نتیجه سی یالکز کندی

نفسنده قالمیوب بلکه عموم ماتده شامل اوله جق . ایشه برغزته
محرری نری و بزم اوصاف و خصائل انسانیه منری برر بر مدح
و نئادن سوکره ارده شویله برده جمله یازیور .

« آوروپا طویراقلری اوزرنده اوطورمه لایق اولدقلرینی
کمال امینله بیلدیکمز و شولیاقتسز لکلرندن طولایی آسیایه آتمق
ایستدیکمز بو « باربار » کندی حاکمیتلرینی الله ایتک خصوصنده
بزدن دهها مدنی اولدقلرینی کوسه تردیلر اونلر بتون اقوامک
سیل کبی قانار آقندینی بویله عظیم برانقلابده نه برپاش کسدیلر
نده بر وجود تلف ایتدیلر . « محرر یالکیز بونکله قالمیور
بربردهده « ترکلرک شو انقلابلرینی کمال سکون واعتدال ایله
یابدقلرندن باشقه شایان تقدیس برمزیتلری واردر که اوده اصلا
آلقول (اسپرتو) استعمال ایتمه ملریدر ، دیور . فی الحقیقه
آلقولک نه قدر مدهش بر شی اولدیغنی تریف ایتک بوراده
صددک خارجنده در . یالکیز بین الاطبا برچوق مباحثادن صکره
بزم شو انقلاب کبری بویله کمال سکون واعتدال ایله کچیردیکمزک
باشایجه سببی اهالیمزک - اکثریت اعتباریله - وجودلرینک
آلقول ایله مشبوع اولمدیغندن ایلری کلدیکنه قرار ویرلمشدر که
بوده موافق حقیقتدر . چونکه آلقول و هر نوع مسکرات جمله
عصیه بی او قدر یورار و اودرجه بوزار که انسان اک اوفق بر
شیدن بیله پک بیوک برتهور وحدته دوچار اولور .

خلاصه ، خطالرینی کمال جسارتله تشریح ایدن ماتلر ترقیه

نامزد در . بزده خطالرمزى بلا پروا ، قورقوسزجه سنه تشریح
ایتملى زواونلری تشریحدن صوکرده برر برر ازاله یه چالشملى
یزکه غایه املزمه وصولی ممکن اولسون . بوکون بزده اک
نقصان بر قوت وار ایسه اوده قوه علمیه در . قوه علمیه نك
نقصانغی دکلدرکه بزى شیمدی یه قدر استبداد بویوندوروغی
آئنده براقدی . حالبوکه قوه علمیه دیگر بوتون قوتلرک باباسی ، عادتا
برر هبیدر . برملته قوه علمیه نه قدر مکمل اولورسه اوماتک دیگر
قوتلری ده اونسبتده مکمل اولور . قوه علمیه هر شیدن اول انسانه کوزل
بر تربیه فکریه ویرر . انسان بو تربیه فکریه سایه سنده کندندن ،
محیطندن خبردار اولور . انسان هر نه یاپارسه فکریله ، عقایله ،
بینیله یاپار . فکر ، عقل ، بین نه قدر کوزل تربیه اولور ،
نه درجه مکمل بوانورسه طبیعی یاییلن شیرده اونسبتده مکمل
اولور واونسبتده جدی ، متین وسالم ایشلره تشبث اولور .
قوه علمیه قوه اجراییه دن معارف نظارتی نامیله معروف
بر نظارت طرفدن اداره اوانور .

معارف اک زیاده مکتبلرده تحصیل اوانور . اونک ایچون
بر ماتک قوه علمیه نك درجه سنی کوستره جک بر معیار وار
ایسه اوده مکتبلریدر . مکتبلر نه قدر چوق ونه درجه منتظم
اولورسه اونسبتده تحصیلده عمومی مکمل اولور .

مکتبلرمن درت قسم اوزرینه ترتیب اولمشدر :

۱ — ابتدایه مکتبلری

۲ — رشديه مکتبلى

۳ — اعدادیه

۴ — عالیہ

ابتدائیه مکتبلى . — ابتدائیه مکتبلرنده هرکسه الزم اولان او قویوب یازمغه برابر معلومات ابتدائیه تدریس اولنور .
 ابتدائیه مکتبلى ۶ دن ۱۳ یاشنده کی چوجقلره مخصوصدر .
 ابتدائیه مکتبلى مجناً اولوب مجبوریدر . یعنی هرکس کندی چوجفی مطلقاً ابتدائیه مکتبنه کوندرمکه مجبوردر . ابتدائیه اکر کوندرمنزه حکومت اونى تجزیه ایدر . ابتدائیه مکتبلریزک مدتی اوج سنه در . فقط چالیشقان چوجقلر بر سنه در بر قاج صنفک امتحانی بردن ویرم بیایرلر . ابتدائیه مکتبلرنده قیز و ارکک چوجقلری برانکده او قورلر ایسه ده اکثر محللارده قیز چوجقلری ایچون دخی خصوصی ابتدائیه مکتبلى بولنور .
 چوجقلر ابتدائیه مکتبلرندن ابتدائیه شهادتنامه سی آله رق چیقارلر .
 رشديه مکتبلى . — ابتدائیه مکتبندن صوکره رشديه مکتبنه کیریلور . رشديه مکتبنه کیرمک ایچون یا ابتدائیه شهادتنامه سی کوسترملی و یا ابتدائیه ده کی درسلردن او شهادتنامه درجه سنده امتحان ویرملیدر . رشديه مکتبنده ده چوق درسلر او قور . رشديه مکتبنک مدت تحصیایه سی دخی اوج سنه در . فقط چالیشقان چوجقلر هر سنه ایکی صنفک امتحانی ورمک ایسترلر سه قبول اولنور . چوجقلر رشديه مکتبندن رشديه شهادتنامه سی آله رق چیقارلر .

اعداديه مکتبلى . — رشديه دن صوکره اعداديه مکتبته کيريلور . بوراده دهاچوق فنلر تحصيل ايدایلر . انسان او قودجه ذهلر ، فکرلر آچیلیر . انسان هر شیدن خبردار اولور . چو قفلر اعداديه مکتبلرندن اعداديه شهادتنامه سیله چیقارلر . ابتداییه ، رشديه و اعداديه تدریساتی هر کسه الزمدر . حتی بر دمیرجی ، برقونديره جی بیله بونلری بیلمایدر . انسان بونلری بیلمزسه دنیسان بی خبر اولور . ناصل یشادیغنی ، نیچون دنیایه کلدیکنی بیله مز .

عالیه مکتبلى . — اعداديه دن صوکره مکاتب عالیه کلیر . مکاتب عالیه هر کسک مسلسکنی تعیین ایدر . مکاتب عالییه دن چیقان بر صنعت و یا بر مسلك اربابی اوله رق چیقار . مثلاً مکتب طبییه کیرن دوئتور ، مکتب حقوقه کیرن آروقات دارلمعاینه کیرن معلم ، تجارت مکتبته کیرن تاجر اولور . باشلیجه مکاتب عالیه شونلردر . دارلفنون ، مکتب طبییه ، مکتب حقوق ، مکتب ملکیه ، دارلمعاین ، تجارت مکتبی ، ملکیه بیطر مکتبی و سائرهدن عبارتدر .

خلاصه

- ۱ — قوه علمیه نهیه دیرلر ؟
قوه علمیه بر ملتك درجه علم و کلاتنی کوسترن بر قوت اولوب دیگر بوتون قوتلرک مادر اصلیبی ورهبر حقیقیسیدر .
- ۲ — بر ملتی دیگر ملته تفوق ابتدیره جک و نامنی ابدیاً ابقا ایلجه جک قوت هانکیسیدر ؟

برملتی بوتون ملتره تفوق ابتدیرمجك و نامنی ابدیاً ابقا ایلمه جك
آنجق اولمك قوه علمیه سی یعنی درجه معارف و کمال ایدر .
۳ — برملت وطنی ، حقوقنی هانکی نوله حفظ ومدافعه ایدر؟
برملت وطنی ، حقوقنی قوه علمیه سیله ، قوه عسکریه سیله صنایع ،
زراعت وتجارتیه محافظه ایدر .

۴ — آوروپالیر اسکیدن بزه نه دیورلر ایدی ؟
آوروپالیر اسکیدن بزه باربار یعنی لیاقت وقابلیتمز آدملر دیورلر
ایدی . بزم آوروپالک طومراقلرینی چیکله دیکمه راضی اولیورلر
وبزی آسیایه آتمق ایستیورلر ایدی و بزده انسانلغه لیاقت وقابلیتمز
اولدینی یاپدیغمز انقلاب ایله برپارجه اثبات ایتدک .

۵ — آوروپالیر شیمدی بوفکردن واز کچدیلر می ؟
آوروپالیر شیمدی بوفکردن وقتاً واز کچدیلر . اکر بز مشر-
وطیتک بخش ابتدیکی غایت واسع بر ساحه حریت داخله اولنلرک
آرزو و طلب ابتدیکی لیاقت وقابلیتی کوستره منزه اینه اولنلر فکرلرینی قوه دن
فعله حیه قاره جقلر . بزی آوروپا طومراقلرندن دایاقله تحقیرله قوه جقلر .
۶ — آوروپالیرک و بوتون عالم انسانیتک بزدن بکادکلی شی نه در؟
آوروپالیرک و بوتون عالم انسانیتک بزدن بکادکلی شی قوه علمیه
یعنی ، معارف ایله تجارت ، صنایع ورراعتده سوک درجه ترقیه زدر .
مع التأسف هر شیمز کی بونلرده پک نقصاندر .

۷ — معارفی کیم تأمین واحضار ایدر ؟
معارفی مکتبلر تأمین واحضار ایدر .

۸ — مکتبلر قاچ درجه اوزرینه ترتیب اولنمشدر ؟
مکتبلر درت درجه اوزرینه ترتیب اولنمشدر . اولنلرده ابتدائیه ،
رشدیه ، اعدادیه وعالیه مکتبلر ایدر .

۹ — ابتدائیه مکتبلری ناصلدر ؟
ابتدائیه مکتبنده اوفوبوب یازمق اوکر نالیدی کی بعض اوفاق
معلومات ابتدائیه دخی تحصیل اولنور . ابتدائی مکتبلر هر طرفده
مجبوری ومجانادر .

۱۰ — رشديه مکتبلى ناصلىر ؟

رشديه مکتبلى مبادىء نىلومك تدریس اولندينى ايکنجى درجه ده بر مکتب اولوب ابتدائيه دن سوکړه اورايه کيريلور .

۱۲ — مکاتب عاليه نصلدر ؟

مکاتب عاليه هرکسه بر صنعت اوکړه تير . مکاتب عاليه دن چيقانلر يابر صنعت ويابر مسلك اربابى اوله رق چيقارلر .

اون سکزنجى بحث

قوة بلديه

قوة بلديه هر مملکت اهالى سنك بالذات بلدىلرينك يعنى مملکتلىرينك اعمار و ترقي سنه چايشم ييدر . چارشولرک ، بازار . لرك تميز و منتظم اولمىسى ، اصناف و اهالى نك کندی آليش و يریشلرنده ، هر دلو معامله لرند حسن اتزاج ايلسى لازمدر . قوة بلديه بر مملکتک و بوضورتله بر مملکت درجه سى و نزا کتنه بر مثال اوله بيلور . قوة بلديه ظن اولندينى کي صرف بر بلديه مأمورندن عبارت دکلدرد . بر مملکتک قوة بلديه سى او مملکتک بتون اهالى سنه عانددرد . خلاصه هر کس مملکتک ، محله نك ، خانه و سوقاقلرک انتظام و مکمليتنده ، تعلیم و روزظافندن اهال ايتمه مايدرد . قوة بلديه نك ده منتظماً جريان ايده بيلمى ايجون رأى خفي ايله اهالى طرفندن منتخب بر بلديه رئيسيله برقاج اعضادن عبارت بر هيئت ادارمى واردر . بلديه رئيسى معاشلى اولوب اعضالى فيخيريدرد . بلديه رئيسى هرايکي سنده بر دفعه يکيدن انتخاب اولنور . مملکتک تنظيقاتى ، اصناف ، بقال واکمکچيلرک

تفتیش و نظارتی و مجلس مبعوثان اعضا لریك انتخاباتك اجراسی
هپ بلایه دائره لرینه عائددر .

خلاصه

۱ — قوة بلایه نهیه دیرلر ؟

هر مملكتك اعمار و ترقیسی خصوصنده بالذات او مملكت اهلینك
واقع اولان سى و غیرتلیدر .

۲ — قوة بلایه نكده حسن جریانى ایچون براداره سى وارمیدر ؟
اوت قوة بلایه نكده حسن جریانى ایچون بلایه دائره سى نامنده
براداره خانه سى وارددر .

۳ — بلایه دائره سنك هیئتئ کیملر تشکیل ایدر ؟

بلایه دائره سنك هیئتئ بلایه رئیسله اعضا لر تشکیل ایدر . بلایه رئیسى
عموم طرفندن رأى حنی ایله انتخاب اولنوب معاشلیدر حالبوکه اعضا لر فخریدر .

۴ — بلایه دائره سنك وظیفه سى نهدر ؟

بلایه دائره سنك وظیفه سى مملكتك تدریقاتى ، اصناف ، بقال
و اككجیلرك تفتیش و نظارتى ، مجلس مبعوثان اعضا لریك انتخاباتك
اجراسى هپ بلایه دائره لرینه عائددر .

قوای مایه جدولی

هیئت مبعوثان
هیئت اعیان

قوة قانونیه

قوة مالیه
قوة عسکریه
قوة انضباطیه
قوة عدلیه
قوة علمیه
قوة بلایه

قوة اجرائیه

قوای مایه

اون دو قونجی بحث

ممالك عثمانیه نك تقسیمات اداره سی

ممالك عثمانیه اداره جهتیله برطاقم ولایتلره ، ولایتلر
سنجاقلر و سنجاقلر قضالره ، قضالردخی ناحیهلره تقسیم اولمشدر .
ولایت . — ممالك عثمانیه نك اوفق برقطعه سی اولوب بروالی
طرفدن اداره اولنور . والی حکومت طرفدن تعیین اولنور
و ولایت مجلس اداره سنك تقدیس و نظارتی آلتده بولنور . والی
اجرا آتی متصرفلر واسطه سیله یابار والینك مرجمی داخله
نظارتیدر . والی ولایتك و اهالینك منافعی خصوصنده هردرلو
تشبند بولنه بیلور . لیکن بعض مهم ایشلر اولورسه اوزمان
حکومتك امرینی آلفه مجبوردر .

بوامری ایسه داخله نظارتی واسطه سیله آلیر . والی اولاً
صوره جنی شیء داخله نظارتنه یازار اوده صدارته بیلدیرر
صدارت دها مهم برشی ایسه مجلس عمومینك مساعدده سنی بکلر .
اگر دكلسه كندیسی امر ویرر ، ایشته بوسورتله اجرا آت
مهمه وقوعه کلیر . برولایتده ، والینك بواندینی مالکیه دائرة سیله
ایتناف جنایت ، تجارت محکمه لر ، پوسته و تاقراف خانه ، برمکتب
اعدادی ملک ، عسکری فرقه سی ، صنایع مکتبی زراعت
و تجارت مکتبی دارالمعلمین مکتبی ، مشهور ولایتلرده اجنبیلرله
قونسولوسخانه لر و مائر بولنور .

سنجاق . — سنجاق ولایتك بر جزئی اولوب بر متصرف طرفندن اداره اونور . متصرف دخی حکومت طرفندن تعیین اونور . و مجلس اداره لوانك تفتیش و نظارتی آئنده بوانور . متصرف اجرا آتی قائم مقاملره تبلیغ ایدر .

متصرفك مرجعی دخی والیدر . متصرف دخی مملكتك منامی ایچون رجوق ایشلرده بولور سده بض مهم خصوصاتده والینك امرینی دخی آلمغه مجبوردردر . بر سنجاقده ، متصرفك بولاندینی ملکیه دائرہ سیله بدایت محکمه سنك بولاندینی عدلیه دائرہ سی و سنجاغك و سمنه کوره بعضاً فرقه ، بعضاً برطابور عسکرک اداره سی ایچون لازم کان امرا و ضابطان عسکریه ، ولایت مکتب اعدادی سنك بر قایق صنف آشاغیده اولمق اوزره بر سنجاق مکتب اعدادی سی ، تلغراف و پوسته ، تجارت محکمه سی و ساحلده کی سنجاقلرده اکثر با قونسو و سخنه لر بوانور .

قضا . — سنجاغك بر جزئی اولوب بر قائم مقام طرفندن اداره اونور . قائم مقامك مرجعی دخی متصرفدر . بوده ملکك منامی ایچون هر درلو خصوصاتده حرکت ایدر بیلور سده بعض مهم خصوصات ایچون متصرفكده امرینی آلمغه مجبوردردر . بر قضا ، قائم مقامك بولاندینی ملکیه دائرہ سیله ، حاکمك بولاندینی عدلیه دائرہ سی ، رشدیہ مکتبی ، پوسته و تاغرافخانه و عسکریه دائرہ سی بوانور .

ناحیه . — قضاك بر جزئی اولوب بر مدیر طرفندن اداره

اولنور . بومديرلرلک مرجعلری دنخى قائممقاملردر . ناحیه مد-
یرلری آندقلری امرلری کوی مختارلرینه تبلیغ ایدرلر . هر
کوی ۳۰ دن ۵۰۰ خانه قدر اوله بیلور بونلر ایچلرندن بریسی
کهیا (مختار) ناميله انتخاب ایدرلر ، رسمی برکهیا مهری واردر .
کوبولور اومهری کیمه تسایم ایدرلر ایسه اومختار اولور . طبق
محله مختارلریده بویله در : برمختار برکوبلونک وکیلی دیمکدر .
بوکویه ویرکی تحصیلی ایچون تحصیلدار کلیرسه ایلک اول کهیا به
مراجعت ایدر . بوده کوبولوری جاغیروب کلن امری سویلر
اونلرده مختارلک سوزینه اطاعت ایدرلر . اگر مختار یولسز برایش
یابار ویاخود کوبولورلک حتملرینی محافظه به چالیشمزسه کوبولور
اونی عزل ایتک حقنه مالک اولورلر ومهری آلوب باشقه بریسنه
ویرلر . برکویده ویا برمحله ده یالکیز برمختار اولمز . برمختار
اول برده مختار ثانی وبرامامله برقاج ده اختیار مجاسی بوئور .
اگر مختار عزل اولورسه بو اختیار مجاسندن برینی مختار یابارلر .
چونکه بونلرمختارلغه نامزد اولمشلردر . کویلرده مختارلک معاشی
یوقدر . فقط شهرلرده محله کهیا لری تحصیل ایتدکلری ویرکیدن
برقاج غروش « کهیا جیلوق » تبیر اولنان برپاره آلبرلر . برده
نکاه وسائر خصوصاتده جزئی برپاره آلبرلر . برناحیه ده ناحیه
مدیریه ، صاحب حاکمی ، رابتدائییه وبعضاده رشديه مکتبی ،
ناحیه نك درجه همینه کوره بعضاً برتلغراف وپوسته خانه بولنور .
کویلرده ایسه کلن مسانرلرلک اقامت ایتدیکی برر اوطه ایله برر
ابتدائییه مکتبی بولنور .

خلاصه

- ۱ — ممالك عثمانیه اداره جهتیله ناصل تقسیم اولمشدر ؟
ممالك عثمانیه اداره جهتیله برطاقم ولایتلره ، ولایتلر سنجاقلره ،
سنجاقلر قضاالره ، قضاالر ناحیهلره ، ناحیهلر دخی کویلره تقسیم اولمشدر .
 - ۲ — ولایت نهیه دیرلر ؟
ولایت ممالك شاهانه نك منقسم اولدینی بیوک قطعه لر دن بری اولوب
بروالی طرفندن اداره اولنور .
 - ۳ — سنجاقل نهیه دیرلر ؟
سنجاقل ولایتك برجژی اولوب برمتصرف طرفندن اداره اولنور .
 - ۴ — قضا نهیه دیرلر ؟
قضا سنجاقلك برجژی اولوب بر قائم مقام طرفندن اداره اولنور .
 - ۵ — ناحیه نهیه دیرلر ؟
ناحیه قضا نك برجژی اولوب برمدیر طرفندن اداره اولنور .
 - ۶ — کوی نهیه دیرلر ؟
کوی ناحیه لرك برجژی اولوب بر مختار طرفندن اداره اولنور .
 - ۷ — مرکز ملحق ناحیه ویا قریه نهیه دیرلر ؟
کرك ولایت كرك سنجاقل مرکز لینه یقین برطاقم کویلر ویا اوکو-
بلرك مربوط اولدینی ناحیه لر واردر که بونلر دوغرو دن دوغرویه مرکز
ولایت ویا مرکز لوایه ملحق اوله رق اداره اولنورلر چونکه بونلر
بقیننده مربوط اولق ایچون مناسب بر قضا یوقدر . اوزمان مرکز
ولایت ویا مرکز لوالر بونا حیه ویا قریه لرك مربوط اولدینی بر مرکز
قضا کی نظر اعتباره آلیر .
- ایشته بوتون اسلاملی دوچار فقر و سفالت ایدن واونلری کرداب
اضمحلاله آنان سبب حقیقی اساساً دین مبین اسلامیتجه ده مردود اولان
بوسوء اعتقاددر . بناءً علیه بوندن بویله اعتماد نفسدن باشقه هیچ
برشی طایماتق واللله دخی اعتماد ایدرک ضلالتده قالماق عمومك ،

وباخصوص دین قرداشلریزک وظیفه سیدر. زیرا جناب حق قرآنک
 ۴۳۴ نجی صحیفه سنده سورۃ فاطرہ نک بشنجی آئینده ای انسانلر [الله
 اولان بیهوده اعتمادکز یولکری شاشیر قاسون] بویورمشدر .

یکرمنجی بحث

تبعه نک وظائف حقوقی

عین ماتک افرادندن هر برینه تبعه دینور : عثمانلی تبعه.
 سی دیننجه عثمانلی حکومتنه تابع اولان هر فرد آکلاشیلور .
 عین ماتک افرادی ، دینلری ولسانلری نه اولورسه اولسون ،
 عین تبعه دن اولدقلرندن بربریه قرداش دیمکدر .

تبعه نک وظیفه سی قانونه اطاعتدر . اگر بر کیمسه قانونه
 اطاعت ایتمزسه عاصی صاییلور . بناءً عایه او کیمسه شدتله
 مجازات اولتور . چونکه قانون منافع عمومیه ایچون قونلش
 بردستوردر . منافع عمومیه یی تأمین ایدن برشیشی قبول ایتمه مک
 ویا اوکا اطاعت ایله مه مک عمومه قارشى بر خیانتدر . اونک
 ایچون قانونه اطاعت ایتمین کیمسه قانوناً مجازات اولتور .

تبعه قانونه اطاعت ایتمکله برابر ویرکیلری دخی زماننده
 کتیروب حکومت ویرمکله مکلفه در . چونکه ویرکیلر منفعت
 واحتیاج عمومی ایچون صرف ای دیلیر . مملکتک اداره سی
 ویرکیلرله دوزله لیر . مأمورلرک معاشلری ویرکیلرله ویریلیر
 اگر اهالی ویرکیلری ویرمنزسه خزینیه هیچ باره کیرمز
 باره اولمینجده هیچ برایش کوریه منز اونک ایچون هر کس

حصه سه ما صابت ايدن وير كيلرى وقت وزمانيله محنه تاديه ايتمه
بورجايدر. خلاصه ويركى هر كسك بورجيدر . اوندن قور تاق
آنجق اونى تاديه ايتمه اولور .

تبعه دن هر كس كندى اولاد وعيالك سعادتي ايچون
چاليدوب پاره قزانغه دخى بورجايدر . ليكن بو باره يى هم
جنسلرينك مضرت وفلاكتلريله قزانمه مليدر . بو باره يى وطنه
وهم جنسلرينه خدمت ايدرك اونك مقابله قزانمايدر . انسان
كندى منفعتى منفعت عموميه يه خدمت ايدرك تدارك ايتمايدر .
اكر بويله چالشمز ايسه آرقه سندن فلاكت حاضر در . برمايى
تشكيل ايدن افرادك هپسى بر قرداش كيدير . اونك ايچون
بربرينى اينجتمه اكله برابر يكديكرينه معاونت و حرمت دده قصور
ايتمه مليدر . كوچك چوجقلرى ايني تربيه ايتلى ، يتيملى ،
بيكسلى مكتبه ويروب او قوتدير مى واونلرك سعادت وسلامت
حال و آتيسنى تايمين ايتلى . فقرا واختيارلره آجيملى . محتاج
اولانلره معاونتسندن كبرى دورمه مايدر انسانيت بونى ايجاب
ايتديرر . الك بيوك وظيفه لر من وطنك سعادت وعظمتنى تايميندر .
وطنك معارف ، صنايع ، تجارت وزراعتنى ايلرى كتورمك
عموم تبعه نك الك بيوك وظيفه سيدير . معارف سز بر مات روح سز
بر جسم كيدير . تجارت صنايع وزراعت دخى آنجق معارفله
ميدانه كلير . خلاصه ، بونلرك هپسنىك اساسى معارفدر . كرك
معارف كر كسه صنايع ، تجارت وزراعت ماتك بيوك كوچك هپسنىك

سعی و غیرت و ثبات دائمی را به میدان کلیه. از مهم ایشلر برکشینک چوق
چالشمسینه دکل، چوق کشینک برچالشمسینه الد ایدیلیر. ارنک
ایچون هرکس آل آله و یروب اتحاد و اتفاقله چالشمایدیر. بربرینک
ایشی اکیال ایتک ایچون بربرینه یاردم ایتایدیر. قطعاً نه مه لازم
دییه ملیدیر. صکره هرکس نه مه لازم دیرسه هیچ برایش
کورماز. چوققلر سز شیمیدین متفکر متجاسر و متشبث
اولیکز. عقلکیزک کس دیکی هرایشی اجرایه تشبث ایدیکز.
و تشبث ایتدیککیز ایشلری دخی قانهایته قدر تمقیده ثبات
ایدیکز. ایشته اوزمان سیمکیزک سعادتی کوررسکز و وطنه
بیوک بیوک خدمتلا ایدرسکز.

تبعه نك حقوقی : حریت ، مساوات ، عدالت و اخوتدن
عبارتدار. یعنی هرکس قانونی تجاوز ایتمین و عمومیه ضرری
طوقمیان هر فغانده ، فکرنده ، اجراآت و تشبثاتنده سربستدر،
هرکس قانون قارشیدینده مساویدر. هرکسک حقوقی عدالتله
کورمالیدر. هرکس بربریه قرداش کبی کچیمایدیر. بوندن
باشقه هرکسک مالی ، جانی ، عرضی و ناموسی دخی برحق
اولوب بونلرک محافظه و وقایه سنه دخی حکومت بورجایدیر.
تبعه نك حقوقی محافظه بورجایدیر. اگر تبعه نك حقوقی محافظه
ایدنرسه هرکسک حکومت حقنده شکایت ایتک و مجلس مبعوثانه اقامه
دعوا ایلهمکه حقی واردر. فقط هرکس هر دعوا ایچون
دوغرودن دوغرویه مجلس مبعوثانه شکایت ایتیوب اولاً

منسوب اولاديني حكومه مراجعت ايدەجك اكر اورادن
حقوقي محافظه ايتزلر ايسه اوندن سوكره مجلس مبعوثانه
شكايته حق اوله جقدر . مجلس مبعوثان دنخى هم مدعينك
حقوقي استرداد ايدەجك و همده اوله مراجعت اينديكي حالده
حقوقي كتم ايدن شعبه حكومتي شدتله جزايه چاربه جقدر .

خلاصه

۱ — تبعه نهيه ديرلر ؟

تبعه ، عين ملتك افرادندن هر برينه تبعه ديرلر .

۲ — ملت نهيه ديرلر ؟

ملت ، مقصدلري اولان وعين قانونه تابع يونان و بر سنجاق
آلتنده جمع اولان بر ويا برجوق اقوامك هيئت مجموعه سنه ديرلر .
بزم ملتزه عثمانلي ملتي تعبير اولنور . بودو عثمانلي بايراغي آلتنده
طولبلانان مختلف اقوامدن مركيدر . بونلرك باشليجه لري : تورك ،
عرب ، آرنارود ، كورد، روم ، ارمني ، يهودي ، بلغار و سائرهدر .
بو مختلف اقوامك لسان و دينلري نه اولورسه اولسون هبسي عثمانلي
نامي آلتنده برلشير . عثمانلي ملتتك لسان رسمي تركجه اولوب
تبعه عثمانيه دن هر كسك بوني بيلمسي و اوكرنمسي لازمدر .

۳ — تبعه‌ك وظيفه سي نهدر ؟

تبعه‌ك وظيفه سي قانونه اطاعت ايتك ، وركيلري وركم كندى
اولاد و عيالي اعاشه ايله مك ، كندى چوجقلىرى كوزل تربيه ايتك ،
وطنك سعادت و عظمتي ايجون چاليشمقدر .

۴ — چوجقلىر تا كوچكدن اعتباراً ناصل اولميدر ؟

چوجقلىر تا كوچكدن اعتباراً دائماً متفكر ، متجاسر و منشبت
ولميدرلر . عقللرينك كسدكي هر ايشي اجرايه تشبث ايتل و اجرا سنه
نشبت ايندكلري هر شبي "ناهايته قدر تعقيبده ثبات ايلميدر" ايسته

اوزمان سعيارينك سعادتي كوررلر و وطنه ده بيوك بيوك خدمتلايدرلر.
 ۵ -- تبعه نك حقوقى نه در ؟

تبعه نك حقوقى ايسه حریت ، مساوات ، عدالت و اخوتدن عبارتدر .
 يعنى هر كس قانونى تجاوز ايتمين و ضررى عمومه طوقنميان هر بر
 افعالنده ، افكارنده ، تشبثاننده سربست اولوب قانون قارشيسينده
 مساوى اولوب حقوقى دخى عدالتله كوريلوب هم جنسـلريله بالخاصه
 وطن قارداشـلريله قرداشجه كيچينمكدر .

۶ — تبعه نك حقوقى محافظه يه كيچم بورجـليدر ؟

تبعه نك حقوقى محافظه يه حكومت بورجـليدر .

۷ — حكومت تبعه نك حقوقى محافظه ايتـمـزـسه نه اولور ؟

حكومت تبعه دن بر ويا بر قاچنك حقوقى محافظه ايتـمـز ويا سوء
 استعمال ايدرسه اونلر حكومت حقنـده مجلس مبعوثانه شكايـت ايدرلر
 فقط اولجه منسوب اولدقـلـرى حكومته شكايـت ايتـمـكـدن صـكـره يـنه
 حقـوقـلـرى قـانـون دائـره سـنـده كورلمـزـسه اوزمان مجلس مبعوثانه شكايته
 حقـلـرى واردر .

تشبث شخصى

تشبث شخصى ، هر كـسـك كرك منفرداً كرك مجتمعاً
 چاليشـمـلـرى و چاليشـمـق ايجون لازم كلن واسـطـه لـره تشبث
 ايتـمـلـريدر . تشبث شخصى ، هر كـسـك كـندى اـكـمـكـنى كـندى
 سـهـيـله قـزـانـمـيـدر . تشبث شخصى هر كـسـك كـندى سـعـادـتى
 شـوـنـده بـونـده دكل بالذات كـنـدنـده آرامـسـيـدر . هر كـسـك بر
 نـقـطـه اسـتـنـادى واردر . هر كـسـ او نـقـطـه اسـتـنـادى كـنـدنـده آرامـلـيـدر .
 اكر كـنـدنـده آرامـزـسه ايشته او زمان استبداد و فـلاـكـته محـكـوم
 اولور . مثلاً : بر جوجـق مـعـيـشت ، تربيه ، ثروت و سـعـادـت

کبي مختلف اسبابدن عبارت بولئان کندی نقطه استناديني کئنده، بالذات کندی سئنده آراميويده کندی عائله سنده آراسه عائله سیده باشقه عائله ده اوده باشقه سنده ويا حکومتده ويا خودده بونلرک هبسي ده حکومتده آزارلر و بو صورتله هر کس بربرينه تبصيره، استبداد و تحکيمک حصول و تشکينه ميدان ويرلر. فقط عکسي حالده انسانلر هر درلو سعادتي اکتساب ايتمک، کندی الرنده اولديغني ايجه بيلسه لر و او صورتله کئديلرندن و کندی سئلرندن باشقه هيچ کيمسه يه اهميت ويرمه سه لر ايشته اوزمان کندی نقطه استنادلريني کئديلرنده تقرر ايتديرمش اولورلر. انسانه بويله جه کندی نقطه استنادکاهني باشقه سنده آراتان و بو صورتله مئساسلا بر تحکيم واستبداد تشکيل ايتديرن اسباب درتدر: بريسي سوء تربيه؛ ايکنجيسي عطالت اوچنجيسي حکومت اولان اعتماد، دردنجيسي ايسه سوء اعتقاددر. برنجي شق: هر چوجق کندی عائله سندن ناصل بر تربيه ابتدائيه آليرسه اوکا کوره حرکت ايدر. ايلريده تحصيل وکلانه مظهر اولورسه بالطبع او تربيه يي دکشديرر. اوله مازسه اويله جه قالير. بونک دخلي بينو کدر. بر چوجغک عائله سي اوکا بوکا بويون اکن، کندی سعادت و معيشه تني باشقه لر ينک سئنده، قزانجنده، باره سنده آرايان ويا حکومته قويروق صاللايان طاقندن اولورسه چوجق ده اويله جه تربيه کوره چکندن بالطبع اوده اويوله سلوک ايدر.

ايکنجی شق : انسانک بحق تشبث شخصی دائره سنده
مظهر سعادت اوله بيلمسی ايچون چوق چالیشمسی ، چوق
يورولمسی ايحاب ايدر . بوايسه تابللرک ایشی دکلدرد . تابللر
هر شی قولايجه بولوب صرف ايتک ايسترلر بوکا موفق
اوله بيلمک ايچونده شونک بونک امری ، تحکمی آلتده
قالقه راضی اولورلر ؛ چالیشوب جبالایوبده کندی سبی
ایله تدارک ایتدیکی اکمی بر راحت وجدان ایله یمی ،
تنپورانه اوطوروبده شونک بونک عتاب وتحقیر زهرناکیله
یکه ترجیح ایتزلر .

اوجنجی شق : حکومت اولان امنیت واطمئنان همان
برقومی بوتون بوتون فلاکتیه دوشورده جک درجه ده مؤثر
اسبابندرد . هر حکومتده مختلف عناصر واردرد . بوعناصردن
هانکیسی حاکم ايسه اوعناصرک افرادی فقر وسفالتیه محکومدر .
سببی ايسه صرف حکومت اولان اعتمادلیدرد . وبو صورتله
کندی نقطه استادکاهلری کندیلرندن قالدیروب حکومتیه
قورلر . مثلا : بزم متمزک ، ترك ، عرب ، ارناوود ، روم ،
ارمنی ، یهودی کبی یک چوق اقوامدن مرکبدر . بو اقوام
میاننده اک زیاده فقیر وسفیل قالان ايسه ترکاردر . اولردن
صوکره محکوم سفالت اولانلر تکمیل اسلاملر کلیر ، دیگر
عناصر بالعکس زنکین وهر بری بر صورتله مسعودرد .
روسیه ده ايسه ینه بویله در . ملت حاکمه اولان موسقوولر

فقر و سفاقت در . اورادہ کی اسلام لر ایسہ بالعکس غالب
 و زکیندر لر . ایستہ بوکا سہ بیت و یرن شی اومتک حکومت
 بنسہ می اوکا ربط قلب ایدوب - کوبا حکومت اونک هر بر
 صورتہ حایسی ایش کی - کندی تشبثی قبرمسیدر . ملت
 حاکمہ نک بویہ جہ محکوم فقر و ضرورت اولسنہ سبب صرف
 کندی نقطہ اسلام لرینی حکومتلرنده آراملریدر . دیگر
 عناصرک بوحالہ محکوم اولماسی ایسہ ہرنہ قدر اولردہ نقطہ
 اسلام لرینی حکومتدہ آراسہ لر بیلہ بالذات مات حاکمہ قدر
 او نقطہ یہ کمال اطمینان ایلہ اعتماد ایدہ مدکلرندن نقطہ اتناد .
 کاهلرینی ینہ کندیلرینہ ارجاع ایتدیرلر . ایستہ بوسایہ دہ
 مملکتک معارف ، صنایع ، تجارت ، زراعت کی اسلامی
 نقطہ لرینی اللہ ایدرک ظاہردہ قورو برنام ایلہ او طویراقلرہ حاکم
 اولانلرہ حقیقتدہ اکثر اولان پارہ قوتیہ حاکم اولورلر بر مات
 حاکمہ نک محکوم سفاقت اولمہ نک بوندن باشقہ بر سببی دہا واردر کہ
 اودہ مذہب اولدقلری حکومتک جور و جناہ ، آئندہ ازلمسیدر .
 دردنجی شق : سوء اعتقاد نتیجہ سی اولہرق ، هرکس
 کندی نفسنہ اعتماد ایدہ جکی یردہ اللہ اعتماد ایدر . ای ،
 کوتو ہرنہ کایرسہ آلاہدن بیایر . بوصورتہ هر شیک اسبابنہ
 تسلیم ایتیز . حالبوکہ اللہ انسانلرہ ارادہ و اختیار و یرمش
 ابنہ تثبت ایتدجکہ هیچ بر شئی و یرمیہ جکی دہ یوزلر جہ
 ایلہ امر بو یورمشدر . کندیلرینہ کورنمیو بدہ آلاہ

کوہنن کی مسہر کندی اللریہ کندی فلا کتلیخی حاضر لاش
اولورلر . سعادتك حصولی ایچون هرشیدن اول اعتماد نفس
شرطدر . هرکس کندیسنک پادشاه ذی شانی اولماید . کندی
نفسلرینه اعتماد ایتیموده اللهه اعتماد ایدنلر وهر درلو ایلدیکی ،
سعادتی اللهدن بکلینلر کندی نقطه استنادکاهلریخی کندیلرندن
قالدیروب اللهه قورلر ، وبو سوء اعتقاد نتیجه سیله اللهک امر
ایتدیکی اسبابه توسل ایتدکلرندن هر درلو فلا کته محکوم وانورلر .
برایشه ناصل تشبث ایتلی واو ایشی نهایته قدر ناصل
تایجه لندیرملی ؟

برایشه ، تشبث ایتک ایچون اولا تشبث اولنه جق ایشی
ای بیاماید . اوایشک فائده وضررینی هر بر شمولایله ایجه
دوشونملی ، اوندن صکیره اجراننه قرار ویرماید . اجراننه
قرار ویریان بر شی ایه درحال اجرا ایتماید . اگر انسان
اوزون بویلی بر شیده قرار ویروده قوددن فعله چیتارلدینی
حالده فائده سی کوریه جکی تحقق ایتدیکی تقدیرده اونی اجرادن
چکنیرسه هیچ بر شیده تشبث اولنه ماز وهیچ بر شی ده میدانه کلز .
انکلیرلرک بوقدر مترقی اولمیرینه ، مملکتلری ایکی
اطمدن عبارت اولدینی حالده بوکون اوچیوز میایونلق
بر نفوس عظیم ایله بوتون دنیا یه بایرلمیرینه . بده تشبث اولماید .
انکلیرلر حاکم لردن بریسی « موفقیت اوج شرطی وارد
برنجیدی تشبث ، ایکه جیدی تشبث اوچن جیدی تشبثدر » دیمشد

دیگر بر انکلیز عالمی ایسه «موفقیّتک اوج شرطی واردر .
برنجیسی جسارت ایکنجیسی جسارت اوجنجیسی ینه
جسارتدر ، دیمشدر .

اوجنجی بر انکلیز عالمی ایسه «موفقیّتک اوج شرطی
واردر برنجیسی ثبات ایکنجیسی «ثبات» اوجنجیسی ینه
ثباتدر ، دیمشدر . دیگر برعالم ایسه بونلری برلش-دیره رک
«موفقیّتک اوج شرطی واردر: بریسی جسارت ، ایکنجیسی
تثبت اوجنجیسی ثباتدر ، دیمشدر .

فی الحقیقه بونلر تشبث شخصیه کوزدیهلجک اک مهم
نقطه لردر . بر شهرک بر محله نکه اهلایسی اجتماع ایتملی ، شهرده ویا
محله ده مکتب ، مدرسه ، بقایه کپی نقصان شیلری دوشونملی
بینلرنده براغانه تشکیل ایدوب بونلری یاملی یالکیز برکیسه نکه
موفق اوله میه جنی بر شیئه اشتراک و اغانه سایه سنده موفقیّت
پک قولایدر . فرانسلر بر چوق سیاسی جمعیتلر تشکیل ایدبورلر ،
حالبوکه بونلرده بوشلق ، بوشلقدن متولد بر آچایق حس اید-
یایور . بونلرک هانبتون سعلیلری نتیجه سز ، نمر سز قالبور .
انکلیزلر ایسه دائماً مبدشت و اقتصاد اوزرینه جمعیتلر یایبورلر .
حکومت مدخله ایتیمورلر . بو سایه ده پک چوق شیلره موفق
اولبورلر . بر انکلیز کندی نه اسالی بر مدار مبدشت بولمق ایچون
کندی ملکیتده چالیشور ، بوکا موفق اولورسه نه اعلا اولورسه
مماکتی ترک ایدبور ، دیار دیار دولاشیور ، نهایت بریرده

کندینہ مناسب براکمک بولیور ، اوصورتہ استراحتنی تأمین
ایدیور . آورو بانک ہر ہانکی طرفہ کیداسہ متعدد انگلیز
سیاحلرینہ تصادف اولور ، بونلر پک زانکین اولدقلری حالہ
اشترک سایہ سندہ ہرشدہ موفق اولدقلری کبی سیاحتہ موفقی
اولیورلر . وائسای سیاحتہ بر معدن ویا برایش کورورلرسہ
در حال اونی اجرایہ چالیشیورلر و نتیجہ سنک صوکنہ قدر دہشتات
ایدیورلر بویلہ تشبثک نتیجہ سی البتہ عظیم قالمیور .

ہرشدی حکومتدن بکلہ مک نہ قدر عبث ونہ قدر شایان
تأسفدر . ملت کندی حاکمین تأمین ایچون مطلقا تشبث
شخصیہ درت ال ایلہ صارلماید . برملتک سعادت و سلامتی
ایچون تشبث شخصیدن باشقہ مؤثر ہیچ برشی یوقدر .
بعضلری بر تجارت ویا بر ایشہ باشلامق ایچون پارہ سزلقدن
شکایت ایدیورلر . بویک بیوک بر خطادر . پارہ ایلہ ایشہ
باشلامق پارہ پارہ قزاندر مقدر . معرفت پارہ سزل ایشہ
باشلایوب آرین تربی صاری آلتونہ قلب ایتمکدر . فقط کسب
ثروت ایچون بارمدن زیادہ تشبثک دخلی وارد . تشبث شخصی
اک بیوک وتوکنمز بر رأس المالد . انسان ہرشدہ پارہ سیلہ دکل
فکریلہ ، تشبثیلہ ، فکر تشبثیلہ تشبث شخصیدسیلہ مظهر
وموفق اولور .

